

KA JINGSHAI NA LA KA RI

JINGTHOH IA KI POR BA LA LEIT

DA

U Morendro Doonai

Le pynthai da—

Ka Violin Nongbri

bi

Ka Diolin Nongbri

(All Rights Reserved)

SHILLONG

Printed at the Khasi - Jaintia Press,

Mawthar Shillong - 1.

1978

Ka Dor—Rs. 3 50.

SCHOOL SECTION

JINGSHAI NA LA KA RI

JINGTHOH IA KI POR BA LA LEIT

DA

U Morendro Doonai

La pynmih :la—

**Ka Violin Nongbri
&
Ka Dholin Nongbri**

(All Rights Reserved)

SHILLONG

**Printed at the Khasi - Jaintia Press,
Mawkhar, Shillong - 1.**

1978

Note : JINGKYNTHOH - SHIKYNTIEN

Ban khmih khadduh ia kane ka kot, la wan ai ha ka Friday, 10th November, 1978, hynrei i Pa im shyn la lah leh ei ei shuh, namar ka 'jingpang ka la kem kynsan haduh ba im lah khie shuh bad I la khlad noh ha ka Sunday, 12th November, 1978.

Kumta ngi ki khun, ki ksiew bad pyrsa jong I ryngkat bad I Mr. A. S. Khongphai, iba la trei shiton, ban ai buit ai bor ban pynmih ia kane ka kot bad ka jingsngewnguh kaba khraw ia i, ngi la ai kyrteng ia kane ka jingthoh "JINGSHAI NA LA KA RI" bad buh ha ka dor Rs. 3.50 kumba I Pa i la ong.

La ngi pangnud ba I Pa/Parad bad kfi baieit jong ngi im shym la lah ban iohi khadduh ia ka "JINGSHAI NA LA KA RI," hynrei ngi tngen ban pyrkhat ba kane ka kot kan iai sah jingkynmaw, kum u mot ba la tei nam ia I.

Violin Nongbri,
Diolin Nongbri,
Victoria Alycia Nongbri,
Anita Jones Nongbri,
L. B. Dunai,
D. Mcbell Dunai.

Dated Wahingdoh, Shillong

The 16th November 1978.



U MORENDRO DOONAI
Receipient of British War
and Victory Medals 1914-18

KA JINGLAMPHRANG

Kaei ka daw kaba la pynlong ia nga ban thoh ia kane ka kot ka long na ka bynta ka jingkyntu ki para lok, haba nga lathuhkhana kai ia klei kiei kiba rim ba jah kiba naduh ka por ba wan kiew ki Phareng shane sha ri Khasi, ki sngewthuh ba nga lah ban kynmaw bha ia ki khana ki riew tymmen kiba la shuwa ia nga da ki phew snem. Dei ma ki kiba la ong ia nga ban buh noh ia kine ki khana ha ka jingthoh khnang ba kan long ka jingkyntu bad tip ki pateng bynrrew jong ngi kiba dang mih hadien. Ka pateng bynrrew kaba mynta hi kim don jingtip ei ei ruh ia ki brierw ne ki jingjia kiba tang kumba 30/40 snem mynshuwa. Kim tip ia ki kyr-teng ne ki nam jong ki Longshwa Manshwa kiba la leh ia ki kam donnam bad jingshlur jong ki. Ki tip tang ia ka khana shaphang u Tirot Singh, u Kiang Nongbah, u Babu Soso Tham bad u Babu Jibon Roy, ia kine ngan ym thoh ei ei shuh namar ki la don bun ki jingthoh shaphang kine ki rangbah, hynrei ngan thoh ia kiwei pat ki bym pat don ha ki jingthoh.

Ha kane ka jingthoh jong nga haba nga ong "Nga" ne "Manga" kata ka mut ia kiei kiei kiba nga da leh ne iohi da lade hi. Hynrei haba nga ong pat "la lathuh ia nga" lane "ka khana ka long" kata ka mut ki khana kiba nga shu ioh jingtip na ki rangbah/tymmen kiba la shuwa ia nga da ki phew snem. Kane ka kot kan long kum ka "History of India." Ki khynnah samla haba nga ong "ba ngi wan shane sha Laban ban shong skul, ngi shu laid da ka kjat," kumta ki la lyngngoh bad ong "kumno phi lah ban laid naduh Sohra haduh Laban." Don ki samla graduate haba ki a kren kai shaphang ka jingleit sngap kai ha Legislative Council, nga ong ia ki "kaba snewtynnad eh ban leit sngap kai ka long ha ka por ba don ka Swaraj Party," ki ong pynban "ka Swaraj Party aiu kata."

Ngan pyrshang ban thoh katba nga lah ban tip bad kynmaw bad lah ban don ka jingduna ne bakla katto katne sngewbha ban map.

(ii)

Kaba nyngkong eh nga ai khublei ia ki rangbah kiba la ai jingiarap ia nga ha kane ka kam bad kita ki long (1) Rev. L. S Diengdoh, (2) Rashmohon Roy Nongrum. (3) U Niso Diengdoh. (4) U Horisa Nongkynrih, (5) U Werison Dohling, (6) u Sibcharan Roy jald Dkhar, u Konjro jald Dkhar bad kiwei de. (7) Une dei u bah Wilson Reade uba la iarap ia nga ha ka ban pule bad pynbeit ia ki jingduna hangtei hangthie bad ai ia ki snem kiba u tip baroh. Haba u bah Will u pynphai ia kane ka kot u ong ia nga "kane ka kot lada phi lah ban pynmih ka long kaba dei eh ban long ka Text Book ia ki khynnah skul" hynrei ma nga hi ngam tip ei ei ia kata. Bad da ka jingiap kyndit jong i nga la duh noh ia u nongiarap ia nga ha kane ka kam. (Pule ia ka story jong i ba nga la thoh baroh).

Dated Wahingdoh Shillong.
5-7-77.

Moreandro Doonai.

**A. S. Khongphai, B L.
ADVOCATE**

**Riatsamthlah,
Shillong,
East Khasi Hills,
Meghalaya.**

KI KTIEN 'RUID PHANG

U Rangbah Morendro Doonai u la pyrshang bad ialeh katba lah ban lum lyngkot ha kane ka jingthoh ia kiei-kiei kiba la jia, kiba la long kiba shisha bad kiba u la iohngew ne ioh-i. Ka long ka jingsdang kaba dei bad ka rukom thoh ia kane ka kot ka kham pher na kiwei-kiwei ki kot ha ka ktien Khasi.

Ngim lah ban tei ia ka lawei lynda ngi tip ia ka mynnor. Ka khubor ba ngi lah ban ai ha ki longdien mandien, ka dei ka khubor na ki longshuwa manshuwa—(The message for the future is the message of the past). Ngim del ruh ban tip ia la ki briew kiba la pawnam, ia ka jaka bad ka por ba ki la im, bad lada ki dangim kin ong aju mynta bad kumno kin kyntu ba ngin leh kat kum ka por bad ka jaka, ka por ba la leit, ka por ba mynta, ka por ban wan ban tei ia ka lawei.

Mynshuwa ki briew ki ju iashem ha ki iew ki hat, hangta ki ju iathuh khana ia la ki jaka, ia la ki briew kiba la pynsah nam pynsah kyrteng bad ia la ki shnong, ki ri bad jaka. Mynta ha kane ka juk ngi dei ban lum ha ki jingthoh kum ia kine kiei-kiei kiba lah ban ai jingmut ne ban pyrkhath bad kynmaw ia ki por ba la leit noh.

Ngim ngelt ba kane ka kot kan ai jingmyntoi la ki nongpule ban kynmaw ia ki por ba la dep—Ki tymmen mynhyndai la ngim ioh-i shuh, hynrei jingkyntaw ia ki kan ym duh. To ngin ialeh ban kyntiew sha ka burom ia la ka jingim ba dangsah.

A. S. Khongphai.

**Dated Shillong,
The 16th August, 1978.**

Rev. W. Manners, B. A., B. D.

**Umsohsun,
Shillong-793001
Meghalaya.**

Nga sngewbha ba nga la ioh ban pule ia ka kot ba la thoh da I Bah Morendro Doonai, ha kaba i ai jingtip shaphang katto katne ki Syiem Khasi bad shaphang ki 'riew pawkhmat jong ka Ri. Nalor kine ki don ha kane ka kot jong i katto katne kiei kiba dei ia ngi ban tip. Ladaym shym la don kum kine ki jingthoh suki kine baroh kin sa noh sha ka Ri ka jingklet. Ngi sngew burom ia u nongthoh namar kane ka jingpyrshang jong U.

Nga kyrmen ba kane ka kot kan poi sha man i thliew iing bad ba ki lok kin pule ia ka.

Rev. W. Manners.

—

**SHILLONG.
Mission Compound
The 13th September, 1978.**

I Bah Morendro Doonai i la leh kaba dei eh ban buh ha ka jingthoh shaphang la ka Ri. Ka pateng byn-riew u Khasi kan ym jah duh haba la don kiba kum kine ki jingthoh.

Nga al khublei la ka jingtrei shitom jong i ha kaba lum ba lang ia kine ki jingthoh hadien ba i la lah ban pynmih pyrthel ia ine i kot lyngkdop.

**N. L. Kharkongor,
Retired Assistant Inspector of School
for Hills.**

JINGKDEW

Sl. No.	Ki kyrteng	Page
1.	U Dewan Singh Syiem Sohra	1
2.	U Ramsingh Syiem Sohra	2
3.	U Sib Charan Roy jaid Dkhar	4
4.	U Syiem Hajon Manick Sohra	7
5.	U Sviem Roba Singh Sohra	7
6.	U Ron Singh Syiem Mylliem	8
7.	U Rabon Singh Kharsuka	10
8.	U Radhon Singh Berry	11
9.	U Larsingh Khongwir	11
10.	U Rai Singh jaid Shabong (U Roy Singh)	12
11.	U Rev. J. J. M. Nichols Roy . .	14
12.	U Konjro jaid Dkhar	17
13.	U Donkha Dunai	20
14.	U Mr. David Roy Jaid Phanwar	23
15.	U Rimor jaid Kharmaw	25
16.	Ka Lyngknot u lar	27
17.	U Iso Diengdoh na Sohra	28
18.	U Mih Nongkrem & I Raimuni jaid Dkhar	31
19.	Ka jingwan poi nyngkong eh ka Aeroplane hangne ha Shillong	32
20.	Ka jinghap ka Aeroplane	34
21.	Ka jingkyndriah ka Sor Shillong bad leit sha Dacca	35
22.	Ka jingban bein ki dkhar Bengali ia ki Khasi, Assamese bad Muslim rit paid	36
23.	U Mr. Wilson Reade Phanwar	38
24.	Ka Revival ha Sohra 1904-05	40
25.	Ki Shella ha ki por shuwa u Jumal	41
26.	Ki nongialeh kai football kiba nongkong eh na ki Khasi bad ka jingialeh kai football kaba tang 6 ngut shi liang (Six aside)	43

27.	Ka jingleit France & Mesopotamia ki Khasi ...	48
28.	Ka jingleit jingwan ki briew naduh Sohra bad Jowai shane sha sor Shillong iaid da ka kjat ..	52
29.	Ki club ialehkai tihatar ki Khasi shuwa ban wan ka Cinema ...	53
30.	Ka shad Suk Mynsiem ...	55
31.	Ka rukom ring phan da ki briew 4 naduh Lad Mawphlang haduh Sohra ...	55
32.	Ka jingiasiat khnam ha Ri Khasi ...	57
33.	Ka jingiasiat khnam ha'Jaintia ...	60
34.	Ka lasiat thoh tim (team) ...	60
35.	Ka jingleit beh khiat bad ka phawar ha Sohra ..	61
36.	Ka rukom riam ki Khasi ha ki por mynshuwa ...	63
37.	Ka jingiapher ki dor ki mur ha ki por mynshuwa bad mynta ...	65
38.	Ka rukom Rai Mukot duma ha Sohra da kaba shu ia ngam um ...	67
39.	Da kumno ngi loh ia ka Shillong Govt High School ...	63
40.	U Horju Roy Khongwir ...	69
41.	Ka jingleit shoh dohkha dohtli shuwa han khang ka Sorkar da ka ain ...	70
42.	Ka jingshet kiad shuwa ban ai Licence ka Sorkar ..	72
43.	U Baiiwell u nongtuh ba pawnam ha Ri Khasi ...	73
44.	U Nibirai jaid Okhar ...	75
45.	U Radhonsingh langblah ...	76
46.	Ki Misteri maw ha Jowai bad u Sahep Missionery ...	76
47.	U Rangbah Ruhim Singh Nongkynrih ...	77
48.	U Nissor Singh Lyngwa uba Nyngkong eh uba shna Thapbalieh ha ri Khasi ...	83
49.	Ka list ki shynrang bad kynthei kiba la ia pass na ki college bad kiba loh nam na ka Sorkar ..	77
50.	Ki Syiem Khasi ...	5
51.	Meghalaya State ...	5

JINGPYNBEIT :—

Page 38 Pule Instruction ha ka jaka Instructor.

„ 13 „ Kubur ha ka jaka Kubor.

Kaei ka daw ba u Dewan Sing Syiem Sohra um nud ban ialeh pyrshah ia ka Sorkar Phareng

Ngan pyrshang ban thoh lyngkot katba lah kat kum
ka jingtip bad jingsngewthuh jong nga.

Ha kawei ka snqi ba nga leit on thang briew ha
Sohra ha Siangkatiot la don kumba 5/6 ngut ki rangbah
kiba iashongkai hajan jingthang, bad uwei na kita ki
rangbah u pe t sha ka dieng sohot kaba don haien jaka
thang briew bad u ong kumne "ha shuwa ban wan
ka Sorkar Phareng sha kine ki ri lum jong ngi la don
uwe i u briew uba nang bad sngewthuh ia ka jing'ren ka
tyngab ba kala iathuh lypa" bad ong kumne "ba ka la poi
ka por ba ki 'khar lieh 'khar iong kin sa wan kiew shane
sha ri lum jong ng'" uta u briew u la kylli ia ka tyngab
bad ong "ba lei ym lai ban ialeh pyrshah ia ki da ka
weit ka stieh?" hynrei ka ong "em ym lah ban ialeh
pyrshah ia ki kan long lehnohei." Kumta tang khyndiat
snem ki la wankiew ki Phareng bad ki a pynsoi jingkular
(agreement) ia baroh ki Siem Khasi lang bad ia u
Dewan Singh ha ka snem 1825. Hadien kata pat la mih
ka jingialeh pyrshah u Tirot Singh bad ka Sorkar bad
u la pyniap bun ki briew Sorkar bad doh ieh bad doh-
iong bad don katto katne ki Syiem Khasi kiba la iasoh
bad u Tirot Singh hynrei u Dewan Syiem pat um treh
ban iasoh. Kumta u Tirot Singh u la mut ban pyniap ia
u David Scott (hangne ka khana ka ong ba ia kata ka
jingtamu ban pyniap ia u David Scott la iathuh ka kme
u Tirot ia u bad kumta lashai dang step u la phet da u
kular sha Sohra) kumta ki briew u Tirot Singh ki ia leit
beh ia u nadien hynrei kim lap (hangne pat ruh la ong
ba u David Scott u bet da ki tyngka haba ki ia jan lap
bad ki lapmiet ka ia tam tyngka) kumta u la lait ban phet
haduh Sohra. Ynda u poi ha Sohra u Dewan Syiem u la
pynrieh ia u hapoh khrum bad ai shuki da u thlong.
Ynda ki nongkhadsawphra ki la poi ki ong ba ki kwah
ban shim ia u saheb David Scott, hynrei u Dewan Syiem
u la ong ia ki kumne "ba ngam lah ban ai hano hano
ruh ia u briew uba wan pan jaka rieh hapoh ka Hima
jong nga."

Kane ka jingleh u Dewan Syiem ka la pynsgewbha ia ka Sorkar bad u David Scott kat haduh ba u David Scott u la ong ia u Dewan Singh Syiem ba un kam jaka katba u mon bad u kular ban pynskhem ia kata, hynrei u Syiem Dewan um treh bad ong "tang kum ne kumba nga la don mynta ka la biang ia nga."

Kane ka jingleh u Dewan Syiem (lah ban ong uba Khawpud) hynrei ha ka jingpyrkhat barit jong nga pat, u Syiem Dewan u la leh ka kam kata bha shibun da kaba um treh ban ialeh pyrshah ia ka Sorkar namar u shaniah ha ka jingong uta u briew uba la iakren bad ka tyngab. Ban da u la iasoh ban ialeh pyrshah tip ka hima Sohra kan long ma kumba ka long mynta, ne ka la kylla long jaka Sorkar kumba long kito kiba ialeh pyrshah ia ka.

U Ramsingh Syiem Sohra

Tang shu iap u Suba Singh ha ka 5. 6. 1856 u Ramsingh khlem da ioh ka jingmynjur ki 12 Kur kiba dei ban jied ia u, u thoh beit beit sha u Principal Assistant Commissioner uba ha Sohra bad ong "ba nga la shimti noh ma nga ia ka kam Syiem kumba u kni jong nga u Suba Singh u la iap bad ba nga dei u pyrsa uba rangbah duh. Te u tei u saheb P.A.C. ruh khlem da ioh jingmut nano nano ruh u thoh sha ka Supreme Government of India sha U Right Hon'ble the Governor General in Council ban pynskhem Syiem ia u Ramsingh. Kumta ka Government of India ruh ka la pdiang bad ka la pynskhem ia u Ramsingh. Kane ka jingleh u Ramsingh ka la pynlong ka jing'akhih kaba jur ha Sohra hapdeng jong u bad ki 12 Kur, lang bad u paidbah ka hima Sohra. Kumta ka Hima kam ithuh Syiem ia u Ramsingh bad kim ai ne shah ia u ban thang ia ka met ap u Suba Singh Syiem. Kane ka jingiakynad ka la neh haduh shi snem

Te kumno ban pynjem ia kane ka jingiakynad/ phieng hapdeng u Ramsingh bad ki 12 Kur, lang bad ki paitbah ka Hima Sohra ka Board of Revenue na Bengal ka la phah ban leit tohkit ia kane ka kam da u Mr. W. J. Allen, C S., u dei u Member jong ka Board of Revenue (on deputation). Ynda haba u la poi bad kylli bniah bha u shem shisha ba ka jingthung Syiem ia u Ramsingh ka long kaba 'a leh bakla. U shem ruh ba ka jing'eh u P. A. C. bnd ka Government ka la long kaba pynkhein ia ki dustur/riti thung Syiem ha ka hima Sohra. Te mynta yn leh kumno ban iada ia ka Sorkar bad da ka jingstad u saheb Allen, u a shu khot noh baroh ariang bad pynshai ia ki da kaba ong "ba ia kane ka jingthung Syiem ia u Ramsingh ka long kaba bakla ba la lam bakla da u P. A. C. tangba la lah thung da ka Sorkar kaba ha khlieh duh, ym lah shuh ban pynkylla," hangta hi u ong kumne "ba naduh mynta ka sngi (bad kular ban ai da ka jingthoh) ba kan ym long shuh lashai had'en habud (precedent) hynrei ban jied ia u Syiem dei ban bud thik ia ka riti ka dustur kaba la don naduh hyndai hynthai. Kumta ki 12 Kur kim don fad shuh ban ong ki la shu ia pdiang bad mynjur noh ia kaba ong u saheb Allen. U Mr. Allen ha ka por jong u u da kynthoh shai bad ong ia u Ramsingh ba u long "he is a headstrong, arbitrary and unpopular Chieftain" U da khot ruh kyrpang ia u Ramsingh bad sneng ia u da kine ki ktien "ba phin ym ioh jingiarap ei ei na ka Sorkar lada phi leh mon bad thombor ia ka hok jong u paitbah.

La iathuhkhana ruh shaphang une u Ramsingh Syiem ba ha kawel ka sngi katba u dang ia shongkai bad ki myntri, ki ia thain ruh ne shang ei ei. Saba u riam ruh kum u Nongkrem bad tap da ka tupia Nongkrem, shu wan poi kyndit kyndit da u saheb, ki ong ba u dei u saheb Deputy Commissioner tangba kim tip ia ka kyrteng jong u bad u ong kumne "nga kwah ban ia kynduh ia u Sylem u don ne em ha shnong?" Kumta u u Ramsingh u la ai jubab pynban kumne "U Sylem um don ha shnong u leit beh mrad sha kital ki lum (u kdew da ka kti shaphangmihngi)," bad uta

u saheb u ong pat "lano un wan," U Syiem u jubab, "u lah ban wan phai lashibit janmiet lane lashai mynstep." Kumta uta u saheb u la ong "sngewbha ban pyntip ia nga ynda u la wan". bad u leit noh artad. Tang shu leit uta u saheb, U Syiem Ramsingh u phai sha ki Myntri kad ong kumne, 'Tang ka akor ruh um don, balei haba u kwah ban wan la kynduh ia nga um da pyntip lypa." Kumta ha kata hi ka janmiet u phah briew ban leit iathuh ba U Syiem u la wan. (Ha kito ki por ki saheb ki ju leh burom ia ki Syiem Sohra naduh ka por u saheb David Scott).

Kumta uta u Saheb ynda u la tip, lashai ka por mynstep u la wan ban ia kynduh bad ki la ia khubli ariad. Uta u Saheb ynda haba u peit bha ia u Ramsingh u shem bad ithuh ia u ba u dei uto u briew uba u la ia kynduh bad ia kren ha ka sngi ba mynshuwa ba u ong "u Syiem um don ha shnong." Shuwa ban wan poi uta u saheb u Syiem Ramsingh u la phong da ki jain kiba dei kat kum ka riam Syiem hyndai bad uta u saheb u la lyngngoh ngain kaei kane ka jingleh u Ramsingh Syiem.

U Sib Charan Roy Jaid Dkhar

U Bah Sib Charan Roy u dei u khun nyngkong eh jong u Babu Jeebon Roy, u dei ruh uba pass nyngkong eh ia ka Entrance Examination na ka Shillong Government High School ta ka snem 1890. U la trei kam Sorkar kum u Sub-Inspector of Police katto katne snem hynrei u a iehnoh ia kata ka kam bad trei noh a ka jong.

U bah Sib u long u briew uba nang ba stad bha ha ka thoh ka tar bad ha ka pule kot pule sla. U pule bun iaid ki kot naduh ki kam mukotduma, ki kot niam ba-ron bad u long uba bang ruh ban ia kren ia khana haba ia shong kai para rangbah. Tang kawei kaba u duna ka long ba um lah ban leng ban kren ha ki jingialang paitbah. Ki tymmen hyndai kim ju sngewbha satia ia ki

Phareng, u bah Sib ruh kumjuh um ju sngewbha Phareng ne akhar.

Ka don kawei ka kot knubor Khasi kaba kyrteng "U Nongphira" kaba la seng da u kpa jong u, u Jeebon Roy. U ju thoh shibun kiei kiei kiba sngewtynnad ban pule ha kata ka kot khubor. U nang ruh ban thoh ki ktien kyn-thah kiba sngew thamula bad kiba da shongnia artad. Kine khyndiat ki rukom thoh jong u harum kum ki nuksa ban pyni rukom :-

(a) Ha ka por mynshuwa ki khardud (goala) kim ju tap ia ki tindud, kumta ka Municipal kala hukum ban da tap. Mar kumta u bah Sib u tang shu iohi ia kata, u la thoh la katei ka kot khubor kumne, "ka Municipal te ka la shai khmat cat ia ki Lapli ki khardud hynrei pat kam icli ia la ki akhar metor la jong ba ki rah ia ka japulaw (night soil) khem da tap" Tang mar kumta ka Municipal ka la ai hukum ban da shia jingtap ia ki borti rah cit ki metor.

(b) Ha ka thma bah kaba nyngkong u bah Sib u ju pule bniah bha ia ka jingai jingkhein ia ki shipai kiba iap na ka liang ki alies i. e. ka mut ki Phareng, ki France bad kiwei kiwei de na kawei ka liang bad u bah Sib u kylla khasi ia katei ka ktien alies "ki lok", bad ynda ula khein bha haba tang ki saheb pyrtion kiba paw ha ki kot khubor Phareng Statesman bad Englishman manla ka sngi da ki spah u ong kumne "haba tang ki saheb pyrtion ruh katne katno kin iap te tip kein katno ki shipai lei lei ki ia iap. Ki ai jingkhein pat ia u ka jingiap ki shipai German manla ka sngi da ki spah bad ki hajar, kumta u bah Sib u la thoh kumne "imat ki shipai ki lok haba ki iap ki dem da pyllup bad ki iap duh, hynrei ki shipai German pat haba ki iap ki thiah da lyndang bad imat mynmiet haba hap ka umjer ka rung ha ki thliw khmut jong ki kumta ki sa ia im pat, lynda kumta te nael u German un ioh brief namar katkum ka jingkhein ba u khein u shem ba ym dei ban don rangbah shuh ha Germany".

(c) Ha kawei ka por jong ka thma Russia-Japan i thoh shaphang ka jingpynbna ki Pharenc (ba ki iarap ia u Russia) hana haba u Japan u ioh kem ia ki shipai kynthei u Russia ki Kohsak kata u ot la ki jingbuin jong ki.

(d) Na ka Bible pat kaba thoh shaphang ba ka ling'ien u Noah ka sah kut ha u lum Ararat. Ia kane pat u bah Sib u ong kumne "katba ia tip te u lum uba irong tam ha ka pyrthei dei u lum Himalaya, te balei kam wan sahkut halor u lum Himalaya"?

U bah Sib u long uba shun thlong m'uh thlong sying ia ki jaid niam dkhar ne niam Khrist. n Lada don mano ba ia kren bad ialap ia ka niam Khristan kata ula meh ding bad kren katba lap katba shem. Don ha kawei ka kot khubor kaba u ai kyrteng "U Nongpynim" na ka bynta ki saheb Missionary ka ki pynkylla Khristan ia ki Khasi u bah Sib bad i Mohon Masar ki da leit ai da ka dorkhast ha iing Kashari ha ka por u Mr. W. A. Cosgrave bad ong "ba dei ban khang shisyndon ia kane ka jingpynkylla khristan ia ki briew baroh da ki Missionary" kida ai ki nia kiba khlain bad ba eh haduh ba u Deputy Commissioner, u Mr. W. A. Cosgrave, um nang shuh ban leh kumno, ula shu ong noh tang kumne, "kane ka dei ka kam la said nia na ka bynta ki niam ki rukom kiba ma nga hi ngam sngewdei ban ia tuklar ei ei".

U long ruh uba nang bha shaphang ka kam buh jingkein jingdiah (accounts) kata iohi ha ka por ba u kynthoh (criticise) ia ka Budget jong ka United Fruit Coy. U da kdew tiak pa tiak haman la ki khep jingbakia kata ka budget kaba la soi kyrteng da "U M. Khein" hynrei baroh la tip ba dei u bah Sib uba thoh ia kata. Na ka liang ka United Fruit pat la ai jubab bad kren ki ktien kum kiba byrngem ban ai case, hynrei u ong lada ka Court ka khot ngan sa ai ia kane ka file kaba dei ia kane ka kam.

U Syiem Hajon Manick Sohra

Ia u Hajon Manick Syiem Ia thung Syiem ia u hynrei um dei uba hiar pateng na ka kpoh (tyllong) ban long Syiem, hynrei ka Sorkar Phareng ka Ia shu thung jubor justu ia u ki ong tang na ka bynta ba u Ia iarap jur ia ka Sorkar ha ka por ba ka leit ialeh thma sha Jaintia Hill. Ka Hima Sohra bad na ka bynta kane ki sin "U Syiem Sorkar" bad "ngingim ithuh Syiem ia u" La thung Syiem ia u Hajon Manick ha ka snem 1877 tang mar shu iap u Ramsingh Syiem Hynrei baroh kawei ka Hima ki 12 Kur bad ki aibah kim shah ia u han thang pynkhuid ia ka met iong u kaba long ka dustur ka riti ka hima ba shuwa ban pynskhem Syiem u dei ban pyndep shuwa ia ka ban thang ia u Ramsingh Syiem. Kumta ka met iap u Syiem Ramsingh ka Ia shu sah da ki bun bun snem. Bun bun ki rangbah bad tymmen ki ong ba ka dur ka dar ka rynieng ka ryniot bad ka jingbha briew jong u ka rong ruh u stem kum u sher syngkai bamon. Ki ong ba haba u laid ha lynti synkieng ki kynthel khynnah ki ialeh kumno ban kiar ban ia kynduh ia u bad kito ki bym lah kiar shuh ki tang ia kynduh ki dem Ia ki khmat sha khyndew Ki ong ruh ba u long u briew uba da bha than.

U Syiem Roba Singh Sohra

Tang shu iap u Hajon Manick Ia don ka jingialeh Syiem ha Sohra hapdeng u Chandro Mohon Roy (ba ki ju ong I Kra Ka Rusa) bad u Roba Singh. Nga tip ba ki iathuh ba Ia lah thung ia u Chandro Mohon Roy. Hynrei u Roba Singh Syiem u Ia phah da i Babu Jyrthiaw ban leit appeal sha Calcutta ia kata ka jingthung ia u Chandra M. Roy. Bad ynda Ia sngap ia ka Appeal u Roba Singh ba u C. M. Roy um dei na ka kpoh hiar pateng ne tyllong long Syiem ka Sorkar ka Ia pynduh noh

bad thung da u Roba Singh. Kane ka paw shai ba ka Sorkar ka bat ia ki kyntien u W. J. Allen ba dei ban thung tang na ka kpoh kaba dei ban long Syiem.

U Ron Singh Syiem Myllem

Ka jingiathuh khana shaphang une u Syiem ka long kaba sngewtynnad bad sngew phylla.

1 Ha ka por ba um pat long Syiem, u trei kam contractor bad u leit pyntrei ia ka surek kaba sha Manipur U ia lam shibun ki Khasi. Te ha kata ka jaka ba pyntrei ma u. Ia don uwei u sahep barik Executive Engineer uba la pyn shitom bad pynsa'ia ia u manla ka sngi. Une u Ronsingh u la bitar ia u haduh katta katta bad u la ong ia ki nongtrei jong u kumne "ngan ai jingsneng ia une u sahep ha kawei ka sngi haduh ba un da kynmaw shi junom." Kumta ha kawei ka sngi uta u sahep u a wan bad sdang ki juh ki kien wad dong bad thlia ia u. Joit ieng u Ronsingh bad shim da u dieng tylli bad u la peit la ki khmat dom/bitar bad hukum ia uta u sahep ba un loit ia ki juti bad hukum ia u ba un iaid halor u mawria. Kumta uta u sahep ba u la tieng than un banse ban loit bad iaid halor u mawria haduh ban da mih snam ki kjat. Kumta ynda la dep uta u sahep u la leit noh. U Ronsingh pat u la maham ia la ki briew ba kin ym iathuh hano hano ruh ia kata ka jingjia lada don mano mano ba wan ban kylli tohkit. Ba ki dei ban shu ong beit "Ngim tip ne iohi ei ei kum kata ka jingjia." Kumta ynda haba ki briew Sorkar ki wan ban tohkit shaphang kata ka kam ym don mano mano ruh ban ong ba ka long kumta bad kim shem sabut satia namar ba baroh ki la len. (Ka daw ka long ba baroh ki nongtrei ki tiang la U Ronsingh), wat la ka Sorkar ka la ialeh ban ioh sakhi. Kumta kata ka jing jia kala shu kut bad duh noh kumto khlem lah ban pynshisha ne pynsabut.

(2) Sa ha ka por ba u la long Syiem pat, U Sahep Deputy Commissioner (Mr. B. C. Allen, I C. S.) ruh u ju thlia ia u man a ka por na ka bynta ki khlaw kiba don hangne ha Shillong ba u kwah ban pynlong ki khlaw sorkari (Green Block lane Protected Forests) u lai bniah/ thia man ka por na ka bynta kita ki khlaw. Khadduh khadwai u Syiem Ronsingh u la phah ktien sha u sahep Allen bad ong kumne 'ong ia u sahep ba nga ruh ngam da tip bha hangno kita ki khlaw ki don, ong ia u Sahep ba un khreh lashai ka sngi un shong da u kulai nã ruh ngan shong da u kulai ban ia leit pelt ia kita ki khlaw." Hangta u sahep Allen u la sheptieng thad bad u la ong "Oh u Syiem Ronsingh u la thmu ban leh ia nga ruh kumba leh ia uto u Sahep Executive Engineer?" Kumta naduh kata ka por u Allen um ju nud shuh ban ong ei ei ia kita ki khlaw

(3) Ka don sa kawei ka jinglathuh khana ba haba ki sahep Sorkar ki la ktot ia ki Syiem Khasi baroh ban ia leit iakynduh ha iing Kashari ba don ka Committee ki da buh ia ka tarik bad ka por ban ia poi 10-11 baje mynstep. U Syiem Ronsingh u la mih na iing bad shong da ka kali kulai (tom-tom) bad poi thik 5 minit shuwa ban long kata ka jingialang bad u ap hangta kat haduh ka por ba la buh tam kumba 5/6 minit hynrei kim pat ia wan, kumta u kiew biang ha la ka kali bad wan phet noh sha iing Ynda hata ki sahep ki la ia wan bad ki la kylli "shano u Syiem Mylliem ki tharai ba um pat shywan. Hynrei ynda la iathuh ia ki ba u Syiem Mylliem u la lah wan bad u la ap kumba 5-6-7 minit bad haba u iohi ba ym don ba wan u la leit noh. Kumta kita ki sahep baroh ki la ia dum ka buit ka stad ba kim ia bat ia ka por ba la buh, hadien kata u phah ktien kumne "nga long u briew uba bun kam haduh katta katta ngam don por ban shu ia shongkal hangto khlem kam."

(4) U long u Syiem uba isih ia ki shakri Sorkar khamtam ia ki police, um ju shah ia ki police ba kin

rung hapoh compound jong u, ki dei ban shu kren nabar ka phalor iing jong u.

(5) Shisien ki ong ruh ba u kren khnang ha ki briew ki ban leit iathuh sha ki sahep kumne "kine ki sahep baroh ki long ki shakri briew, hynrei ma nga pat nga long u Syiem, namarkata ha ka jingshisha ym dei ban leit ma nga sha ki, hynrei dei ma ki ki ban wan sha nga lada ki donkam ei ei."

Ki Syiem Khasi baroh ha kito ki por wat la ki la shahteh ha ka Sorkar Phareng ruh ki don ti ka mynsiem laitluid bad ki nud bad shlur ban kren kum kitei ki ktien.

U Rabon Singh Kharsuka bad u Radhon Singh Berry

1. U Rabon Singh Kharsuka u long uwei na ki nongmait phang ha ka thoh kot thoh sla Khasi Dei na u uba a'am lynti wat shuwa ban ia u Babu Jibon Roy ha ka thoh kot thoh sla. Ki ia khynnah ryng-i at. La kha ia u ha ka shnong Mawmluh kaba sharum khyndiat na Sohra.

Une u rangbah u la shong skul ha Nongsawlia ha ka skul ki sahep Missionary. U la pass ia ka Minor Class bad u la w n shane sha Shillong ban wad kam Sorkar. Da ka jingiarap uwei u sahep Missionary u la ioh kam ha pakhana (Press.) U rung sha ka niam Khristan ynda u la dap 30 snem ka rta. U la ia poikha bad iwei i kynthei samla iba dang long Khasi da kaba pynkylla Khristan ia i pyrshah ia ka mon ki kmie ki kpa jong i. Hadien u la lehnoh ia ka kam Sorkar bad 'elt shimti noh da ka kam hikai skul ha Mawmluh.

U la pynmih ki jingthoh kot thoh sla jong u ha ka kot khuber kaba kyrteng "U Nongkit Khuber" Ha ka

snem 1898 u la pynmih nyngkong eh ia kawei ka kot "Ka Kitab Jingphawar" ba la shon ha Ri Khasi Press. Ha ka snem 1902 u la pynmih sa kawei ka kot kaba kyrteng "Ka Kitab Niam Khein ki Khasi." Ki sahep Missionary ki la sngewsih ia kane ka jingkit khia jong u ban thoh shaphang ka niam Khasi bad ki la byrngem ban ot balang noh ia u. kumta u la mih noh na ka Balang Presbyterian iasoh noh bad ka balang Catholic bad u la pynmih hangta ia ki jingthoh jong u ka kot khabor kaba kyrteng "Ka ling Khristan" Une u rangbah u la khlad noh sha U Trai ha ka snem 1910.

II. **U Radhon Singh Berry**—Nalor u Rabon Singh Khasuka bad u babu Jibon Roy, la don sa uwei pat u rangbah na Sohra uba la ia im lang sah lang ha ki juh ki por baroh arngut. Une u rangbah u dei u Radhon Singh Berry. Une ruh u la pynmih artylli ki kot lyngkdop ha ka snem 1902-03 kiba u la jer kyrteng "Ki Jingsneng Tymmen," Parts I bad II. Ha kine ki kot phin shem lut ia ki tynrai akor Khasi bad tynrai tip briew tip Blei, tip hok tip akor. La thoh ha ka dustur synrop kaba ki ong ha ka ktien Phareng "Couplets."

U Larsingh Khongwir

U Larsingh Khongwir u long u khlur ba phyrnai eh napdeng kito ki Khasi kiba la loh jinghikai nyngkong eh na ki sahep Missionary. Kiwei pat ki long—u Larshai, u Nising bad U Jong. Ha ka 16th December, 1860 u Rev. William Lewis bad ka men jong u ki la dei ban leit shuti sha ri Wales, ki la ialam lang ruh la u Larsingh Khongwir. Une u u samla Khasi u la pynlyngngoh ia ki nong Wales baroh ha ka jingbha ryndang jong u haba u rwai. Hynrei ynda u la poi sha ri Wales na ka bynta

ba um don ka met kaba koit ba khlain bha, u la loh pang kaba jur bad ym lah shuh ban iada ia u da ki doctor ia ka jingim jong u. Kumta u la khlad noh bad leit sha la U Trai ha ka snem 1863. La tep ia ka met iap jong u ha ka Nongbah Chester ha ka jaka ba pyngngad hapoh ka dieng jyrngam.

U Rai Singh jaid Shabong (U Roy Singh)

I Rai Singh, iba ngi ju khot kirteng u Rai Shabong i long iba la trei kam nyngkong eh tang kum u Moharer bad suki suki i kiew haduh ka kam ban long officiating Executive Engineer ha ka por synshar Phareng, ha ka por thma kaba nyngkong. i long iba la leit ruh sha ki thma Abor arsien laisien ban ialam ki nongkit nongbah sha thma. Dei ha kita ki por ba lum nongkit jingkit ban leit sha Abor 'a don bun ki briew na ri Khasi bad khamtam na Sohra kiba ia leit sha Abor. Ka la mih kato ka ktien kaba ki ju kren ha Sohra "I khun im pat nang bam i papa la leit Abor." I long iba nang bha ha ki kam trei surok bad ha ka jingsurvey ia ki jaka ban pyniaid surok. Dei ma i, iba la survey ia ka line na Laitiyingkot ban leit sha Shilot (Sylhet) bad kata ka long la bun bun snem. Hadien ba im don shuh ka Sorkar ka la plle ia ka surok Shillong-Sylhet Road kaba mynta. Na ka bynta ka jingnang bad jingtrei s' itom jeng i nyngkong eh, ka Sorkar ka la ai ka nam "Rai Sahib" bad hadien pat sa ka nam "Rai Bahadur." Ka Sorkar ruh ka la shah ia i ban trei Officiating Executive Engineer.

Kawel kaba sngewphylla eh ka jinglong jong i ba haba i donkam ban phah rah kot sha Sohra ia uno uno u nongtrei jong i, kata in ong ia u kumne, kata ha ka por janmlet nangne na Shillong, "kh e leit lam ia kaneka shithi sha Sohra bad sawan rah jubab lashai ka sngi. Kata ka mut ba u dei ban leit bad ban ia id baroh shi miet marwel ia ka lynti Sohra. Lada uno uno uba ong, "ngam

nud leit ba la miet eh." kata in ong ia u kumne, "ia me dang rem uwei u sohmynten."

Kawei pat ha ka por ba dang ia khynnah bad leit skul sha Nongsawlia, ha kata ka por ki pyntrei ia ka nan pungum ba kin ring um kor ha Sohra, kaba hajan iingmane Khristan ha Nongsawlia i don ha kata ka jaka bad ki lakhmih ia ka map ba ring ia kata ka um. Katba ngi nang ia peit kai i khot ia uwei u Overseer uba kyrteng U Nibaran kumne, "Nibaran Babu come here," bad uta u Overseer ruh u ai jubab "Yes Sir." Kata ka jubab u Nibaran ba u ong "Yes Sir" ka la pynlyngngoh ia ngi pa kumno kein ba u ong "Yes Sir" haba ngi nang tharai dei ban ong "Yes Sir" tang ia ki Phareng. Ha kajuha ka por pat i Rai Shabong i ong kynsan kynsan kumne, "ko hep Kubor leit shim sha noh seh nga la sngew t'ngan sha." Hangta ngi ia kyndit bad lyngngoh haba kat ia i babu Kubor ruh i ong "Khie leit shim sha noh," u rangbah uba donburom uba baroh ha Sohra ki burom ia i ym tang kiba long Khristan hynrei wat ki bym long Khristan ruh ki burom ia i. I long iba kyliuid mynsiem haduh katta katta im ju khein ban pynlut haba dei ki kynja jingiaseng Assembly (mynta Synod) haba wan ki delegates ha kato ka por ym da don ban ong tang ia ki delegate ba kin bsa ja ki briew ki wan la ka wan bad kat kiba kim lah shuh ban snim kata i la ong phah sha nga I pyniap da ki sniang bad kiwei kiwei de kiba donkam.

I Babu Kubur i dei i kpa jong i kong Kliss bad bah Drendro Singh Diengdoh bad ruh i bah Orientis Gilbert. I long iba kit khia ia ka niam bad iba da shongshit ba ia ki jingiaseng. Ha kawei ka sngi ha Ing Mane ha Nongsawlia haba i kren bad poi ha kato ka ktien ba ong "Ei, Eli Lama Sabakthani," i kren stet katta katta kat haduh ba i kumba in dkut mynsiem, bad baroh ki briew ki la ia samrkhie ia kata ka jingpyrta ia kitel ki ktien.

U Rev. J. J. M. Nichols Roy

I Bah Joy (kumba ngi ju khot baroh) ynda haba i la pass ia ka B. A. na Calcutta i la iasoh bad ka balang "Church of God" bad dei ha ka kane ka por ba i la kyn-duh bad iathoh ruh bad i Miss Nichols. Ynda dep iathoh ki la ia wan shane sha Shillong bad pyniaid ia ka niam "Church of God" da kaba trei shitom bad la bun ki briew kiba leit ban iasoh ia katei ka niam. Baroh ma ngi ki Khasi ngi la ia sngew lyngngoh bad phylla ba ma i u Khasi i la shongkha bad ka Mem kaba na America. Bad ynda poi kato ka por ba in wan sha Sohra ban pynbaptis ia kiba la iasoh bad ka niam jong i, kumta shibun ngi la ia mih han leit peit ia kata ka rukom pynbaptis da kaba shu pynngam um ha jingkieng Ngamum-Ulah haneng Mawmluh Ki pynlong jingiaseng ha Saitsohpen (Dukan) bad bun bun ki briew ki la leit ban sngap ia ka jingkren i bah Joy. Bad ka long kaba sngewtynnad ban sngap ia ka sur jingrwai i Mrs. Nichols Roy kaba sngew thiang bad ba jam kat haduh ba sngew kum ban pait sa ka iing mane.

Shi por ki ong ba i Bah Joy i la hikai skul ha ka Normal School ha Sohra, hynrei i la iehnoh ia ka ba i trei noh la ka jong ka kam da kaba leit plie kawei ka lyngkha rop soh ha Shella ka jaka kaha ki Shella kim ju leit ban trei (ki ong kaba shongksuid). Kata ka bri soh shisha tang khyndiat snem ka la duh noh. Bad i la hap ban leit plie da kawei pat ka jaka sha Byrnihat bad ai kyrteng ka "United Fruit Company" kaba dang don li haduh mynta mynne.

I Bah Joy ha kito ki por i don ka bor ban pynkoit bad beh ia ki ksuid kiba kem ne bat ia ki briew tang da kaba shu dwai bad shahjingit.

Ynda haba ka Sorkar Phareng ka la ai ka jingsyn-shar kaba thymmai ia ka ri India kaba ki khot ka "Reform Scheme" bad haba ka Assam Govt ruh ka la pyn-khreh ia ki electoral rolls baroh kawei ka ri Assam,

hynrei ia ngi ki Khasi pat kim shah ban laleh election namar ki ong ba ngi dang long kiba sah den bad rit paid bad ki bym pat siew khajna ei ei sha ka Sorkar. Ha kata ka por ym don mano mano ruh na pdeng ki Khasi ki ban la tuklar ei ei ia kane ka kam, lait tang i Bah Joy marwei i laleh shitom ban pynioh nongmih-khmat napdeng jong ngi ki Khasi. Kumta i la lum katto katne ngut ki Rangbah Khasi I Babu Joab Solomon, I Babu Asiam Lyngdoh bad kiwei kiwei de bad thoh ka Memorandum sha u Chief Commissioner da kaba ong ba ngi ki Khasi kiba shong hapoh ka Shillong Municipality ngi siew ia ka khajna te balei ngim don hok ban ioh nongmihkhmat. Kumta u Chief Commissioner u la pdiang ia kata ngi sa ioh ban laleh election. Ha kata ka por ki dang khot "Legislative Council" Nca tip bha ia kane baroh namar nga trei hi ha Assam Secretariat ha kato ka por.

Ynda haba la sdang ka jingialeh election, nangne na Shillong hi la mih 3 ngut ki Candidate (1) J. J. M. Nicols Roy, (2) Sibnath Dutta bad (3) Macdonald Kongor. Kitei baroh arngut No 2 & 3 ki la rem. Ynda i la long M. L. C. i ju laleh shitom kumno ban pynduh ia ka jingdih sikret ki khynnah. I lai kren ia kane ha Council bad i la thaw kawei ka Bill kaba kyrteng "Juvenile Smoking Bill" hynrei kane kam lah trei kam ei ei ruh ka shu duh noh hi kumto.

Kaba ar pat i la laleh shitom kumno ban pynduh ia ka jingdih kani ki briew khamtam sha ri Bhoi bad bun bun ki member ki la ia kyrshan ia kata. Dei ha kata ka por ba ka Sorkar ka la jied noh ia i ban long u Minister (ka tulop Rs. 3500/-) bad ka la ai ia i da ka port folio "Excise". Ha kata ka por baroh baroh bad dkhar bad Khasi ki la ia lorni ia katei ka tu'op. Ka Sorkar ka la thung Minister ia i bah Joy bad da ka jingstad jong i, i la thaw kawei ka buit ban pynduh dih kani ia ki briew. Kata da kaba shu ai pass noh ia kiba dih kani ha kata ka por bad ban ym ai pass shuh lano lano hadien kata bad la plie ia ka aspatal ha Nongpoh ban sumar ia ki

briew kiba lehnoh dih kanl. Ha kata ka por ka Congress kam don shuh namar ba u Mahatma Gandhi bad kiwei ki la boycot ia ka Sorkar kaba ki ong ka "Non-co-operation Movement." Hynrei hadien pat u C. R. Das bad u u Motilal Nehru ki la ia pan bor na u Gandhi ban leit rung ban pynpra pynkulmar ia ka Sorkar napoh iing. Kumta u la ong ia ki lada phi baroh arngut ki jabieng ka ri India phi la ong kumta te ngam khang. Kumta ki la ia form noh da ka "Swarajist Party." Bad ha kata ka por la win ka ri India bad ki Swarajist ki la knieh bun bun ki seat ha ki council ha India bad ha ka Assembly ha Delhi. Ha kata ka por i Bah Joy i dang don ha ka liang Sorkar Phareng. Arsien ki Swarajist ki la move 'no confidence motion' ia i, kawei ki rem bad kawei pat ki jop da kab- ki thap hamar ba ki nongkyrshan i bah Joy ki la nang leit noh sha la shnong hamar hangta ki move no confidence bad i Bah Joy i la ong ba ki shu leh lyndet haba ki lok jong i kim don shuh, hynrei ki ong ba haba ka quorum ka don ngi lah ban leh ia kane. Kumta i la shah mih noh na ka kam Minister. Dei kane ka por kaba sngewtynnad ban leit sngap bad peit kai ha Legislative Council. Ki leh bun kiei kiei ki ban pyni ba ka council ka long ka kam kai. Ha Bengal ki phah nong-mirkhmat da u metor uba na Midnapore u babu Husseni Rout. Bad hangne ha Assam ruh ki phah arngut ki mushi, uwei u Ka'icharan Mushi bad uwei pat u Chintaharan Muchi.

Ynda la kut ka thma kaba ar ki Phareng ki la rai ban leit noh bad ban ai Independence noh ia ka India. Mar kumta i Bah Joy i la leit join ia ka Congress namar ki la pynmih biang ia ka Congress. I la ialeh member na ka Congress bad i la jop manla ki por ba i la ialeh kim lah ban pynkhyllon ia i wat la ki Khasi kim mon ia ka Congress.

La don arsien ki election case pyrshah ia i ha kata ka por, kawei da u Macdonald Kongor bad kawei pat da u Rai Bahadur Nogensdra Chaudhury. Baroh arsien i jop hi i Bah Joy. I la ialeh ban pynioh member na

Jowai ia u Rev. Lowel Gatphoh bad kumta ter ter bad sa na kiwei kiwei ki jaka ha ri Khasi.

I la long Minister la bun bun snem. Ha ka jinglah leh jong i kaba khadduh eh, i la hap ban leit ieng na ka Shella Constituency namar i la tip bad sngewthuh ba im lah ban jop nangne. Ha ka por ba i kren ha kawei ka jaka ban ong ia ki briew ban vote ia i, i la ong "Lada phim ia wan ban vote ruh ki Angel kin wan ban vote ia nga" bad shisha i la jop artad ha kaba baroh ki briew ki la khmih lynti ba in rem.

Ha ka por ba thung ia ka Constituent Assembly, i long iba la mihkhmat na ki Ri Lum baroh.

Dei i Bah Joy iba la ialeh shitom ban pynioh ia ka District Council bad la ong ba i dei "u kpa ka District Council" bad kane ka neh haduh mynta. I Bah Joy i la neh ha ka kam member haduh ba in da khlad noh na kane ka pyrthei.

U Konjro Jaid Dkhar

I Bah Konjro Jaid Dkhar I dei na Sohra, im don jing-nang jingstad ei ei namar im ju leit skul ha ka por ba i dang khynnah. Hynrei i don ka khlieh bad jabieng kaba pher ba naduh ka por ba i dang khynnah ruh i nang ban trei jingtrei da ka kti bun rukom. Nyngkong eh i trei da ka kam shna noisha (dleng tangduma) da ka kti bad pyntyllun da ka kor bad pynap da u paintali ban thaw dur thaw dar bad sa sam thliw da ki narsuh. Hadien kata pat sa ki palong-jingthiah kiba da don ki dur syntiew bad pakha ba itynnad.

Hadien kata i sa wan noh shane.sha Shillong bad i sdang shna shuwa iwei i shlem.rif bad shna khiew rynnong ha ka ling kaba harud surok ban hjar sha Umsoh-

sun. Haden kata pat i sa kynriah ia ka karkhana jong i sha Umsosun rud wah bad jingkieng kaba dang don haduh mynta Nangta i la sdang ban shna sa ki suloi bad kiwei kiwei ki kynja tiar nar.

Haden kata i hikai ktien phareng ban thoh bad pule bad haduh ba in da nang bha ban pule bad thoh. I lah ban pule ia ki kot science ruh. Ynda haba poi ka por kali kulai i shna ki shalyntem kali kulai. Ynda sa ki motor car, mar kumta i thied ki kot kiba ia dei ia ki motor car bad pule ia ki bad i lah ban repair ruh ia ki motor kiba sniew. Bun bun ki briew ki leit ban phah shna ha i ia ki motor jong ki. Haden kata i sdang sa da ka kor kurat tar dieng da ka bor electric. I la wallam uwei u tyrnem na sha Calcutta uba heh bha uba pyn-donkam da ka electric uba shoh ia ki nar ban thaw mohkhiew, ki shalyngka bad kiwei kiwei de.

Ka Sorkar ka la buh ia i ban long u nonghikai skul ha ka Fuller Industrial School ha Mawkhar bad i hikai ia ki khynnah Khasi kumno ban trei dieng, nar, drawing, shna plan bad jingkheln ha kaba shna iing shna sem. Bun bun ki khynnah skul Khasi ki la pass na kane ka skul bad ki la kylla long ki contractor kiba heh. Ka Sorkar ka la kwah ia i ban trei kam sorkar hynrei im treh i trei hi la ka jong ka kam laitluid Baroh ki saheb barik naduh ki Chief Engineer, Executive Engineer haba ki shem jingeh kata ki la leit wad ia i bad baroh ki saheb barik ki burom ia i.

U Dr. Robert haba u wallam ia ka kor electric na ka bynta ka Hospital, um shym khot briew kiba na shabar ki Engineer ne Expert hynrei u shaniah hi ha i Bah Kon bad dei ma i iba la pyndat ia ka engine bad kiwei ki tiar baroh haduh ba kan da long.

La don uwei u briew uba iathuh la nga ba u thied kawei ka suloi (British-made) bad ka ktang suloi ka pait, u la phah shna shaduh Bombay sha ka company kaba u

thied, hynrei ki ong ba kim lah ban shna lymda phah sha Bilat. Kumta ynda u iohsngew ia ka nam i Bah Kon u la wan bad leit ai ia ka suloi hai ba in shna. Ynda i la pelt bha ia ka i sa ong "to kata ngan pyrshang" bad kumta i la shna ia ka bad ka la bha pat kumba mynshuwa. Uta u trai ka suloi ynda haba u wan bad pelt ia ka suloi um nang shuh ban ong ne shem jingduna ei ei hynrei ka long hi kum kaba dang thymmal.

Sa kawei pat ki iathuh ba kawei ka Engine ha Motor Workshop kaba ki expert ka company kim lah shuh ban shna, ki sa wan sha i bah Kon bad i ong ia ki ruh kumjuh "to ngan pyrshang" bad ynda i la lah shna ia ka, ka long pat kum ka mar kaba dang thied thymmai haduh katta katta namar lada kin thied da kaba thymmai kata ka dor ka long kaba rem, ia kata ruh ki ong im shym shim bainong than eh. Dei kane ka nam jong i kaba la par baroh sawdong ka ri Khasi bad ki Dkhar bad Saheb ki da iaroh bad burom ia i.

I long ruh iba sngewtynnad ban ia shongkai/kren kai bad i ha kino kino ki jingialang khamtam ha ki ling iap briew bad haba i iathuhkhana saba i kren da ki ktien Sohra (Khasi paka) i nang kumno ban pynhap ia ki ktien kiba da sngewtynnad shisha.

Don ha kawei ka sngi ba khyndiat ngut ki khyannah skul jong i ki la phet noh na ka Karkhana jong i bad leit wad kam shawei pat bad hadien ki wan kylla dien trai sha ka karkhana jong i, i ong ia ki kumne "shano kine ki dkhan balei phi ia kynduh mawsiang ne?"

I long ruh iba sngewbha ban kren ki ktien thamula ruh rukom rukom, wat ia u Dr. Robert ruh i kren thamula ba ynda u la lah pyni ia i ia ki bor ki tiar ki tar hapoh hospital, kumno ban puid ia ki tonsil, appendix bad ia ki snier bad kiwei kiwei i ong "baroh kaba phi la leh ka long kaba bha bad biang lait noh sa tang kawei," te dei kael kata kylli u Dr. Robert "ba lada phi lah ban

shim ne ot noh ia ka 'nier bah kata te ngin ym ia thngan shuh." Kumta u sahep Dr. Robert u la ong "Oh Konjro phi kren ia kaei kaei ka bym lah ban long." Ym don, jaka ban iathuh ia ki ktien biria jong i. Tang na kitei khyn-diat lehse lah ban tip bad sngewthuh u long u brieve uba kumno (Self made man.)

U Donkha Dunai

(Ka jingshain kuna u Donkha Dunai ia u Ramsingh Syiem, Sohra bad thok ia ki 'khar Shilot.)

Itei i Donkha Dunai i dei i Mamabah jong ngi ki jaid Dunai na Sohra iba la paw nam bha ha ki,por u Syiem Ramsingh. Kine harum ki long ki khana shaphang jong i ki ban kren da lade hi.

Ka jingshain kuna ia u Ramsingh Syiem

1. Ia kane ka khana la iathuh bad thoh da i bah Sibcharan Roy jaid Dkhar ha ka kot khubor jong i kaba kyrteng "U Nongpynim." No. 53. Nai Rymphang, 1934—pages 11, 12. kumne :—

Sa kawei pat kane ka nongmuna ban pyni ba u Long Syiem um long satia halor ka Bishar. Ha ka por une u Ramsingh Syiem hi ha Sohra ka dang heh bha bad ba ia ki ling ki sem ruh dang sop tang da u sder bad u tyn-riew, bad ym pat don ling tin ei ei. Kumta man la ka por tiang bad khmat pyrem la buh adong da kaba pyrtia shnong hi bym bit iano iano ruh ban tbeh ding sha lynti shnong mynmiet myniong da u prew ioh her ding sha ling ki brieve.

Ha kawei ka miet khmat pyrem ka por dum bnai une u Syiem Ramsingh hi u la hap wan miet na ling-kur jong

i kpa u Saron Diengdoh, ka iing kaba harud neng lewhat pyrshah skul. Ka iing tnga u Syiem ka don sharum lewhat, bad hamar shiteng lyntibah lewhat ne rud lewhat ka don ka iing u tymmen Donkha Dunai. Ki nongbud jong u Syiem ki la tbeh ar prew kiba heh ban lam ha shuwa uwei u prew bad hadien jong u Syiem uwei u prew ban imat bha ha ki lynti ba kham khim; ki dang ia laid bha jar bad tad poi ha pyrshah iing u Donkha Dunai la wiar u ksew bad u Donkha u la mih napoh ling bran bran bad u la iohi ia ki briew ba rah ding. Hangta u Donkha u la mai bad u la ting ksew ia kiba nud ban tbeh prew ha kane ka por ba da la adong. Ki nongbud Syiem ki la ong "E me, wat da mai eh me ong, ki Syiem te me." Hangta u Donkha u nang mai shuh shuh bad ka byrngem ban nudui lashai ia iing Syiem, bad ka ong artad ba u Syiem um ju lah pynk ein ia ka adong ka muluk. Last ai la dang ste u Ramsingh Siem u la pnah khot ia u Donkha sha ting tnga jong u. U Donkha de u la leit sha u Syiem. U Syiem khlem iakren ei ei bad u Donkha u la shu kyll "Shisha Donkha men da mudui ba ia rah ding hynne mynmiet?" U Donkha u la ai jubab ba um banse ban mudui ioh kin mlien ki briew de u la ai adong shiphew tyngka ha u Donkha namar ar ding, kata T. 5/- shi ding shi ding bad u Syiem u la ai buskit de T. 5/- ia u.

Ka jingthok u Donkha Dunai ia ki 'Khar Shilot

2. Ha kawei ka sngi ba l Horisa Nongkynrih (dei ine i tymmen iba la iathuh ia nga shaphang ki kam jong i mama Donkha) i ong bai leit sha Majai Tharia ban leit bah ia iwei i khun ka nong Laittyr-a ban leit buh sha kawei ka Bakisha kaba sha Sylhet te katba i dang laid ha Majai, itei i mama Donkha i la iohi ia i bad i la khot bad kylli bad ong artad "ong lada ka kan siew bai sngi, kum ta ka la kohnguh ban siew bai sngi bad ki la ia leit bad ynda ki la wan kylla na shata sha Bakisha ki la poi ha ka lew Shilot bad ki la la leit thied

jingthied bad dei hangne ba i Horisa i la ioh lut ia ki kam khutia mutia jong i Donkha. Nyngkong eh i iohi ia uwei u khynnah samla ba u die 'khakoi bad i la leit bad thap na ka met bad ong artad kumne "kumno u kpa jong me u long mynta?" Te uta u khynnah dkhar u la kyndit bad sngewrhylla bad u la ong "ba i Pa i'a iap mynta la bun snem," kumta i leh kumba kyndit eh bad leh sngewsih bad ida leh ruh kum ban jaw ummat bad hadien i sa ong ia uta u khynnah dkhar kumne "ba i a ki por ba u kpa jong me u wan shatai sha Majai katno ba ia leit ia sngewbha bad u ju rah kat kaba u mon bad nga ruh haba nga wan shane u ju ai rah katba nga kwah te mynta haba u kpa jong me um don shuh te men ai aiu ia nga pat," kumta uta u khynnah dkhar ynda haba u la sngap bad iohi ia ki jingleh jong i u la ngeit ba ka long kaba shisha bad kumta u la ai sngewbha da kita ki 'khakoi 3 tylli kiba heh bha. Kumta ngi la sdang ban leit pat sha kawei ka liang bad i shem ia uwei n khynnah die shira bad ia uta ruh i leh kumjuh hi bad na uta ruh i ioh shira bad kumta ter ter sha kiwei kiwei ki dkhar bad haba i Horisa u ong kumne "phi da ithuh shisha mo nah? (i khot panah ia i)". Mar kumta i kynhied pynban bad ong "sngap pha ka khynnah." Kumta ki sa ia wan bad ki pla ki la dap mam ba kit ia kita ki mar ba ioh na ki dkhar Shilot.

3. Sa kawei ka khana kata ki ong ha Majai bad laba i tang shu ichi hangno ba don ka ksew kaba iap, mynmiet shiteng synnia i la mih bad par sor ban leit shim ia ka bad leit buh la khmat jingkhanki 'khar Bamon die khaw. Lashai la dang step phyrngap i la khie bad leit raid kai sha kata ka jaka bad peit thuh ba uta u dkhar u la plie ling ne em bad i tang shu iohi ba u la plie ling, i la leit raid swait kham shajan kata ka ling bad la ka siaw ka rwai bad raid kum uba donkam eh bad uta u dkhar ynda laba u la plie ia ka jingkhanku iohi pynban ba don ka ksew kaba iap ha khmat jingkhank. Kumta u la iohi ia i Donkha bad khot "Donkha, Donkha" bad khawoit kti ba in wan hynrei i leh kum bym don por ia kata ka jingkhot jong u bad i leh kum ban shu laid.

beit bad hangta u la nang jur ka pyrta bad khroh ia i haduh ba in da leit bad u pyni ia kata ka ksew kaba iap bad ong ba in leit pynbret noh sha wah, hynrei i ong "me tharai ba nga dei u metor ban ktah ia kane ka met iap u ksew?" Kumta u la nang khroh bad tyrwa ban da siew pisa de haduh kaba kut i sa ong katno men ai ia nga bad u sa kular ban a: tip 2 ne 3 tyngka (ha kata ka por 2 ne 3 tyngka ka long kaba la heh). kumta isa leit bret bad ong artad ia u "khmih mem bit ban iathuh ia kane hano hano ruh, bad lada ki para lok Khasi jong nga kin tip kin kyntait jaid ia nga." Der kine ki kam dublia danda jong i kiba i loh ha Sohra ki u ia ap la ka kyrteng jong i hateng hateng Wat hangue ha Laban ruh i Rai Bahadur Ropmay i ju kynmaw bad kren shaphang i mama-Donkha. Ha kawei ka jingia'ang ha Mission School i shu ong kyndit kyndit 'kumba kren Phareng i Donkha Dunai ynda haba uwei u sahep Tommy u la kyllon ha lewhat Sohra ba u la buaid i ong "man dog sleep ground" imat i nang malu ma'a ban kren Phareng"

U Mr David Roy Jaid Phanwar

U Mr. David Roy Jaid Phanwar u dei u khun u Rai Bahadur u Roy Singh (u ba baroh ki ong u Rai Shabong). U long u briew uba trei shitom bad minot hala ki jing trei kam jong u. Nyngkong u trei clerk ha office u Chief Engineer, Assam bad u pynpaw iala ka jingtrei ba u long u nongtrei kam uba tbit. Hadien kata u la loh ia ka kam S. D. C bad ha kane ka kam ruh uia pyni ialade ba u long u nongtrei uba bit. Hadien kata uia kiew kam haduh banda long u E. A. C. baroh ki Deputy Commissioner kiba la iatrei kam bad u ki da pyrto ia ka jingtrei kam jong u bad kim kwah ban duh ia u. Hynrei kat ka jingtip jong nga baroh shi katto, baroh kiba trei ha ki kam E. A. C. & S. D. C. ki dei ban shah transfer na kawei ka District sha kawei pat ka District, hynrei u Mr. David Roy

um ju shah transfer, kumta ula trei kumto hangne ha Shillong haduh ba un da retire.

Ynda haba u'a retire na ka kam, u Saheb Cantlie u la thung ia u ban long Dewan ia' ka Myllem State. Cherra State bad Mawphlang State namar kine ki state kila don ha ka jingdap ram kaba kim lah shuh ban siew. Ula trei kum u Dewan naduh ka snem 1936 haduh ka snem 1964 baron 3 tyli ki state kata kumba 10 snem. Ynda haba ula shimti bad pyniaid ma u ia kitei ki hima baroh 3 tylli ula siew ia ka ram ka shah jong ki phar kdar bad la iohsngew ruh ba hadien katto katne snem ba trei ma u kitei ki hima kila don tyngka biang ha ki Bank

Kat kum ka jingtip jong nga dalade ia u naduh ba nga lawan shong shane sha Sor, nga iohsngew ba kat haba u trei ka dap tang da ka jingiaroh suda. Bad haba peit shisha ia ka jingtrei kam jong u ha kitei ki 3 hima, u long shisha u nongtrei uba da stad (very good administrator) bad ngam tharai ba ngin ioh briew uba kum ma u. Ym ju iohsngew nangno nangno ruh ba don kiba kren ei ei shaphang ka kam arsap ne bamsap (corruption) pyrshah ia u.

Tang shu ich Independence ia kitei ki hima synshar da u Dewan la p/hait noh. U David Roy lada un leh kumba leh ki nongsynshar kiba mynta, ula lah ban tei ki paki ki dulan kiba 3/4 mala.

Ka Sorkar ruh na ki jingtrei bha trei shitom jong u ka la ai ka nam "M. B. E" (Member of British Empire).

Kaba sngew phylla eh ka long ba u briew uba kum ma u um don iing don sem, u shu shong ha ki iing wai, tip kaei ka daw ba ka la pynlong ia u kumne.

U Rimor jaid Kharmaw U Khynnah Leh Jadu - Myntor

Ha kawci ka por ha Sohra ba dang long Syiem U Ram'ingh la don utei u Rimor uba nang ban leh ki kam jadu-myntor laiphew jaid bad kumno ula ioh ia kata ka jingnang ka khana ka long kumne:—

1. U dei u khynnah ap masi bad ha kawci ka sngi u khlem da lah ban pynpci lut ia ki masi imat ba u la lap miet eh ka jingialeh kai ha lum, kumta u wan niah tang kat kiba u lah ban lum bad don kiba sahkut noh sha lum.

2. Ynda ula poi sha i ng ka kmie ka la kyili la u la wan niah lut ia ki, u ong "em namar ba la miet eh ngam lah shuh ban lum ia ki" kumta ka kmie kala mai la tim ia u haduh ba ula sngewsih khlem da nang iohthiah shuh baroh shi miet, te lashai la dang dum ka bneng ula mih na iing bad leit wad ia ki masi, kyndit kyndit ha lynti u ia kynduh pynban ia u briew uba i kum u "khar pukir bad uta u pukir ula kylli ia u Rimor "men leit shano?" U Rimor u la ong ban leit wad ia ki masi ba jah, kumta uta u pukir u la kylli biang ia u "mekwah alu na nga"? u Rimor um nang ban ai jubab, kumta uta u pukir ula shu ong ia u "shim une u maw buh khop wat ju pyni hano hano ruh" bad u Rimor ula kylli biang "ngan leh kumno ia une u maw" uta u pukir ula ong ia u "da ure me lah ban leh ne ioh kat kaba me kwah" bad u ong artad "ki masi ki don hangtei khie leit shim. U Rimor u tang shu leit u shem ia ki masi. Ynda ula poi sha iing u la pyrkhat marwei marwei kumno ngen leh ia une u maw, kumta ula suh noh da ka jain ban pynlong saipan bad u thep hapoh uta u saipan bad u teh ha ka syngkai khnang ban ym iohi mēno mano.

3. Naduh kata ka por u la sdang ban 'eh jadu da kaba u la leh nyngkong eh ha ka sngi ba la leit thohtleng. Ynda kila ia wan phai bad shongthait ha lynti, u kynmaw ia u pukir bad ha lade u shu ong "nga kwah ba kine

ki dieng baroh kin her sha suin" mar kumta kita ki dieng ki la her sha suin bad kumta kumta hi noh u la ong ba kin hiar biang sha tbian. Kumta kita ki lok kiba ia shong thait kynthei bad shynrang ki la ia lyngngoh haduh ba kim nang ong ei ei bad don kiba la tieng ia kata ka jingjia bad ki tang shu poi sha shnong ki la iathuhkhana haman la ki briew ia kata ka jingher ki diengkit sha suin. Bad kumta ter ter naduh kata ka por u la nang leh ki kam kiba phylla khamtam ha ki jaka ba don ki khynnah, kumno ban pyniashoh ia dat ia ki. Bad hadien ki briew ki la suba ba dei ma u uba la leh ia kine ki kam jadu-myntor hynrei ha ka jaka bym don ma u pat ym don kano kano ka jingphylla.

4. Te haduh ba u la iathuh ia u Ramsingh Syiem ba un pyinkhreh ha madan ba un bsa ia ia ki briew kat ki ba don tang na uwei u khiew ja bad uwei u khiew jyntah. Bad poi kata ka sngi u la ker ia ka jaka da ka jingker bad shong hangta marwei hi. Kumta u la sdang khat ia ka ja shaid shi shaid kat haduh ba bun ki briew ki la ia bam ha ban da kdang bad ym don shuh ki ban sah khlem loh bam ja.

Te hynrei ia kane ka jingleh jong u kiba ha ling la sem khamtam ka kmie ki la sngewsih shibun en bad ka kmie ka ong ba u la loh kem ksuid na ei re na ei bad ka la wad u nongknia ba un knia ban beh noh ia uta u ksuid ba kem ia u, hynrei ym don ba la ban beh ksuid kumba ki ong.

5. Don ha kawei ka sngi ba u dang thiah kai harud ding bad dei hamar ka por ba u phai shane sh tai uta u maw ba u la thep ha uta u saipan u paw shabar bad la ohi da ka para jong u. Kumta kumta kata ka para ka la leit her sha la ka kmie bad ong ba ken wan peit hi qalade, bad ka kmie ruh ynda ka a iohsngew kumta ka la wan ban peit bad ka tang shu iohi ia ita lha at hapoh u saipan ka la ong halade "pleng dei ine i ksuid jadu ba u wan leh jadu kumne." Kumta ka kmie ka la leit shim da ka khalnshi bad ka la khap tbak bad ka thang

hapoh ding. Ynda u la kyndit naba thiah bad twad ia uta u maw um don shuh, haba u la kylli "mano ba khap" ki 'a ong "ba khap ka kmie," kumta u la leit sha ka kmie bad ong "Mei phi la leh ia kaei kaei kaba phim don jingkwah shuh ia nga ba ngan im ha kane ka pyrthei bad dei sa tang mynta ka miet phin iohi ia nga bad ngan iap noh artad." Shisha ha kata hi ka miet u la iap noh.

6 Ynda haba ka khubor ka la leit sha u Ramsingh Siem ba u Rimor um don shuh u la iap noh bad la iat ruh ia ka jingjia ha iing bad ka kmie jong u Rimor u Syiem Ramsingh um nang ong ei ei shun bad u shu ong tang kumne "ngi la dul noh ia u khlur ka Hinia uba la lah ban leh shi bun ki kam kiba phylla" U Syiem Ramsingh ki ong uda thaw ka kpep na ka bynta jong u.

La don kawei ruh ka jingjia ha ka jaka ba kyrteng Lyngknot u lar hapoh Circuit House Sohra

Hangta la don u mawsiang uba kum ka mlej pyllun kaba heh bha bad don uwei u briew uba shongkai hangta, kumno re kumno la wan poi u briew uba i kum u pukir hi bad ong ia uta u briew ba me kwah alu, te uta u briew um nang ai jubab bad uta u pukir u la ong ia u ba lada me kwah ban ioh ei ei na nga sa wan ha katakata ka sngi ban la kynduh ia nga ngan sa ai katba me kwah tang ba mem dei kein ban sheptieng la ka don kaei kaei ruh ieng skhem te men ioh." Kumta uta u pukir u la jah noh bad uta u briew u la leit ha kata ka sngi ban la kynduh ia u pukir bad katba u dang ap u iohsngew shuwa ia ka jingsawa kaba jur ba beh ka lyer bad ynda ka la jan poi ha ka jaka uta u briew ka paw pynban da ka dur u bsein kaba uta u briew um lah shah u phet iap na kata ka jaka. Kumta u la duh la ka ban ioh ei ei na uta u pukir.

U Iso Diengdoh na Sohra

U Bah Iso Diengdoh u long u briew uba im sngi tang kumno ban thok kai ia ki briew ha ki bun rukom, don kiba ym da sniew than eh hynrei pat ruh don ki kam thok kiba da sngewsih bad sngewsynei ia kito kiba shah thok. Nga pyni harum ia ki kam thok jong u lyngkot katba lah namar ym don jaka ban iathuh lut kat kumba dei ban thoh bniah :—

1. Ha kawei ka sngi i kmie jong u i khang ia ka jingkhang bad im plie satia ia ka iing haba u wan. Kumta ban ioh rung u la shu pyrtta shnong noh da kaba ong "ko shnong ko thaw to ia mih balei ki bnai ki ia don 2/3 tyli kumne?" Kumta ki para marjan ki la khie bad i kmie jong u ruh haba i iohsngew ba ki marjan iing ki la ia mih, i ruh i la khie bad mih shabar bad i tang shu mih shabar u rung shapoh iing u khang ia ka jingkhang sbak bad ynda ki la ia peit hynrei ym don kita ki bnai 2/3 tylli kumba u ong, kumta ki la ia rung noh shapoh iing bad khang ia ki iing. Te i kmie u Iso ruh i mut ban rung hynrei im lait sluh ba u la lah khang ia ka jing khang. Kumta i la pyrtta plie ia ka iing ia u Iso bad ynda kham slem u khie n-ba thiah bad plie ia ka iing bad ong artad "phi te tang ban pynshitom ia nga bad pynthut iaka jingthiah jong nga."

2. Ha kawei ka sngi haba u Iso bad ki lok jong u ki ia wan stet sha shnong ban leit iathuh ia i lok jong uwei na kua k ba ia wan na sha Majai bad u leit ong kumne "Khie leit kloi ialam bad u nongkit leit shaw ia u (tangne nga klet noh ia ka kyrteng uta u briew) namar u ioh kem pang kaba jur haduh katta katta tip un long kumno." Te ita i lok uta u briew i la shu her shane shatai ban wad nongkit bad ka khoh de kumta kumta hi ki ia leit ban tan ia u na sha lynti. Hynrei ynda ki la ia iaid sted bad kita ki para lok jong u Iso kiba ia wan ryngkat bad u ruh ki la nang ia wan bad baroh arliang ki ia kynduh pynban ha Mawsmal bad baroh arliang ki la

shu ia peit khlem da nang ban ia ong ei ei, hadien uta u lok u kylli "balei bad shano phin ia leit" ita i lok i la ai jubab "ba haba u Iso u wan iathuh ba phi ioh kem pang kaba jur bad ong ia nga ban wan shaw bad u nongkit, kumta nga la shu ia wan" Ynda ki la iohsngew la ka kyrteng u Iso ki la shu ia wan phai lang noh sha iing kumto.

3. Sa ha kawei ka sngi pat ynda ki la ia wan na sha Majai u la plan ia ki lok jong u ba un kdiah ia u pai uba den ha Laittyr-a ha iing ki briew uba feh bad itynnad bha. Kumta ynda poi ha kata ka iing u leh kum uba bieit ba lamwir bad iaid shane shataishu peit khlung khlung khleng khleng ia ki khmat sha uta u pai ta'u bad ktah de teng teng bad iaid sawdong kata ka iing, te ki trai ling ki la ia mih, hynrei kita ki lok jong u ki la ai dak ia ki ba u long uba bieit ba lamwir, kumta ki la shu ia sngap noh bad ym nud ban ong ei ei ruh. Ha kaba khadduh u ktah ia u pai bad u kdiah artat tbuk bad leh khleh bieit artat bad hadien kita ki lok jong u ki la ia leit ban ialam noh ia u, kumta ki sa ia wan noh.

4. Ha kawei ka sngi katba ki nang ia trei surok ha Mawkdok la wan poi ki dkhar leh jadu myntor, kumta u la ong ban ialeh bad u, te kita ki dkhar ki la ong ba un leh shuwa ma u hynrei u ong ba un leh shuwa uta u dkhar. Uta u dkhar u put ia ka jingput bad ai ha u Iso ban put bad u tang sdang put kata ka jingput ka sahkut pynban ha ka shyntur jong u, kumta um lah ban law sa law hi da uta u dkhar. Bad u sdang leh mynleh kum uba nang bad ong ia uta u dkhar ban ieng beik thik uda pruid da ka jylli. U iaid sawdong pyllun ia uta u dkhar bad u tam uwei u maw u da kawang ia uta u dkhar dei na ka khohsiew bad da kyllon naba ieng bad u ong pynban kumne "me haba me leh ia nga me lah ban law, hynrei ma nga te haba nga la leh ei ei ngam lah law shuh."

5. Ha ka por ba u shong ha ling I Babu Barnabas ka dei ka por long Jinglaseng Assembly ha kaba shibun

ki briew ki la ia wan bad une u Iso ha ka por mynstep u la leit hapoh paikhana bad shongsah hangta haduh ba ki briew bad kiba na iing kim ioh shuh ban leit bad ki la mudui sha i Babu Bar i sa leit khot 'a u bad mai ia u bad ynda haba u mih u ong pynban "wa haba nga da pynkhuid bha ia ka jakhlia jakhlaid ruh."

6. Ha kawei sngi pat katba u dang ia iaid ha lyntl na Majai sha Sohra ki ia kynduh ia ki khar die jingiwbihi kumta ki la ia peit bad u Iso u ong lehse dei ka bih. uta u dkhar u ong kam dei ka bih, 'kata ngan iw bad lada iap men kit khlieh mame ia nga". Kumta u pyrshang iw bad leh kumba u la baijong ka khlieh bad u la kyrngah bad kylla pyrded ki khmat bad leh rukom rukom haduh ba kita ki dkhar ruh ki la itieng bad ki lok u Iso pat ruh ki la ia pyntieng ia ki haduh ba ki da phet iap bad iehnoh ia kita ki jingiwbihi.

7. Sa kawei ka khana shaphang kaba u ialeit trei bylla shna iing sha Shella, u pynialur samla ia uwei u para lok uba ia don khun don tnga bad u ong ba u dei uba dang samla u lah ban kren ia kiba ha iing kata ka briew ha ka rukom ba ki da ngeit shisha kat haduh ba ki la ia buh sngi ban ia poi kha poi man Hynrei ha kata ka sngi mynstep u Iso u wan phet noh sha shnong Bad ynda poi ka por janmiet kita ki briew kata ka kynthei ki la ia leit ban shaw ia u hynrei kim ia kynduh bad ki sa wan haduh ka iing ba ki iasah bad hangta uta u briew uba pynkren u Iso u la lyngngoh bad kita ki briew ruh ki la sngewsih bad ba la leh nohei ka bam ka dihi. Ynda ki la ia poi sha shnong (Sohra) bad ki ong ia u balei ba me'leh haduh katto ia ki? U ong ia ba "nga shu twad (test) haduh katno kata ka jingstad ki Shella."

8. Kine harum ki lohng ki kam jakhlia thok, jong u. (1) I kmie i kyrteng i Bun bad i kpa pat i Kam—U ong ia ki "to wat ia kren Bun-Kam eh" (2) Shi sien ki khynnah ki dang ia pynher kot bad lap u slap kumta u khot ia ki baroh ban rieh ha iing jong u, hynrei ynda la jur bha u slap u shim da u dieng bad ka byrngem shoh ia ki ba

kih phet noh, u da nang ban leh la kum u ban shoh shisha kumta kim banse ki la ia phet noh ha pdeng u slap bah—jot lut ki kot pynher jong ki (3) u ong ia ki para lok ba mynta ka sngi ngan leit saitjain noh kumta ki la ia ong uwei shim pynsait ka jaihspong. uwei pat ka jain-boh kumta ter ter u ong to ngan sa pynsait hynrei ynda, u la dep la k' jain la jong, u shim la kita ki jain jong ki baroh u wleh hapoh um bad u wellam kumto khlem sait.

Dang bun ki kam jakhlia jong u ym lah ban thoh namar ym don jaka ban thoh.

U Mih Nongkrem bad I Raimuni jaid Dkhar

La don uwei u briew ha Nongkrem uba kyrteug u Min Uta u briew u long uba runar bad uba shlor haduh katta katta, um don jingsheptieng iano iano run. U shong si a lum bad ka jaka shong ka long da kaba shu tih ia ka khyndew (trench) u iashong tang bad ki khun shynrang. Ka suloi u kieng ha ka met. U tang shu iohi ia ki blang ki masi ki briew kiba leit poi sha ka jaka shong jong u kata u la siat iap ia ki. U la pynshitom ia ki briew kiba shong sha kata ka thain bad ki la leit mudui sha u Syiem Khyrim ruh hynrei u Syiem ruh um nud/um lah ban 'eh ei ei ia u. Ym don hi ki ban nud leit sha ka jaka jong u ban kem. Kumta u Syiem u la shu ai report noh sha la Sorkar. Ka Sorkar ruh ka la pyrshang kumno ban leit kem ia u hynrei ki pulit ruh kim nud ban leit kem ia u. Ka Sorkar ka la ia pyrghat kumno ban ioh kem ia u ban lait 'na ka jingia mynsaw ne ian briew.

Ha kata ka por la don uwei u Khasi S. I. bad dei i babu Raimuni jaid Dkhar iba la shu leit da ka riam Bhoi, naduh ki sopti, da ka jingphong bad ka jingslieng pong-kiang bad la ka tupia Nongkrem, i da kieng ruh la ka iarong bam kwai bad leit laid swait sha kata ka thain

ba u shong u Mih bad pyn'akynduh ia ki khun jong u. Ynda i la ia kynduh ia ki i la kylli "phin ia die mo ia kine ki masi shynrang namar ba nga don'am 'si lur sha Ehoi?" Kita ki khun ki la ong "Kata ngin da ia kylli na I Pa" bad kumta i la iakut ban iaslem pat las'ai ka sngi. Ynda i la wan noh sha ling ba i sah, i la pynkhreh bha ia ia ki pulit bad ong "tang shu riew ka wisil kata ki dei ban wan her bran bran shata ban kem ia u M'h.

Ynda lashai ka sngi i la leit Liang bad ia kynduh ia kita ki khun u Mih bad ki la ia'am ia i sha u kpa jong ki Ynda ki la ia kren ia khana u Mih um don jingsuba sniew ei ei, kumta u la buh noh ia ka suloi harud, hynrei um ju pyllait na ka met haba u iohi ba don ki briew kiba pl ylla kita wan iaid sha kata ka jaka jong u. Kumta ynda ki la ia kut dor in ki masi, dei ruh ha ka por ba ki k. un jong u ki a leit shabar, kumta i Raimuni i khynrup bad pian ia u sbak bad put ia ka wisil bad mar kumta ki pulit ki la wan her sha kata ka jaka bad ki la kem ia u bad pyndait da ki khadu nar (handcuff) bad wallam shane sha Shillong. Lynda dei da ka buit i Raimuni kan don ka jingiasiat bad yn iap briew na baroh arliang.

Na ka bynta kane ka jingleli ba stad i Raimuni ka Sorkar ka la sngewbha bad ia leh ka kam kaba bha da kaba ka la kyntiew kyrdan ia i sha ka kam Inspector of Police, hynrei phin tip hi ba ha kito ki por ka long kaba eh ba u Khasi un ioh kiew kyrdan Inspector of Police.

Ka jingwan ba nyngkong eh ka Aeroplane (G. EBMO) ha Shillong bad ka hap (Crash) Artad

1. Ha ka taiew kaba lai jong u bnai July, 1927 la ioh jingtip ba u Capt. Vetch un wan sha Shillong da ka Aeroplane. Kumta u D. C. (Mr. W. A. Cosgrave) u la



pynkhreh ia ka Polo Ground ban hiar ka aeroplane hangto. Ki briew ki tang shu tip ia kata, la dang step ki la ia tuid lin shi lin sha Polo. Hynrei ynda la ia ap slem jlang ruh katno katno ka khlem wan satia. Ka Aeroplane pat ka la wan poi haduh Sohra, namar u iald eh kham napoh bad ba um tip ia ka jingjrong ki lum saba ha kata ka sngi u don u lyoh uba kah dum u la jan tyngkhuh ia ka Riatmawiew, kumta da ka jingstad jong u kloi lan u pynkylla khongpong (loop-the-loop) ia ka aeroplane bad u phet biang sha Sylhet da kaba hiar shuwa ha iwei i jaka rep kba ha Bi olaganj hangta u sa ai wire sha u D. C. Sylhet ban pynkynriah noh ia ki dieng goal na madan football bad u sa leit hiar hangta bad leit noh sha Calcutta. Ia kata ka jingjia ynda ki kylli ia u Postmaster Sohra ma u ruh u ong "kato la wan shato" um tip ia ka jingjia ha Riatmawiew. Hadien ki sa ioh jingtip ba u la leit noh sha Calcutta. Baroh kiba ia ap ki sa iapra noh bad leit la ki kam bad tip ia ka jingjia ynda janmiet.

2. Hynrei kyndit kyndit u Capt. Vetch ha kawel ka sngi u wan biang khlem da pyntip lano lano ruh, shu khywin ka suin bneng ir ba kynud ka Aeroplane ba ka wad jaka ban hiar. Shiphang ka la mut ban hiar ha Kyrkit Laban, kumta ka leit sa ha ka parade ground ki shipai bad hadien ka her pat bad khmih ia ka madan Students Field bad hadien eh usa iohi ia ka Polo Ground katba ki saheb ki dang ialah Polo, kumta ki la ai dak (sign) ba un hiar bad u sa hiar artad. Mar kumta la khywin ka Sor baroh kawel. Shynrang kynthei, tymmen bad kro ruh ki la ia hiar sha Polo. Kito kiba ia mih na ling ban leit iew leit hat ruh ki leit her noh sha Polo. Hadien kata ba win sa ki Motor ha Sor ba ki ia her bad da wan sa ki pulit ban pynbeit ia u paidbah baap ia ka aeroplane.

3. Ha kawel ka step kaba bud, bun bun ki briew ki la ia hiar ban leit peltkai la ka Aeroplane, naduh ki nongkyndong kiba wan lew ruh ki la ia poi lut sha Polo kat haduh ba kim nang phet shuh. Kumta ynda ha bym lah shuh ban pynpra ia u paitbah u saheb Congrave u la wad la u Capt. Vetch bad ong ia u ba un wan pynher

kai ia ka aeroplane ba kin tang peit kai bad hun ki briew, kumta u Capt. Vetch u la wan bad shim ia ka aeroplane bad ring sha madan bad u sa kiew halor jong ka, ynda u la pynher ha madan bad shuwa ba un pynkynthih sha suin u phai sha ba ngi ia jeng u da pyllait ia ki kti na u steering bad baroh la ia thapkti. Kumta u la pynher kai baroh sawdong ka Sor bad ia ehkai de da ka u pyniap ia ka engine bad len kumba ka la sniew la i kumba kan sa hap sha khyndew, hynrei u pynim pat bad her biang sha suin Kumta u paitbah u la ia hun hi jrud bad sa ia pra bad leit sha la ki jong ki kam. Bad la pynbna ruh ha kata ka sngi 22. 7 27 ba kan don ka jingialehkai ka Aeroplane bad ki shipai na len kumno ba un pynhap bom ia ki bad ki pat ruh kumno kin siat ia ka.

Ka jinghap ka Aeroplane

Kumta ha ka 22. 7. 27. ki briew ki la hiar biang sha Polo ban leit peit kai ia ka jingialehkai ka Aeroplane bad ki shipai la lut ki briew na Sor kiba ia poi. Kiba pang ba jhia ruh ki la ia leit da ki Taxi. U Capt Vetch u la ring ia ka Aeroplane ha pdeng madan Polo bad u la kiew bad pynher ia ka, katba u dang pynher (um tip ba don u sainar telephone uba laid lyngba ka Polo) u kum lymbub ia u sainar telephone bad u sainar u bat ia ka thapniang ka aeroplane bad ka sa hap artad, da iohsngew ba riew thriang-riang riang. Ka hap halor diengkseh bad hapoh ki don ki briew kiba ia shongkai ban peit kai ia ka. Kumta la don kiba mynsaw tang bym don jingiap briew ei ei. U tang shu hiar na ka Aeroplane bak bak u leit ban ia sei ia ki briew kiba ban ki tnad diengkseh. Baroh ki briew ki la ia kynjik kynjak ia ka jinghap jong ka bad man la ka janmiet ki briew ki la leit peit la kumba leit sha ling iap briew.

Kumta u Governor u la hukum ia u D. C. ban pynlong ia ka Enquiry.

Ka jingkynriah ka Sor Shillong sha Dacca

Ki Phareng ynda ki la jop ia ki Ri Lum Ki asi jong ngi, ki la pynlong Headquarter ha Sohra hynrei na ka bynta ba jur eh u slap ki la pynkynriah noh shane sha Laban. Bad ynda ki la pynlong ia ka Assam Province kaba ki shim bad pyniasoh lang bad ka Sylhet District hapoh u Chief Commissioner. Hadien kata pat na ka bynta ka jingbit ka rukom synshar-khadar ki la shim lut ia ka East Bengal ban pyniasoh lang bad ka Assam kaba ki khot "Eastern Bengal & Assam" hapoh u Lt. Governor, ka headquarter ka long hi hangne ha Laban. Ki briew ki da bun bha ha kata ka por, Khasi, Dkhar bad Phareng, da i shongshit bha ka Sor, ki Phareng ki pyn-donkam da ki kali kulai kiba khot ki "Tonga Ghari," haba ki pynher ha surok katno ka jingitynnad ha ka riam ka beit u kulai da i shisha la kum ki Siem (Majestic) Ha kata ka por ym pat don motor car bad kiwei kiwei pat ki pyndonkam da ki bicycle lane ki kulai.

Hadien pat na ka juh ka jingbit jingbiang ka synshar ka khadar ki ia rai ba ia ka sor yn pynkynriah noh sha Dacca. Kata ka long ha ki snem 1908-09 lada ngam bakla. Kumta da kane ka jingpynbna ban leit noh sha Dacca, la win ka Sor baroh kawei ba ia saidthma ia tuklar tang ia kata ka leit Dacca. Ki Dkhar bapli kiba la ia don la ka iing ka sem ki la hap ban ia tyrwa die noh ia la ki iing ki sem bad die ha ka dor kaba tad, ki Khasi pat ruh kim kwah ban thied ia ki namar ki ong ban lei ha bym don briew shuh. Kumta bun bun ki iing ki dkhar ki la shu sah iingjah lane don kiba la thied ha ka dor kaba tad. Ka jingkynjah ka shnong la kum kaba iap jar. Mynmiet lei lei wiar sa tang ki ksew bad ki pah sa ki myrsiang napoh khlaw.

Ha kata ka por ki samla Khasi kiba leit Dacca ki da ia lehka drama kaba ki ai kyrteng "Ka Leit Dacca" ha Mission Girls School. Don sa uwei u briew uba, kyrteng u Ronendra u thaw kawei ka jingrwai leit Dacca

kaba ong kumne "Ko Baieit ba ngin ia khled noh, jingim jong nga long kum u syntlew," te ia kata ka jingrwai la rwai da ki khynnah ki kynthei bad rangbah ruh baroh sawdong ka Sor haduh ba la sngew salla ban sngap kat sha ba ki iaid kata "Ko Baieit shi Ko Baieit."

Kumta ynda haba ki la ia leit bad sah ha Dacca kumba 2/3 snem la mih pat da kawei ka hukum ban wan blang noh sha Shillong. Kane ka hukum ban kynriah biang sha Shillong ka wan mih na Bilat bad ba u Patsha George V hi u la wan ban pynpra ia ka Eastern Bengal & Assam ha u December, 1912 ha ka Dorbar ha Delhi kaba long biang tang ka Province of Assam bad la pyniasoh bad ka Sylhet, hapoh u Chief Commissioner. Ki Siem Et at ki ju long artad Emperor & Empress of India, hynrei tang u King George V uba la pyndeng pansngait (crowned) ha India. Ha kane ka Dorbar ha Delhi ha ka snem 1912 bala ai ia u Dakhor Singh Syiem Khyrim ka nam "Raja." 10 snem mynshuwa ha ka por ka Coronation u King Edward VII ka Bilat ha Delhi ruh la pynlong ka Dorbar bad sha kata ka Dorbar la khot (sumon) ia u Syiem Kine Singh jong ka Nongkhlaw ne Khadsawphra bad la ai nam ia u ruh "Raja."

La ong ruh ba kane ka jingai nam Raja ka long ruh ka jingai bad ka waitlam (sword) ban kieng ka dei ka jong u brielw shi met hi.

Ka jingban bein ki Bengali ia ngi ki Khasi bad kiwei ki jaid bynriew

Ha ka por ba synshar ki Phareng baroh ki kam office ki shu shaniah lut ha ki Bengali, ki pyniaid katba mon. Ha man la ki office phin shem ba ki long rangbah hi ma ki naduh ka kam Head Clerk, Head Assistant bad ki kam Superintendent, u wei ar duh u Assamla u ban

long bara babu, u Khasi pat dei tang ha ling Kashari. Ha kano ma ka office tang shu lait kam, kata ki la ialeh kumno ban pynrung ia la u para jaid Bengali jong ki. Kin ym ailad ia kiwei ki jaid bynrlew ban ioh kam kata ia ki Assamese, Mus'im bad Khasi. Haman la ki office (Head of Deptts) phin shem u Khasi u don tang uwei ne arngut duh bad kita ruh ki shu long babu khynnah kiba ki ong mynta ki Lower Division clerk. Bad naduh ba mih ka kor shon type ki shim uwei u Khasi ban trei ia ka kam Typist.

Ki tang shu iohi ia uno uno u Khasi uba tbit ban ia trei kam kata ki la ia thaw lad kumno ban pynsniew ia ka kam jong u, kata ki leh da kaba buhrieh ia ki file ne ki shithi (draft) bad ki report sha ki sahep rangbah bad ong ba u long u bym lah ban shaniah lane u bym trei hok bad kiwei ki jingkyнноh. Ki Sahep ruh wei la report ma ki kata ki la shu ia mynjur (ditto) bad la shu shah kynnoh ne sha beh kam, namar ha kata ka por ka long kaba eh than ban leit ia kynduh ia ki saheb khlem da iaid lyngba na ki bara babu. Ka kham jem mynta ban ia kynduh ia u Governor ban ia ka ban ia kynduh ia u saheb rangbah ha office ha kata ka por.

Kine ki bara babu Bengali haba la dei ka por ban ia kiew kam lane ia knieh ban kiew kyrda ne kiew tulop na ka bynta ba ki la trei slem bad haba kyrpad ia u ba un recommend un ong hi to bad kren ruh da ki ktien, jali jaum bad sngewmat ba u don ka jingsngew lem ban iarap. Hynrei ynda haba la ai ka dorkhas ha u, ym tip aiu u thoh ha ka bad u leit rah hi ia ka file sha u saheb bad u saheb pat ruh u shu bud ia kaba u la thoh ma u, bad ynda u la wan pat u leh kum uba la bitar eh bad u ong "khmih shane katno ba nga la ia kren na ka bynta jong phi nga la iasaid nia haduh katta katta haduh ba u saheb u la bitar pynban ia nga" bad un ong "khmih u thoh pynban kumne." Un pynl tang la kaba thoh u saheb hynrei un ym pynl ia kaba thoh mau. Kaba u thoh ma u ka long kaba pyrshah hynrei da ka ktien pat la kum uba iarap.

Mr. Wilson Reade Phanwar

I Mr. Wilson Reade (iba ngi ju khot bah Will) i long iba la rangbah bha bad ka rta jong i ka long 95 snem haduh ka sngi ba i lap (heart failure) ha ka 9th September, 1971 ka por 1 baje tam khyndiat. I long iba shait ba khlain bha ym ju kham iohsngew ba in pang wat haduh ka sngi iap ruh i trei jingtrei ha iing. Haba leit shano shano im ju kham shong motor i sru iaid da ka kjat lait tang haba kyrkieh ne leit lynti kham jngai.

(1) I la pule haduh ka 1st year Class (F.A.) mynta ki ong I.A Ynda la mih noh na skul iia leit trei clerk ha Office u Director of Public Instructor, Assam. Ynda i'a trei tang kumba 5 snem iia kynriah noh bad iia treinoth da ka kam hikai skul ha Mission School naduh ka snem 1907 haduh ka snem 1912 bad kum u Headmaster haduh ka 1947 jong ka Presbyterian Proceeding High School Mawkhar kaba long ka Mission High School naduh ka snam 1947 haduh ka snem 1968, bad kumta iia shongthait noh.

(2) Ila long u Ward Member bad long Vice Chairman jong ka Shillong Municipality.

(3) Ilong ruh u member ia ka kam shipai (volunteer) kaba ki khot ka "Assam Valley Light Horse" bad ha kane ka kam iia kiew kyrdan haduh Warrant Officer Class I ha kaba bun ki saheb nangne na Sor ki hap hapoh ka jingpyn-iaid (command) jong i. Ki shahmai shah kynhied haba kim leh beit ia ka shad shipai (parade).

(4) I long ruh uwei na ki 3 ngut ki Khasi kiba nyng-kong eh kiba nang ban ialeh kai football, wat la iia sangeh ialeh kai ruh i long iba kit khia bha ia ka jingialeh football ki khynnah samla. I ju long ruh u President ia ka kam football ki samla Khasi.

(5) Na ka bynta ka jingtrei kam hikai skul kaba ia

slem bña, ila loh ka khusnam na ka Sorkar Assam kaba ki khot ka "Certificate of Merit" bad ka "National award" ha ka snem 1969.

(5) I long ruh iba kit khia ia ka niam bad i la long Tymmen Basan bun lun snem ha ka Balang Mawkhar. Ilong ruh iba pyrkhing bha ia ka jingkein jingdah lada dei ki pisa tyngka ha ka niam no ha kino kino ki kam pyrthei im ju aili iano i no ruh lada i shem ba ki jingkein ki long kiba bakla bad bym biang na ki rule ba la buh.

(6) I la trei ruh kum u Editor ia kawei ka kot khubor kaba kyrteng "U Lurshai" bun snem. Ha kawei ka sngi ila iathuh khana ia nga ba ha kato ka por thma bah kaba nyngkong i ju thoh pyrshai ia ka Sorkar haba ka 'eh bym dei ia ki Khasi. Ha kata ka por dei u saheb A.W. Dentith uba long Deputy Commissioner hangne u la phah khot ia i ban leit sha Kashari na ka bynta ki jingthoh jong i ha katei ka kot khubor bad i tang shu rung ula pyni ka khmat bad ki ktien kiba kham khor bad u ong ia i balei phi thoh kumne ha ki por thma? Lada phin leh kumne ngam banse ban sangeh noh ia ka ban ai license bad phin ym loh shon shu hangno hangno ruh. Kumta ila ong ha ki ktien kiba kham khor "lada phin shah shuh ia nga ban print ia ka kot khubor jong nga hangne ngam banse ban phah print noh sha ka "Dentith Press" sha London. Ynda ila ong kumta u long kumba kyndit bad lyngngoh shi por bad hadien ynda ki la jem baroh arngut ki sa ia kren noh da ki ktien kiba jem.

(7) I long iba trei shitom haduh katta katta, ha ling pat i trei ka kam kper, thung jhur bad i nang ban thain kper kaba da itynnad shisha.

(8) Kaba khadduh ka long kaba sngewsih shibun eh ba ynda ila lah pule ia kane ka kot ba nga ai ma nga ba i ju pynbeit bad ai jingmut i sa wan ai hi ha ling bad i ong ruh ia nga ba kane ka kot ba phi thoh ka lah ruh, ban ong kum ka text book. Hynrei kyndit kyndit ha ka por

ba ngam poi pyrkat ha katei ka sngi la wan lathuh "ba i bah Will im don shuh" kumta nga la leit peit ia i bad ka jingbynnud kaba ngam nang shuh ban ong.

Ka Revival ha Sohra 1904-05

Ka Revival kaba la long haka snem 1904-05 ha Sohra bad sha kiwei kiwei ki jaka ha ri Khasi ka long shisha kaba ngam sngew nang ban batai ka dei kaba wan da ka bor U Blei ne ka bor u ksuid.

Kane ka jingkhiih revival ka long nyngkong kumne :—

(1) Baroh ki briew kiba la leit jingiaseng kynthei bad shynrang ki tang shu poi bad ynda la dep duwai bad sdang ia rwai, kumta la mih uwei ne ar ngut kiba sdang ban pyinkhih la ki kjat bad khyntiuh ka met ka phad kumba khyntiuh rih khieshoh (malaria) bad kynthei bad shynrang, kumta artad ki la rwai bad shad haba leng da kaba pyinkhih met sha ka diang sha kamon. Sha ka liang ki kynthei ruh kumjuh tangba ki shu ia shong bad pyinkhih bad thapkti bad thiah ka met sha kadiang bad sha kamon. Te ngi ki khyntiuh rit ruh la ia ieng ban shad hapdeng haba lait ka jaka. Hynrei ynda haba i bah Endo Nongbri i la khie revival bad ieng ban shad shane bad shatai da kyrdem ia ka lyntang bad riew thain-thain ngi la ia shong noh bad shu ia peit ia i haduh ha in da kyllon hi kram bad ki sa pyntap da ka jain haduh ba in da khie tip briew. Kane ka long la man ka sngi.

(2) Ka la don kawei ka jingjia kaba sngewsiih ha kaba don u briew uba leh dusmon (ha kawei ka rukom te bun kiba la sngew salla ia kane) uta u briew u la shim da u maw bad na sha ka liang iing i Kong Hinimon. Diengdoh u kawang na ka jingkhah it dei ia u khyntiuh skul Theology na ka khlieh bad u maw u her sha ka liang:

ba shong ki kynthel tangba kim shym mynsaw. Kumta kata ka jingla rwai ia shad ka la sangeh noh bad ki la ia rah bad sumar ia uta u khynnah skul theology. Ynda u Syiem Sohra u la tip ia kata u phah noh da ki briew Syiem ban wan ap bad maham ia ki briew ba lada lap ia uba kawang maw yn kem.

(3) Ha kawei ka sngi nga la ia leit sa sha Nong-sawlia ban leit peit kai bad nga shem ba hangta ruh ka long hi kumjuh, ki briew ba ki la rwai ia shad la pynkhih met la i kumba kin sa ia khie bieit lut. Dei kata ka por ba i Rev. Manasan i ju kiew na'or ka ben bad i shad bad u niuhkhlieh jong i ruh u tied la ka ryndang jong i phap shi phap bad ba ki sa ong ia i 'Mana Saphap.' Te u saheb Jone ha kata ka por (lada ngam bakla) u la kyn-ruh ia ka baje ba kin ia sngap noh kumba ju leh, hynrei ha kito ki sngi pat ym don ba sngap, ki rwai la ka rwai khlem sangeh. U Saheb khadduh eh u la ong bad pyrta kumne "ba lada kane ka jing'ong ka wan shisha na U Blei to ai ba kan da heh bad iar shuh shuh, hynrei lada ka dei na u ksuid kan da duh da dam noh naduh mynta." Te ngam tip bad kynmaw ka kut haduh katno ka revival, tip dei naduh katei ka por ba ong u saheb Jone ne naduh katno ngam lah ban kynmaw shuh.

(4) Sa shane sha Sor Shillong pat ki iathuh khana ba ka la long kumjuh hi, don sa ki Khasi imat ki leit ia kem da ka paro na sha Police Bazar ki wan pyllait hapoh ing mane haduh ba ki la ia ong la wan her ki Angel, rukom rukom ki khana.

Ki Shella ha shuwa u jumai

Hyndai shuwa u jumai ha ka snem 1897 ki Shella ki long ki briew kiba riwespah shibun na ka jingmih u soh niamtra bad u mawshun uba ki shalan sha Shilot. Kane ka jingriwespah jong ki ka la pynlong la ki briew kiba

sarong bad ia kata la tip baroh ym lah ban len. Kine harum khyndiat kiba nga la ioh jingtip na ki Rangbah kiba la tymmen bad ki briew kiba long ki para lok jong nga kiba na Shella hi.

1. Ki tang shu iohi ia ki briew kiba na sha ri lum ba ki wan sha shella ki la ong "ki nongphiang beh/sam at," kata ka mut ki nongshohnoh.

2. Lada ki para Shella kiba kham duk ki leit ban thied dohkha na lew kata kito kiba kham don kham kot ki knleh trait trait na ka kti kito kiba duk bad da ong ruh artad "pha lah hi ban thied ia kane ka dohkha, pha don pisa?"

3. Haba u Shella u wan poi shane sha Laban bad u phah kit jingkit ha uno uno u Khasi (namar ym pat don nongkit dkhar) tang shi sien, hynrei u kynmaw ia uta u briew ynda u la wan pat hadien ynda la dap $\frac{3}{4}$ bnai kata un ong ia ki para lok jong u "utai u dei u nongkit jong nga."

4. Khamtam ha ki por kheit soh niamtra ki la ia kop la sop da ki ktien jong ki bad ong "tang shu mah ha boneng la hap poisha" i. e u sohniamtra, bad "tang shu mah ha khyndew la mih ka rupa" i. e mawshun.

5. Te don ha kawei ka por hadien u jumai la don uwei u nong Shella uba la wan sha Sohra ban wan wad ki misteri shna mawshying bad ynda ki la ia kynduh bad kita ki briew ki la ia kren ia ki dor ki mur. Ynda ki la ia poi sha Shella ki la iakut b.n shu trei da kaba wai (contract) bad kumta ki la ia mynjur baroh arliang. Kumta ki la ia trei shitom khlem shong thait namar ba ki shu iakut trei wai. Te ynda haba la dep kita ki maw shying bad pan ia u bai trei, uba ki la trei shitom. Hynrei uta u Shella u ong pynban "balei phi ia pan than haba phi la ia pyndep tang khyndiat sngi?" uda kren ruh da ki ktien kiba khor bad um ai ia ki pisa. Kumta kita ki nong-Sohra ki la ia wan phet noh bad leit iathuh

ha u Syiem (lada ngam bakla dei u Syiem Hajon Manick.) Bad u Syiem u la kylil ia ki "ba don mano ha kata ka jingiakut," ki ong "ba don tang ma ki hi bad uta u Shella" u Syiem u ong ym don kynthei ei ei kiba na ling? "ki ong don tang kawei ka briew kaba la kham tymmen," kumta u Syiem u la report ia kata ka jingjila baroh sha u saheb Deputy Commissioner sha Shillong bad u Saheb D. C. u la summon ia uta u briew bad ia kata ka tymmen. Kumta uta u Shella ynda haba u tang shu loh ia ka summon bad ba dei lang ia kata ka kynthei um nang shong nang thiah shuh (ki ong ba ki Shella kin pynkiew iing bishar ia ka kynthei te ka long kaba eh than) kumta shi mlet shi mlet u la wan her sha Sohra ban wan wad ia ki ta ki nongtrei bad leit nguh leit dem ia u Syiem ba un map noh bad ku'ar ban siew kumba la iakut bad ong ruh ba yn siew arshah ia kaba dei ban siew. Kumta u Syiem u la kren ia ki briew la jong ba kanbha ba kin ia shim noh la ki pisa kh'em da shim tam ei ei.

Ka jingialehkai Football ha ki por mynshuwa (1896).

Na ka bynta ki rukom ialehkai football ha ki snem ki-ba mynshuwa (1896), nga la kylil bniah bha na i bah Will (Mr. Wilson Reade) bad i'a lathuh ia nga kumne harum:-

(a) Ba ka jingialehkai football ka la wan pol nyng-kong eh hangne ha Shillong ha ka snem 1896 kaba tang ki saheb pyrton. Ki sa wan sa ki 'khar Bengali bad ki seng kawei ka club ka "Town Club" kaba dang sah ka kyrteng haduh mynta.

(b) Ki Khasi ha kata ka por kim pat nang ialeh football bad hadien ki sa nang da kaba loh ialehkai bad ki 'khar Bengali.

(c) Ki saheb pyrton ki ju khot ia ki Bengali ban leit ialehkai bad ki, hynrei ki saheb kim angewtynnad satla ia

ka rukom ialehkai ki Bengali namar ki ialeh lehrain bad sngewpoh (inferiority complex), kim nud ban tur bad ia lymbub kumba dei ka rukom ialeh football.

(d) Ynda ki Khasi ruh kila ia nang ban ialeh, ki don tang katto katne ngut, ki Bengali ki la khot ia ki ban ialeh lang bad ki bad kumta ka jingialehkai kala long kaba kham shan bad itynnad. Ki Khasi kiba nyngkong eh ban ialehkai football ki long kine— (1) Mr. Wilson Reade (bah Will), (2) Mr. Willip Lewis (bah Wil'ip) bad uba (3) Mr. Jogendro (Kendro) jaid Dkhar bad ia kine la jied ban ia leh lang bad ki Bengali pyrshah ia ka team shipai pyrton. Ia kine 3 ngut la buh ban ieng ha uwei u line - Centre Forward, Centre half bad Full Back. Kine ki Khasi ynda haba ki ialeh kai ki ialeh naduh ka mynsiem khlem don kata ka jingsngew poh kum ki Bengali, ki tur la ka tur bad ia lymbub hi thrait thrait ia ki saheb pyrton ruh. Ki saheb ynda haba ki iohi ia ka jingialehkai ki Khasi ki la sngew-bha bad ki khot ia'ehkai ia ki barabor.

(e) Hadien la ialeh sa bat ki shipai dohiong haba duna ki saheb. Ha kata ka por ki shipai ki phong da ki juti shipai kiba don bad da ka nar shapohjat namar ym pat don juti kyrpang na ka bynta ka football. Ki Khasi bad ki Bengali ki la ia mynsaw ki kjat bad ynda la wai kila pyni ha ki saheb ia ka jingmynsaw hynrei ki ia rkhe pynban. Ka rukom ia lymbub ruh ka long katba mon tang ban ym lymbub na shadien.

(f) Hadien ki Khasi kila nangkham ia bun kiba nang ban ialeh football bad sa mih ki team Khasi kham bun bad napdeng ki team Khasi la don tang artyili ki team kiba kham paw khmat—(1) ka "Christian Athletic Club" (C.A.C.) bad kawei pat (2) Ka "Hills United Club". Ka C.A.C. ka long ka team kaba la jop nyngkong eh ba ioh ia ka Cup "Earle Cup". Dei kine ki team kiba la shai ha ka jingia'leh football. Dei ha kine ki por ba sa mih ki rule kiba thymmai ba ki khot ki "New Rule" tangba la katta ruh ka jingia lymbub ha kito ki por ka long kaba da tohmet haduh ba da pah niangkynjah ki shkor.

(g) Ha kita ki por haba kawei na ki team Khasi ka la dei ban ialeh final bad ki shipai ne Bengali ki Khasi la ka rukom pyrta ki ia ongkumne "Pyniap-Pyniap" haduh ba ki 'Khar Benga'i ynda haba ki tip la ka jingmut ki la leit mudui sha u Deputy Commissioner bad u D. C. u sa ai da ka jingraham ba ym bit shuh ban ong "pyniap-pyniap" bad uba ong ki police kin kem ia u. Kumta ki la pyrto pat da kawei ka jingpyrta bad kata ka long "Trei-Trei," ia kane la pynsngwewthuh ia ki dkhar ba ka mut trei shitom (work hard,) kim tip ia ka jingmut kane ka ktien kaba long kumjuh hi ia katei ka ktien "Pyniap Pyniap."

(h) Hadien kitei ki jingialeh kai football la wan poi sa ki shipai Gurkha ka 1/8th bad 2/8th Gurkha Regiments. Ki nongialeh kai jong ki ruh ki long kiba la trained bha da ki sareb pyrton bad ki Khasi ym long shuh ban ialeh la ka jong ka jong ka team Kumta ki la ialum ia pyrkhath noh ban shu jied noh baroh ki nongialeh kai naman la ki team tang kiba nang bha ban pynlong kawei ka team. Ynda ki la ialeh kumta ka sa mih kawei ka team kaba ki ai kyrteng "Khasi-Jaintia Athletic Association" (KJAA). Kumta kane ka team ka la long kaba khlain bha bad ka jingialeh kai bad ki shipai ka la long kaba itynnad bad shongshit bha. Ki Rangbah Khasi ruh ki long kaba shongshit bha ia ka jingialeh kai football kita ki long (1) Rai Bahadur D. Ropmay, (2) Rai Sahib Hormu Rai Diengtoh, (3) Mr. Wilssn Reade, (4) Capt. H Lyngdoh, (5) I Chandra Nath Roy bad Mr. Josing Rynjah iba long artad u President ka Laban Football Club, bad bun kiwei kiwei de.

(i) Na ki nongialeh kai ka K.J.A.A. sngewdonkam ban da ai kyrteng namar ki long kiba ia paw nam bha ha kata ka por (1) u Rishot jaid Khongwir, (2) u Umas jaid Nongneng Shanpru na Laban. Kine arngut ki long shisha ki kohtympan (terrier) ia ki dkhar Bengali bad bun ki shipai Gurkha la shu rah na madan ba ki shah lymbub ha ki. Ki dkhar tang na ka bynta ba ki tieng ia ki ki iehnoh noh ia ka ball ki peit noh shuwa la u

briew. U Brilson Diengdoh pat u long u centre half uba nang bha bad haba ula loh ba ym lah shuh ban pyndep ia ka goal ba la shah thep, kumta u mih noh sha khmat bad u tang shu loh ia ka ball shajan goal bad u tang shu kynjat kata ka la rung beit sha goal namar ka ball ba u kynjat ka laid kum u kull. U Suresh Mohon Roy Laka-dong pat u long u nongialehkai uba tbit katta katta ha ka kynjat ball la kumba kynjat ki Bengali, wei u la kynjat na wing kata baroh ki la ia her beit beit sha goal. U nang ruh ban pynbakla ia ki shipai da kaba u leh thok ia ki namar ki bu i arngut arngut ia u, shisien u her bad ka ball, kita ki arngut ruh ki ia her lang bad u, kumta u iehnoh ia ka ba' l u her tang ka met suda, maki pat ki khlem peit ia ka ball ki bud ia u briew bad ynda u ieng ki shem ba ka ball kam don bad u, kane ka la pynlong ia ki paitbah ban ia rkhe shaid.

(j) U Goal Keeper ha kito ki por u don ha ka jingma kaba khraw, namar haba ki wing na baroh ariang ki kynjat ia ka ball shaphang goal, kata baroh ki la shu ia tur beit shapoh goal, un pe' t ia ka bal' ne un peit ia ki briew ba ki iatur pyrshah ia u. Hynrei ha ki ru'e thymmai mynta u la lait na ka jingma baroh.

(k) Ka jingialehkai football mynta ka la kylla bha naduh ka por ba wan poi ki team Phareng kiba ialeh kai hangne, ki Khasi ki la loh lad bad buit ia ki jingialeh kai. Kum ka jingialehkai hapteng ka England versus Scotland kaba da itynnad, nangta saki English Professional players, nangta bun sa ki team ki shipai phareng ba ki ialeh kai ha Polo manla ka janmiet kaba da itynnad shisha. Ki ia pyrta kumba pyrta ma ngi hangne, lada don kano kano ka team ba leh bakla, kata ki la pyrta ia uba leh bakla "turn him out." Ki nongpeit kai ha kito ki por dap ka madan shaduh ki ranab lum.

(l) Don sa kawel ka jingialeh kai ki shipai Phareng kaba ki ong ka Rugby kaba ialeh da ki kti ban kem ia ka ball bad rah ia ka da kaba her artad, bad sa kiba pyrshah pat ki khynrup trait trait da ka kti bad don ba

pait sa ki sopti poh baroh. Ka goal kata ka jingialeh ruh ka long ar pateng, bad dei ban thep ha ka goal kaba sha jrong, bad shuwa ban thep goal kata dei ban da bat ia ka ball da uwei pat, ka ball kaba long shalytuin kum ka pylleng. Kaba itieng bad itohmed haduh katta katta.

Ka jingialehkai Football kaba tang 6 ngut Shilliang

la kane ka jingialeh kai football ki ong ka Six Aside. Kane ka jingialeh kai la wallam ki khar Bengali na Calcutta hamar ka por ka thma bah kaba nyngkong. Ka Sorkar kala pynialeh ia kane da kaba khot shibun ki team ha Shillong, la lut ki team office bad bun kiwei kiwei ki team ba wan mih. Ka madan ka long tang kat ka Hockey Field. Uwei u goal keeper, uwei u back, uwei u full back bad uwei u centre forward 2 ngut ki wing. Ym don off-side ei ei lah ban leit ap hajan goal ruh, hynrei kam long ka kam kaba suk ban leh kumta. U centre forward u long uba shitom eh namar u dei ban leit ap ia ka jingai ball (throw) ki wing, shane shane shatai shatai. Kane ka jingialeh donkam ban shu her baroh baroh sawdong. Lada pyn corner shala ka jaka kata la du' shi point, kumta katno ka long ka jingialeh shitom ban khang ia ka ball ban ym leit sha out. Lada la pyn out 4 sien bad lada lah ban ioh thep tang shi goal ha kawel ka liang pat kata la ia ryngkat. Ma nga da lade (M. Doonai) nga la laleh ia kane ka long kaba sngew ban duh mynsiem ha ka her khlem sangeh. Ngi shahrem tip tang ar point ha ki Gurkha Union, nga la mih na ka Hills United Club B team, Ha ka final ki laleh ki Hi'ls United Club bad ka Club ba ai kyrteng S. Roy's Team (bah Sabuit). Ngam kynmaw bha shu r tip jop mano, ki Hills United ne ka S. Roy's team da ki point hi ym da ki goal. Ba hiar u paid bynriew ban leit peit kai manla ka janmiet sha Polo bad la pynialeh ruh 3 sien shi sngi namar la bun than ki team khnang

ban pynpoi ia ka final ha ka sngi kaba don ki jingialeh kai kiba bun jaid. Kane ka Six Aside ka wan mih tang ha kata ka por bad ym ju don ban ialeh ia ka.

Ka jingleit France bad Mesopotamia ki Khasi.

Ha ka thma bah kaba nyingkong (1914-18) kaba ki ong ka "Thma German" kaba ki saheb Phareng jong ngi kim banse shuh khlem da ialam bad ki shipai India. Kane ka jingleh ka pyrshah ia ka jingiakut (convention) ba ym bit ban wallam ia ki shipai dohiong lada jia ba long thma ha Europe.

(1) Ka Sorkar Bilat ka la lum brew (recruit) haduh 2000 ki Khasi ban leit trei kam ha kaba moramot ia ki surok bad kiwei kiwei de ki kam. Ia kane ka kynhun Khasi la long nongialam da U B.C. Allen, I.C.S., Chief Secretary to Govt. of Assam ha ka kyrdan Lt Colone' namar ba u long uba la nang ban kren Khasi. Hapoh jong u pat don ruh ki Asstt, Commandant 2 ngut, kita ki long u Capt. Black, & U Capt. Fox, bad hapoh kine pat don 4 ngut ki officer kita ki long U Rev D.S. Davies uba la leit na ka bynta ba bun ki Khasi Khristan, Uwei pat ym tip kyrteng, uwei pat u Wilkins, Inspector of Schools, Surma Valley & Hill Dists bad uwei usaheb Bakisha U Gibbons. Katei ka kynhun ka ia long ar bynta, shi hajar hapoh uwei u Asst. Comdt. bad baroh ar kynhun ki long hapoh u Commandant

Ka tulop kiba leit France ka long Rs. 100/- ia u Headman, Rs. 50/- Asst Headman, Rs. 75/- ia ki Interpreter, Rs. 35/- ia ki Mate kiba long halor ki 30 ngut ki labourer bad ia ki lobourer pat Rs. 30/- kata ka long halor ka bam ka dih ka jain s'opti.s'optat.

(2) Te ban lum ia kitei ki 2000 ki Syiem, Daloi, Lyngdoh bad Sirdar ki la hap ban ai buskit ia man la u briew Rs. 200/-. Kumta ki la shu plie noh da ka kam lakhalai saw kynda dei kata kaba la lah ban pynioh briew kham kloi. Ha kata ka por la poi ki briew kylleng ka ri Khasi ban ia ai kyrteng ban leit France. Don pat de na ki khynnah skul ruh kiba ia leit enrole ialade khlem ka jingtip kiba ha iing. Haduh ba ki kmie ki kpa ki la ia leit kyrpad ia i Rai Bahadur Ropmay bad Rai Sahib Hormurai ban la rap ba kin lait noh Ki la lait tang da kaba ki hap ban ai briew pat da uwei ha ka jaka jong ki. Hapdeng kane ka kynrum kynram ia wad briew, don pat sa ki Agent iadie/ iathied briew namar ki ioh commission na baroh arliang. La i ku'mar haduh katta katta ka surok Mawkhar shaduh lewduh.

(3) Ynda la biang ki 2000 ngut la pynshong la ki ha ki len shipai namar ym don shipai shuh ba ki leit sha thma baroh. Hangta ki ialeh shipai hi da kaba laid sam-tari (guard) bah la ka diengthlieh bad mai ia ki dkhar kat kiba wan laid na len.

(4) Ynda ki la wan phai noh sha shnong U Sir Nicholas Beatson Bell uba long Chief Commissioner of Assam ula pyn'ong ka jingkren ha khlieh lewduh bad ula kren kumne "Ba naduh mynta baroh ki kam kin shu sah temporary bad yn ai tang ia kito kiba leit thma". Na ka bynta kata ka Sorkar ka da thaw kawei ka kot kaba ki thoh kyrteng kiba leit thma kaba ki ong "List of War Candidate," mano mano ba leit apply kam kata kida peit na kata ka kot la don kyrteng ne em ha kata ka kot

(5) Ka jingmyntol ha kaba leit thma ka long kumne:- Uno uno uba dang pule class IX yn khein ba u la pule class X bad kumta ter ter, kum kane ka nuksa ba ha ka, por ba i bah Boren (Mr. B. Sware) i dang ialeh examine ia ka Matric don noh kawei ka subject kaba paw shabar. (leak out) kumta la ioh shong biang ynda la long examine kaba arsien, la i ruh la khein ba ila pass Matric. sa kawei ka nuksa ha kaba i bah Bro (Mr. B.M. Roy) i leit thma

sha Mesopotamia bad ynda i wan ka lait ka kam E.A.C. kumta ia i ruh la shu thung noh beik beik khlem da dor shuh ka interview.

(6) Ba ynda ki la ia poi sha France la ioh khana na ki briew hangne ha Sor ba la don ki saheb Missionary na Wales ruh ki la leit iasoh bad ka kynhun ki Khasi ha France, hynrei ia kane i Bah Boren pat i ong bym don ei ei kaba kum kata. Bad la ong ruh ba na ka bynta ka jingleh bein u saheb Allen ia ki Khasi ha France bad ynda la report sha ki bor kiba haneng, ia u la pynkynriah noh bad u la wan phet noh shone sha Shillong bad leit long Commissioner Assam Valley Division. I Bah Boren i ong kumne :- "Ynda ia poi ha France, ka party u Capt Black kaba la poi shuwa bad u la pan sha ki bor kiba haneng ban supply da ki jain syaid kum ki uniform bad blanket bad sngewmat hadien ba la wan jngoh la ai da ki jain syaid, bad kumta ruh ynda poi ka party u Capt Fox, ha kaba u saheb B C. Allen u la wan ryngkat, sngewmat ka la don kaei ba ki higher authority na Military ki condemned ia ka treatment ia ki labourers, um iadei jingmut u sa wan phai noh."

(7) Ha ka por ba ki dang iadon hangne u saheb Allen uju pynshitom eh ia ka party ki Khadsawphra namar ki long ki briew ki bym ju kohnguh iano iano ruh ia kiba halor jong ki Kumta ynda haba ki la mih nangne baroh ki lynter lynti kat haduh ban da poi sha Bombay u phah da ka party jong ki kum ka jingpynshitom ia ki haman ki kam kiba eh (fatigue duty)

(8) I bah Boren i ong "ba ka jingtur jubor u German baroh ngi la hap ban retreat sha Amiens, ngi ieh-noh la ki tiar baroh, kum ki star ba iarah na shane bad ngim ju pyndonkam ei ei, ki shovel, jumper etc. la supply da ka Military. Kine baroh la iehnoh. Bad nangta ngi wan noh sha Marseilles ban wan phai."

(9) Ynda haba ki la wan phai noh ka balang Maw-khar ka la khot jingiasong ia ki bad bun ki la la wan

lang bad u saheb Davies ha ka riam Military officer, bad haba u ieng ha ka Pulpit da itynnad shisha ia u la u cross belt bad ki star ha tyrceng. Kumta u la kren bad ong kumne "ba katto ngi ia don ha France hynrei ngim ju loh ktien ei ei ba ka ba'ang Mawkhar kan phah kum ka jingkyrmaw bad sngewlem ia ngi" dei kine ki ktien jong u kiba la pyndiaw ia ki rangbah Balang Mawkhar bad ia u saheb Ceredig ki da ia dem la ki khlieh la kata ka jingleh bakla jong ki.

(10) Ka don sa kawei ka jingmyntoi ia kiba la loh kam permanent. Lada ki dang loh katto katne snem ia ki increment, don kiba loh syndon ka maximum pay.

Kiba leit Mesopotamia

(1) Na ka bynta ka speech u Beatsonbell ha lewduh, ngi ki Khasi baroh kiba dang iatrei kam temporary bad kiba dang ia sdang wad kam la iaduh jingkyrmen, kumta ngi la ia leit enrol noh ialade ban leit thma bad ngi iadon shibun bad kiba la trei kam ruh ki ia leit. Ka tulop ka long ka bym da heh ka long naduh Rs 100/-, Rs. 75/- bad Rs. 40/ tangba ka long hi halor ka bam ka dih ka jain ka nep.

(2) Hadien jong ngi ruh bun bun kiba ia apply leit thma ka Sorkar ka la recruit bad phah shuwa ban leit training sha Madras kaba ki khot kyrteng "Overseas Training School," St Thomas Mount, Saidapet, Madras Ynda la train ia ki 6 bnai ki sa leit sha Mespot. Ka tulop ka long Rs. 80/- bad ka agreement ka long 2 snem.

**Ka jinglong ka shnong Mesopotamia kumba ki
ong ha kata ka por**

Ka long ka shnong kaba shit haduh kata ketta, ka syep ka shu mih khlem sangeh, dih um baroh shi angi, ngim lah satia ban leit shang kai shano shano ruh

hapoh ka Military laít tang ha ki jaka ba shong ki para lok kata ruh dei ban loh da ka pass na u Officer Ka por trei pat ruh ka long naduh 5 baje mynstep haduh 11 baje, bad wan noh sha camp bad thiah haduh 3 baje bad leit biang sha jingtrei haduh 5 baje. Ka jingshit ka kot naduh 18 haduh 20 digri man la ka sngi. Ha kito ki por ki briew ki long kiba duk hapoh ka jingsynshar u Sultan of Turkey bad mynta naduh ba ki la laít ki Phareng bad ki America ki la tih umphniang ki la long kiba riewspah bha.

Ka jingleit jingwan na Sohra & Jowai shane sha Laban (Shillong) ha ki por bym pat don motor ne kali kulai.

Mynnor ha ki por bym pat don kali ne motor kata ki briew baroh ki shu laid da ki kjat bad leit bad wan. Ngi ki khynnah skul na sohra ruh ngi shu laid bad ju poi hi dang shai. Tang kito ki bym pat lah ban laid lane kiba pang ba jhia la shu pynkit da ka khoh kit briew. Ki saheb ruh haba ki leit jingleit sha jngai ki shu phah kit. Kiba la san la rangbah lei lei ym ba ki shu lah ban laid hynrei ki da kit bad la ka jingkit bad ki briew na Jowai lei lei bun ba ki shu her thop shí thop.

Ha kata ka por ia ka dak ruh kit hi da ki briew na Sohra na Jowai bad na sha Gauhati ruh kumjuh. Ki da rah bad la u sum ba ki teh bad ka shakurlaw, kumta ki tang shu poi hangno hangno ki khynnah ki la sngewthuh ba dei ki kit dak ki lawan bad ia pyrta artad "ko dak, dak katno baje dak". bad kane ka jingpyrta manla ka por ki nongkit dak ki da bitar bad kren ki ktien kiba sniew. Te hynrei don uwei u rangbah uba kyrteng U Raibon uba ju kren pyndom khnang ia ki dak, haba ula lohsgew ba kila wan wat na ka pliang bam ja ruh u iehnoh ban wan kylli ia ki dak "ko dak katno baje lieh," kumta ki la tim la mai

da ki ktien snlew hynrei u nang kylli pa kylji kat haduh ba kin da palat bad u sa leit bam ja pat. Ia kane ia iathuh ia nga da I Bah Red (Rash mohon Roy) ba utei u Raiboh Singh u long u briew uba sngewbha ban kren ki ktien kiba pyndom ia ki dak. Bad ha kito ki por kine ki rangbah Khasi jong ngi ki long ki briew kiba dap tang da ka biria bad kiba sngewbha ban ri slm jalyeit ban pyniapah, ri sylvan ban pyniapuh ki da leit thied ruh ki syiar khlain satar ban iapuh bad ka pyniatur masi lei leit kata ki da shong snli.

Ha kito ki por ki saheb haba ki leit ki wan sha Sohra Jowai ne shano shano ki phah ia ki Syiem ban ai nongkit. Kumta ki Syiem ki la wad nongkit bad wan bad ki pulit bad kata ka jingleit kit nong ka long "ka kem bikar." Ki nongwei pat kiba don ha Sohra ki tang shu tip ban sa kem ia ki, ki la ia phet tu' shane bad shatai bad ki police bad ki briew Syiem ki tang shu iohi ki la iabeh ia ki. Ki bapli ki nongwei kiba don ha Sohra ki la ia her da kaba prat ia ka kper ki briew bad her shapoh kharai, kumta win sa ki sniang bad ki syiar, don uba hap noh ka kombor ne ka jainkup lane u star haduh ba ka long kawei ka tamasa ha Sohra haba wan kem bikar nongkit. Ha ka iingshisha ka sorkar kum ju siew bein ia ki ka ai hi ka dor kaba biang bad ka iingkhia ka jingkit ruh kam da long eh kaba khia, tangba ki shu tieng 'a ka tieng hi.

Haba mynta pat haba nga ong ia ki khyannah samla kumne 'ha ki por shong skul jong ngi, ngi shu laid da ka khat naduh Sohra shaduh shane sha Laban' ki peit lyng-nogh pynban bad ong "da kumno ba phi lah ban laid naduh Sohra shaduh shane?". Ka juk kylla mynta pat ban leit sha lewduh na Jaiaw ruh ynda shong da ka Bus.

Ki Club Khasi ba ialehkai Tihatar shuwa ban wan ki Cinema

Ha ki por mynshuwa bym pat don Cinema la don artylli ki Club kiba ialehkai tihatar (theatre), kawei (1) Ka Seng Khasi Club bad (2) Ka Native Club. Kine ki club baroh artylli ki ju ialeh kai drama bun na ki jingiathuh

khana puriskam ki por hyndai. Kine ki club Khasi bad jong ki dkhar ki ju ia kop kawel la kawel pat. Ka dor ba ki shim ha kata ka por ka long tang As-/4/- 3rd class, As. /8/- second class bad Re. 1/- 1st class.

Ki Khasi haba ki ialeh kai ki ia kren hi da ka ktien Khasi hynrei haba ki kren pat ki bud ia ki sur kreri ki dkhar, ka riam ialehkai ruh ki riam kum ki syiem dkhar.

Hadien katto katne snem pat la wan uwei u dkhar uba kyrteng U Tarafdar u wallam ka kor bioscope kaba u thang da ka carbide ka bym pat kren ei ei tangba ki jing-leh bad jingkhiih ki long kiba la itynnad hi khamtam ha kito ki por bym pat ju iohl. U shim tang As. /4/- ba ia leit u khun bynriew manla ka sngi.

Hadien kata pat ha ka porthma kaba nyngkong la wan rah ia ka kor (machine) ba pyni da ka bor electric tangba ym pat don jingren ei ei, hynrei ki dur ki dar bad ki rong ki long kiba itynnad bha. la kane ka cinema la wallam da uwei u saheb uba ki ong U Mr. Barrow, ryngkat bad U Unger uba long u operator jong kata ka machine. Bad ynda U Mr. Barrow u leitnoh usa shimti noh da u Mr. Unger hi bad pyni ha Quinton Hall bad hadien sa kynriah ha kaba mynta ka Kelvin Cinema. Ka dor ka long tang As - /4/- 3rd class, As- /8/- 2nd class. Re. 1/- 1st class. Suk kynjai haba leit pelt kai, thied ticket ruh ym don ka jingia knieh. ym don ka huri-hura ka kaw-kaw. daw-daw ban ia kyndat briew haba rung ruh. Hynrei ka jinglong ki cinema mynta pat te kaba la i saitmet ban peit ba ia knieh ticket ki briew sada kaba ia kiew uwei halor uwei pat.

Hadien bad khadduh eh sa wan mih ka bioscope kren briew (talkie) ha kaba ia leit peit kai nyngkong eh dei U Maurice Chevalier ba u act kum u kongor ia ka Siem bad ka kyrteng ka Film ka dei "Love Parade."

Ka Shad Suk Mynsiem

(Katei ka Shad Suk Mynsiem kaba ngi ong mynta, mynnyngkong eh ka dei ka jingpynshad sngewbha ki rangbah Mawkhar. Kita ki long i Babu Mohon Masar, Babu Sujin Roy Nongkynrlh, i Batu Jitral, i Babu Kynrem, Babu Chandra Nath Roy jaid Dkhar bad bun kiwei kiwei de. Ki ju pynshad ruh ha phyllaw iing i Babu Mohon Masar (mynta iing i Wen jaid Kharkrang). Ynda la dep ka jingshad ki khynnah ki ju sam da u shira bad ha kata ka por ki khot kyrteng ka "Shad Sam Shira.")

(Hadien katto katne snem pat sa shimti noh da ki Rangbah Seng Khasi bad ki sa leit pynlong ka jingshad sha Madan Weiking bad ha kata ka por ki ong ka "Shad Weiking." Khatduh ki Rangbah kisa ia jer kyrteng noh, "Ka Shad Suk Mynsiem.")

(Kane ka Shad Suk Mynsiem kam da dei eh ka shad niam kumba long ka Shad Nongkrem. Ka dei ka jingai-nguh ia U Blei Trai Kynrad ia kiei kiei baroh kiba U la ai baroh shi snem. Lada ym don jingnia haba leit shad sha Madan Weiking hynrei ka don ka jingduwai jingkyrpad shuwa ban mih na iing Seng Khasi.)

Ha ki snem ba mynshuwa ki nongshad kynth-i bad shynrang ki long kiba la san la rangbah bha (Ki Rangbah kiba tang ka main ka dur ka dar, ka ryenieng rynniet kaba da i kat ki Rangbah nongshad. Ki Rangbah nongshad ki ker pyllun ia ka lypung Weiking baroh kawei bad ki kynthei pat ruh dap ka madan main. Ki briew kiba wan shad bad wan peit kai ruh ki dei kiba na ki shnong kiba na sha jngai bah. Ban peit ia ka shad mynta te ym iadei shuh bad kaba mynshuwa.)

Ki kali ring Phan da ki briew

Katba nga kynmaw ma nga ba ha ki snem 1912-16 la wan poi ki kali ringphan ba shna ki nong Mawphlang kiba shu ring da ki briew naduh Lad Mawphlang haduh

Sohra. Ki nongring kali ki long 4 ngut, 2 ngut na khmat bad 2 ngut nadien. Ki para lok jong nga kiba ia 'eit ring phan ki long Ma nga M. Doonai, U Prio Ch. Roy, (dei u kpa i Dr. Orient), U Molishon Djengdoh bad U Sirorai Kharshiing. Ka bainong kit shi busta ka long -/8/-, -/10/-teng teng ka kiew dor haduh -/12/-. Shi byrni u phan um duna ia ka ar mon. Ngi kit ha ka kali 9 busta. Manla uwei u briew u ioh ha ka dor 2 busta bad shi busta pat na ka bynta u trai kali.

Ngi ju ia mih na Sohra la dang miet bad dang dum kumba 12 ne 1 baje ei ei bad wan kynjat shai ha Lad Mawphlang ynda la mih ka sngi Tang shu poi ngi ia thep phan shuwa bad ynda la dep sa ia kyntiew halor ka kali. Ynda la ia 'shongthait shi por ar por bad dih duma/sikret ngi sa ia mih noh.

Haba ring ia ka kali, ha madan suk kynjai, hyn-rei haba pynnoh'lane haba kiew thiep ka long ka jing-trei kaba da shitom than. Kiba na khmat ki hap ban kyndang/khalah da ki lybong ia u dieng bom. Kiba nadien pat ki hap ban kyntur da ka khlieh kumba tur u masi ki sa ong "ki masi bordi khlem tdong". Kiba na khmat haba pynnoh ki dei ban kyrshan ia ka kali ba kan ym her stet bad kiba nadien pat ki dei ban ring patan da u tyllai ban pyniaid suki ia ka kali (kumba bat brake) kata haba dei ki surok kiba ky'la n bad sharing ki bym long ban her stet. Ha ka surok kaba pynnoh pat bad ba beit kata la pylait ba kan her stet. Bad kiba nadien ki shu snoh na ka kali bad kiba na khmat pat ki shu bat beit ia u dieng pyng-kiang (dieng bom).

Naduh Lad Mawphlang haduh Sohra don lai tylli ki thiep surok kiba shitom eh. (1) u thiep Nongshiliang. (2) u thiep Laitryngew bad (3) u thiep Surok Siem Sohra. Ynda la poi ha Laitryngew ngi ia ia sangeh ban shong-thait ba ki don ki basa die sha. Ynda la ia lah dih sha pura haduh ba ka dor bai sha ka la jan palat shiteng u bainong kit. Na ka bynta kane ki ong "kama kulai bam hati."

Ynda poi ha Sohra kata la dei sa ban leit buh ia u phan sha ling u trai nongthjed phan. Don ki ling kiba hajen kata la kham suk hynrei don pat kiba kham jngai bad dei kiew thiep ka long kaba shitom bad sngew kum ban dkut sa u syngkai.

Ha ka por ba leit sha Lad Mawphiang pat ruh dei ha ka por u lapbah lapsan, tap tang da ki shata bad kup da ka byrni na ka met bad ynda la her la ka her ym iohsngew jingkhrlat ei ei. Ynda haba poi lei lei ha ki thiep bad haba la ia kyrshan bha sia bad la khluut lew mih sa ka tdem na ki met ki phad.

Ynda ngi la poi ha Sohra ma nga ba nga dang leit skul nga la khreh bam ja bad phong sopti sa leit skul sha Nongsawlia tangba ka jingthait te ka long kaba da jur haduh ba shoh samthiah hapoh skul.

Kane ka kam ring ka'i ka long ka kam kaba tohmet bad sniew ia ki met ki briew bun bun kiba la loh sa ka pang lait sohpel. Hadien kine ki kali ring briew sa wan mih ki kali kulai ki nong Mylliem. Ynda nga la wan shong skul shane sha Laben ngi ju ia her haba leit shnong ban kem ia ki kali Mylliem namar ki shim tang -/4/- tang loh bai phiang.

Ka jingiasiat khnam ha ki por mynshuwa

Ngan kham batai bha ia ka jingiasiat sha ki thain Sohra bad ki shnonq kiba kham jan kata ka Laitryngew, Mawmluh, Mawsmat bad ki shnong kyndong marjan ia ka Shnong Sohra.

Ka jingiasiat ka long ka kam ialeh sngewbha ki briew naduh hyndai hynthai kaba pyinkwah ban leit ym tang ki rangbab hynrei ki kynthei ki khynnah ki da ia riam ia beit bad shongkai bad sngap la ki ktien phawar lasiat.

Ka jinglasiat ki Sohra bad ki Laitryngew ka long kaba
sngewtynnad, Nga ruh ha kito ki por ba nga la don ka
ryta 8/10 snem ei ei nga ju leit lasiat.

Ki Sohra bad ki Laitryngew ki ju ia siat ha madan
Umstew pdeng jaka Sohra bad Laitryngew. Ynda haba
ki la ia poi baroh arliang ki la ia shong ban lasiat kumta
baroh arliang ki la ia shad bad ka pynshit artad ia la ka
liang ka liang. Ki sohra ki long kiba kham nang bha ban
phawar ia siat. Kine harum ki long ki ktien phawar.

Tang mar ia sdang ki Sohra ki la dei khnam bad mar
kumta ki la phawar kumne :—

Wei la ia poi tiap ka ler ler ym nang iehshuh.

Yn la rain balei la i 'tien ia lur pyrshah.

Pi-lam na i syngkai ho kitik naba si miej.

Thoh shithi la kait ba un pule u moina long.

Sohra u Laitryngew ia markhap ka ding ka um.

Sohra u Laitryngew ia kynduh para riew rim.

Sohra u Laitryngew ka jaid pa ka jaid.

Kynduh ha Um-si-tew ngin ia phiang ngin ia khylliap.

Ki pynrem ia ki Lait-
ryngew ba ki tih

dewiong ki ong :—

Ak-iw-shi kumba mih na krem myr-
siang.

Ar ana dieng iap phi wantynjuh ia ka
khabah.

la ki Mawmluh pat
ba bun ki Tariang

heh tmain ki ong
kumne :—

Ther ynda lut maintari ba shong
wahbah.

Leit die ki kharang pyod ba pynpiam
da u lakod.

Lada phi kiew sha lom ngin pynhiar
pat sha wahdoid.

Ko, ko, ko, jarako ba shong wah bah.

Ki Sohra pynroh ia
lade pat ki ong :—

Khadar kur khadar myntri la ka nam
la ka burom,

La ka nam la ka burom la u soh la u
syntiew.

Bungli-bung kawei kum u ngap ba
shi sympa.

Ynda ki shahrem ha ki Laitryngew pat ki sin kumne :—

Sohra ba don burom hang rynghang haei kumne.

Sohra ba don burom shi rati ruh ym rati. Khadar kur khadar myntri khadar kur khadar diengbong.

Ia ki Saitsohpen, (Dukan) & Mawsmal pat ki ong :-

Ki dab Sorkari ngjn pynban da u dana.

Ki dab Municipal deng ticket ha ka ryngdang.

Ki Sohra haba ki ... Shu jik jik jak jak kum ki shohthah peit ia liang shah ba dem lakait.
jop ba ki ia sngap jar
ki ong :—

Kumjuh ruh sha ki thain Nongkrem, Myllem bad shawei shawei ki long kumjuh hi ki don la ki rukom shad bad phawar kiba sngewtynnad hi kumjuh. Kum kine harum khyndiat :—

Saphap ki jing saphap kum ka 'nieh tyrkhong masel.

Ngin ia phai wek ngin pynkhih khohwah tyngkuld.

Kum ia phu kinu ngan pynbam da u alu.

Thed, thed, thed, ka lakre sukha ryng-e

Wew, wew, wew u kule la noh sha weh

Ia ka rukom shad ki Sohra ngam tip la kiwei pat ki shnong ki nang ne em ban shad badkata ka long kumne:—

Ynda haba kila ioh jubab na ki nongkhein khnam ba ki la tam, kumta buk ieng u paitbah ban iashad bad ki ia-khlel lanc wai lwai bad ki shad pyl un shuwa bad ia tied ding ryntieh artad. Hadien kata ki sa la pynpait arbynta. Kawei ka kynhun ka phai sha Mihngi bad kawei pat sha Sepngi bad la ki jong ki jong ki jingphawar ki sa wan phai kylla bad pynkut la ki jingphawar bad baroh arkynhun ki sa ia kynhoi artad "kiw" bad ka tied dieng ryntieh. Ki jingphawar ki long kiba sngewtynnad bad sngewthiang ba ki kynthei khynnah ki ia sngap kai.

Ka jingiasiat khnam ha Jaintia (Jowai)

Ka jingiasiat khnam ha Jowai pat ka don ka jingla-pher ha ki rukom siat bad shad phawar. Ki don ar rukom siat khnam kawei da ki khnam hali bad kawei pat da kaba shu buh lang ia ki khnam bad siat tang da ki 2/3 ngut ki brielw. Ma ngi shane haba ngi siat ngi wiat ia u sai siej haduh ban da poi ka kti na ka shkor, hynrei ki Jowai pat ki wiat ia u saisiej tang ha shadem. Ka rukom shad ki shu ia shad pyllun. Haba ki ia pynrem ia ka liang ba rem ruh da ki ktien pyrshah ia ki khamtam ia u nongkam iasiat ki leit shad haduh jan iing jong u bad sin katba mon. Ki brielw kiba ia siat bad lang bad ki nongpeit kai ruh ki lum pyllun ia ka jaka ia siat kumba lum peit kai ha ki stadium namarki ring ia u saisiej tang ha ka shadem. Shane sha ki Khasi pat ym don ba nud ban peit kai pyrshah ia ka skum. Ha ka tim lasiat ma ngi shane ngim ju sin da ka-kyrteng hynrei da ki ktien pharshi bad da ki kam. Kum kane kawel ngan pynl :— Ha ka por ba ki Sohra ki pynieng nongkam iasiat ia iwei i brielw ha Sohra iba kyrteng i Nihon iba long bania bad ynda rem ki Sohra ki Laitryngew ki pynrem kumne:— “Yn leh pat de kumno haba ka khein ka nap bania,” tang kumta la sngewthuh hi dei iano. Ki Jowai ki ju pyndonkam ia kine ki ktien tang shu poi ha madan iasiat “Ha-ham ne Moina u pyrkhut sadu bamja” ka mut aiu haba ki ong kumta ngam tip.

Naduh mynno ka wan mih kane ka iasiat thoh tim (TEAM)

Ha ka thma kaba nyngkong ka Sorkar Phareng ka la pynlong bun rukom ki ialehkai ban pynmih pisa na ka bynta ka thma, bun ki rukom ialeh kai bad ia ka iasiat ruh ki la ialeh ha ka rukom ialeh football bad mania ka sngi ki ialeh haduh ba ki brielw ki la ia brai bad ka kylla noh

sha ka jingiakhelai haduh ba ka da long kumne. Ym don shuh ka shad ka kmen sngewbha kum ka laleh lasiat kaba mynshuwa hynrei la lap mlet tang kata ka thoh tim. Ka long ka kam kaba da isaltmet katta katta haduh ba da ki briew kiba don kyrdan ruh ki ia shlm bynta ha kane ka kam iakhelai thoh tim. Ka long shisha ka jingim ia ki briew kiba ia im sngi tang la ka thoh tim ka ban shaniah tang ha kita ki jingphoh sniew.

Ka jingleit beh khiat bad phawar ha Sohra

1. Ki Rangbah ha Sohra ki ju felt beh khiat sha ki khlaw shapoh riat poh ram kiba itieng ban leit tur, kham-tam lei lei kito ki bym pat ju leit. Ka jaka shong ka khiat ruh dei shapoh riat poh ram ki jaka ba don bun ki maw ramsong. Ki ialam bad ki ksew kiba la hikai (trained) ha ka jingbeh mrad. Ynda haba ki la ia poi ha lum bad edang ban leit ia ap ktem ki la ia bynta la ki jaka jaka ban ap bad la buh de 3/4 ngut ki ban leit ai ksew. Ki nongai ksew ki dei ban long ki briew kiba la m'ien bha ha ka kam beh mrad namar ki dei ban ia her ryngkat ryngkat bad ki ksew bad ka kynku-kynham artad. Haba ki ksew ki la lap dien ia ka khiat kata ki la pah "hiak-hiak" bad kumta ki nongai ksew ki la sngewthuh ba ka khiat ka la khie. Kumta bad ka her bad ka kynku artad ki da ong "sumar-sumar" ia ki nongap ktem. Ki nongap ktem ruh ynda haba kila ioh-sngew ia kitei ki ktien ki la ia pynkhreh la ki suloi ne khnam ryntieh ban siat ka tang shu leit mih ha uno ma uno u nongap ktem. Bad uno uno uba ioh siat ia ka khiat bad uno uno uba pynbud siat ne wat kawang tang da u maw ruh kata u la long u nongsiat uba ar bad ia kata ki ong "u nongban talba."

2. Haba ka khiat ka la khie bad haba ka her ka jing-sawa ka riat ka ram la sngew kum ban twa lut. Don teng teng ki bym pat ju leit beh mrad. Haduh ba kim nud shuh wat ban siat, ki phet noh pynban.

3. Ka don kawei ka jaka kaba ki ong ka "tem kynjat" shaplang ki riat Mawsmat. Ki ong ba don ha ka jaka ba iaid ka khiat kaba long ki op ba ker baroh arliang, u nong ap u shu shong beik bad pynskhem la ki kiat bad ka tang shu poi u shu kynjat kata ka la hap shapoh riat, ym da donkam ban da siat da ka su'oi.

4. Ynda haba ki la loh ia ka khiat ki wallam sha shnong bad ki buh sha rudnong sha khlaw kyntang bad ki ia ap bad peit baroh shi miet. Ynda mynstep ki sa shna ka rynsan bad pyndem ia ka khiat halor kata ka rynsan bad da kyllan umphniang ban phyrnai bad ia ka shyn-tur p'et ki da pynang bad suh da u dieng ba kan ang.

5. 'Nangta ki sa bah ia ka shapoh shnong ki ia iaid bad risa kynhoi bad ki kham pyndon ia kine ki ktien "te langhai, 'langha', te langhai kama lang'hai" Ki sdang naduh kh'ieh shnong shaduh kiat shnong.

6. Ha ka jingphawar ki don arn'ut ki nongphawar uwei nadien uwei p'et na khmat bad ki pyndonkam ki ktien ia said nia kum ki p'leader ha ling Kashari. U nongmih-khmat ia ki briew u ong "balei ba phi wan iuh roit sha ka jaka ri lum jong ngi" bad u nongmih khmat ka khiat pat u ong ' balei ba phin da than si katne katne ia ba nga shu wan tang ban bam phlang ri lum " u nong mihkhmat ki briew pat u ong "balei ba pham-bam la u khah la u nor sha ri thor" Kumta ter shi ter ki ia said nia bad khad-duh ki pynkut ha kaba pynrem ia ka khiat. Kum kato ka ka iingwai ne phawar ba ki pynrwai radio "Ka Sier Lapalang "

7. Ynda la miet ki leit rah sha ling u nongsiat bad hangta ki sa ia ot ia pynkhuid ia ka bad iasam kyndang mar shi kyndang. U don uwei u kyndang u bym don doh ei ei bad ynda la lah sam u nongsam u kylli une pat u "jongno" bad baroh ki ia rkhe shaid bad ong u dei u "kyndang kwah", Kumta ki sa ai ia ka tyrpeng u nong-ban talba bad ki ia bam ia dih bad pra noh artad.

Ka riam ka beit ki Khasi, kynthei bad shynrang ha ki por mynshuwa

1. Ki kynthei Khasi kim ju mih shabar khlem da don ka tapmohkhlieh bad ka jainkup bad ha iing pat la ka kyrshah. Ki sopti sopjat ruh ki long-kiba jynsur bha kiba tap haduh neng matsohlah katba da ong "sopti jynsur." Ym ju lah ban iohi ia ka khohwah ki kynthei Khasi. Ka kh'ieh ruh ki shu sad beit bad khyllong beit ia u shniuh. Ka long shisha ka riam kaba da iarah u dkhar u lyngkien ba ka long kaba donburom don akor. Ha kata ka por (E B. & Assam) ym dei tang ki Khasi hynrei ki mem Bi'at ruh ka riam ka beit jong ki kumjuh ne kham palat. Ki frock jong ki ki da sar haduh khyndew bad kim lah ban iaid khlem da bat da ka kti ia ki frock jong ki Ki sopti ruh ki da sop naduh ki ryndang kti haduh u pdot ryndang, um lah ban iohi ei ei ruh. Hynrei ka riam ki mem mynta pat la i noh kum ki bym don pisa ban thieh jain, la ki sopti shiteng lbong bad lait lut ka shadem baroh. Mynta lei lei la mih sa kito ki riam "Mini skirt" kiba imat tang ban kam iaid lynti ruh ym lah shuh ban tam el ei na khyndew, ban kiew ha Bus ruh la i shitom Tang kawer ba ki Khasi kim pat nud ban phong skirt kiba haneng khoh-siew. Ki la ia tyrneng mem/saheb haduh mynta wat ia ka jainkup ruh kim ia kup shuh bad ia ki tapmohkhlieh ruh ki la shu ia tawah tyrpeng kumba tawah jainkup ryndia ki rangbah Khasi. Mynta imat ki la ia bud sa ia ka riam Mizo.

2. Ka riam ki rangbah Khasi pat ka shu sah kumto laka coat/patlun bad teh necktie Mynshuwa ki collar (stiff) kiba eh bad i kumba da shna da ka bniat hati. Kiba kham lyngkot ryndang lei lei la i shitom ban phai sha kadiang/kamon Kito ki babu kiba kham loh tulop heh, ki leit office mynstep bad phong ka white helmet bad ynda ki la wan janmlet pat sa da ki felt hat ba la wallam ki khynnah wan ai sha (tiffin boy) bad la ki diengduh (walking stick).

3. (a) Ka riam ka beit ha ka por E. A. & Assam lei lei kaba la thaba hi shaid katno ba riam ba beit u khun Khasi hangne ha Sor. Janriet lada phin iaid kai ha surok Mawkhar shu thaba tang ia ki rong ki rup ba phong ki Khasi.

(b) Shi por pat la wan mih ka dur sopti coat ba wallam ki saheb kaba ki ong ka "Hunting Coat" kaba ki suh ha France kaba da don da ki khilon shadien ka met kum ki khilon ba shna jingkieng u Hudson (Mr. Hudson) ha Sohra. Kumta ba ia bud suh ia kata ka dur sopti la jan baroh ki Khasi, tymmen, samla bad khyannah.

(k) Shipor pat wan mih ka jaid patlun kaba ki ong halfbargis kaba kylluid sathur bad pyndait harum ki khohsiew.

(d) Sa shi por pat wan mih sa ka patlun kaba ki ong ka "Jodhpur Breeches," kane pat ka khim naduh ka ka khohsiew haduh ki mat sohlah, ka heh pat ha ki lbong. Ka dei ka pat'un kaba ki pyndonkam ha ka leit siat mrad bad shong kulai, hynrei ma ngi ki Khasi pat la ia pyndonkam ia ka manla ka sngi, leit office, leit skul ne shano shano ruh pyndonkam da kane ka patlun.

(e) Sa shipor pat haba dang jur bha ka jingialehkai football baroh baroh la ia pyndonkam da ka patlun lyngkot, leit skul, leit lum ne iaid hapoh shnong ruh la ka patlun lyngkot. Mynta pat la kyn'ah jar ka phong patlun lyngkot bad sngew lehrain ruh ban phong ia ka, sa tang ki khyannah samla kiba ialeh football.

(g) Shipor pat la mih ki pat'un kum ki p'ipe ring um kum ka patlun ki dkhar ai dud (goala) kaba ia syriem ia katei ka patlun Jodhpur.

(ng) Mynta la mih sa ki jaid pat'un kiba jrong bad heh bha sakther na sha k'at bad kiba da thoh rong de bad haba iaid ki da sar sa ia ka khyndew la i kum ki 'lar sopjat.

Ka riam ki khynnah skul Calcutta

Ha ki por mynshuwa ki khynnah Khasi kiba leit shong skul sha Calcutta ki da ia riam kum ki uniform ki khynnah kynthei leit skul mynta. Kata ki dei ban phong da ki jain patlun kiba lieh, ka coat pat da ka navy blue bad ka tupia helmet kaba lieh bad laid talain dieng-duh (wa'king stick) ha surok Mawkhhar. Tang shu iohi ia uno uno u khynnah samla uba riam kumtei kata la tip ba u dei u khynnah skul Calcutta.

... ..

Ka riam ka beit ki Khasi mynshuwa kata ki rangbah, ki riam da ki sopti khlem pyllait ryndang, la ka jainspong, ka boh khaila. Hynrei mynta ki Khasi kim don jain-spong shuh ba kat uba la nang la stad um treh shuh ban spong. Ka tupia ruh mynta ka la duh ha ngi ki Khasi la shu ia laid lyndum mynmiet ne mynsngi ruh ym don jingtap khlieh ei ei shuh.

Ka jingiapher ki dor ki mur ha ka por mynshuwa bad mynta

1. Ha ka por ba nga dang khynnah kumba 10-11 snem kata ha ki snem 1908-09. Kiei kiei baroh kiba tad suda, ka jain ka nep ka bam ka dih bad kiwei kiwei de. Ha kata ka por haba don ba ai pisa tang shi pisa ar pisa kata ka jingkmien ka long kumba don ba ai mynta shi tyngka ar tyngka. Teng teng haba ma nga bad U Prio Ch. Roy (u kpa I Dr. (Miss) O. Roy) ngi tang shu la ioh pisa mulot (kane ka dei ka pisa ba wallam ka East India Company) ka bym leit dor shuh, ngi la ia leit thied shira na lewhat shi pisa bad ong ban pynduna noh khyndiat ai noh bad ka mithai, ngi la leit ynda la prem dum ba ki nongdie sohphlang ne riwehadem kin ym ithuh dei ka pisa aiu. Dei kane ka mulot ba ki ong ka "mulot leit

shaia." Kumta ruh ia ki briew kiba la tymmen ki ju ong "ki mulot leit shaia." Lada thied shira ar pisa kata la kdang bha ban la bam arngut.

2. Ka dohkha bah kaba heh ka dang shongdor tang Re. 1/- bad Re. 1/4/, 1/8/ ei ei lehse kan ia ryngkat bad ka khabah kaba mynta Rs. 12/- haduh Rs. 14/ Wat haduh ba kut ka thma bah kaba nyngkong ruh ki dor ki dang biang hi ym da rem eh. Ki juti shijur kiba la bit la biang ki dang long Rs. 5/- shi jur lehse kin ia ryngkat bad ki juti mynta kiba Rs. 15/- haduh Rs. 25/ shi jur. U napit pat ruh u shim 2 pisa. U bhisti rah um ruh u shim tang 2 pisa shi pla ka um kaba dap 2 khiewphiang, ym pat don kor um ban ring sha ki iing, don pateng pateng ha surok ki kor Municipal. Ki briew kiba trei sha Press (shapakhana) don kiba ioh tang Rs. 5/- ne Rs. 6/ kiba ki ju khot ha kito ki por "ki babu shi mon khaw " Tang Rs. 5/- ne Rs. 6/- ruh ki briew ki la khot bam bnai. Ki shakri Sorkar pat kiba 'a ioh naduh Rs. 15/- haduh Rs. 30/- kata ki 'a patuh paha ka bam ka dih ka jain ka nep bad pynshong skul la ki khun ki kti. Ki kynthei haba ki leit lew ki da kit da ka khoh bad la ka tap knup la ka khlieh. Kito kiba 'a kham non pisa ki 'a reh bai kiew Rs. 7/- ne Rs. 8/- kata ki la dei Lan da khot nongkit u ban leit on sha iing.

3. Hyndai don kawei ka jaid jain kaba ki ong "ka shit khyndai dabor" kaba Itynnad bad kaba bha had itynnad bad ki kynthei khynnah ki engewbha ia kata ka jain.

Ki khyndew ki jaka lei lei ki dang la't kyrhai bad ym don ba treh ban thied ne wat lada ai ci ruh ki ban ia shna iing shna sem ha Riatsamthiah, Umsohsun bad sha Ja-iaw ruh dang long kaba dap da ka sanium suda ka jak ba shong tang da ki myrsiang. Hynrei mynta pat khmih ba ieng ki iing paki iing dulan. Ha Riatsamthiah lei lei dap da u jyrmi uba thain ha ki dieng ha khlieh ri't uba wan shong sa ki ksuid tynjang, dang sen dang lah ben beh ia ki da kaba shu poin noh ia ki jyrmi baroh. Ka dor ki sikret ruh ki long kiba dang tad bha bad ju ia dih da u sikret uba kyrteng Colonial dor 3 pisa shi synduk u don 10 tylli. Ngi ju ia thied tang shi pisa 3 tylli nangta sa

wan poi ha kata ka por thma sa u sikret Navy Cut bad ka Ccompany khnang ban pynphriang ka khein dor tang As./12/- shi tin ka zig-zag pat As/2/- kawei bad ka jing-bang jingwibih ka tдем ruh kaba da sngew tynnad Myn-ta pat ka dor ka la nangkiew wat ka dor u Wi ls ruh Rs. 6/. shi packet. Lashai hadien katno kan kiew ka dor ki sikret ym lah ban ong

Ka jingrai mukotduma da kaba shu ia ngam um ha Sohra.

Hyndai la ju iathuhkhana da ki rangbah bad tymmen ba ha Sohra haba u Syiem bad ka Dorbar ki bishar kam bad shem ba baroh arliang mamla ki nia ki jutang ki ia ryngkat kumta ki la shu ia rai noh da ka ban shu leit ia ngam um. Kata ka ngam um nga tip ka don ar rukom bad ki long kine :—

(a) Ba ynda poi ha wah Pomsahmen ki thep hapoh u khiew shi song ka ksiar bad shi song ka rupa bad buh ia u khiew hapoh um, kumta ki nong ngam um na baroh arliang ki sa ia ngam bad ia sei ia kita ki song. Kat uba ioh ia ka ksiar kata la rai ba kata ka liang ka la jop. Uba ioh ia ka rupa pat la rai ka liang kaba rem.

(b) Kawei pat ki ong ba ki mamla ki ia buh mar uwei u nong ngam um bad ki sa ia ngam hapoh um, uta uba lah ban shong slem hapoh um kata u la ksan bad uta uba la mih noh kham kloi u la rem.

Ki ong ba ha kane ka rukom ngam um da don bun bun ki briew kiba ia leit peit kai bad na baroh arliang mamla ki da rah bad u khaw ban la bet bad duwai na ka bynta la ka liang.

Ngam lah satia ban ioh jingtip kaba thikna dei kano na kitel ki ar rukom ngam um. Namar ym don shuh ki riew tymmen ki ban iathuh namar bun kiba la iap noh baroh.

Da kumno ngi ia ioh ia ka Government High School

La seng ia ka Government High School hangne ha Shillong ha ka snem 1890.

Ka Sorkar ynda haba ka la iohi ba la bun ki khynnah skul, Khasi bad Dkhar, ka la pyrkhath ban pynlong ne thaw noh da ka High School. Kumta ka la tyrwa ia ki saheb Missionary (Welsh Mission) ba kin shimti bad pyniaid ma ki. Hynrei ki kyntait ia keta ka jingtyrwa ka Sorkar. Ki da kren shai ruh bad ong "ba ngim shym wan shane ban hikai jingnang jingstad (Education,) hynrei ngi wan beit tang ban hikai ia ka niam. Ngim hikai tang kumno ba kin nang ban thoh bad pule ia ka Bible bad tang ban nang ban rwai niam (Khasi Hymn Book)". Laroh ki rangbah Khasi hangne ha Shillong lang bad ki dkhar ki tang shu tip ia kata ki la engewsin bad sngew-bitar bad ki la ialum ia lang hi hapdeng ki Khasi ban ia pyrkhath ban leh kumno ia ka jingkyntait ki saheb Missionary. Bad ynda ki la ialang ki la ia rai ba kin ia shimti hi noh ban pyniaid ia ka High School hapoh ka jingialam u Babu Jibon Roy (kpa i bah Sib Charan Roy). Ynda ki saheb Missionary ki la tip ia kata ki la kyndit briew bad shapting ba lada kim shimti hi kata Laroh ki khynnah Khasi kin ym salia shuh ban ialeit jingiaseng sha ling mane bad la ki saheb Missionary kin duh lut ka bor ha or jong ki (influence). Kumta ki saheb Missionary ki la thoh pat sha ka Government ba kin shimti ma ki ban pyniaid ia ka High School.

Ha ki por mynshuwa kine ki saheb Missionary ki da long shisha kiba donbor bad lada ka Sorkar ka donkem briew ki ban trei kum ki kam E. A. C. bad S. D. C. kata ki da pan jingthoh (recommendation) na ki saheb Missionary lada ym ioh recommendation na ki kata ym lah ban ioh ia kitei ki kam bad wat ia kiwei kiwei ki kam ruh ki saheb ki donbor ban thoh noh sha ka Sorkar.

Poi sa ka por ha kaba ka Govt. ka kwah ban shna ia ka College (St. Edmund's College) ki la tyrwa hi ha ki saheb Missionary Wales hynrei ia kane ruh kim treh ban shim. Kumta ka Sorkar ka sa ei noh ha ki Brothers Roman Catholic kiba wan na Ireland. Ka jingbuh la kane ka College ka long tang na ka bynta ki khynnah skul Phareng ba ki la don bun hangne ha Shillong. Kim ju shah ia ki dohiong ban leit skul lait eh tang ki khun bahe i bahain kum u Syiem Manipur bad u pyrsa jong u, na ki Khasi pat dei tang u Inick Singh u khun u Syiem Dakhor Singh Khyrim.

U Horju Roy Khongwir

U Horju Roy Khongwir u trei ka kam Sub-Inspector of Police ha iing Kashari bun bun snem. U long u police officer uba tbit uba nang bad uba la pass ruh la ka Muktearship Examination kaba ym pat ju don ki Sub-Inspector Khasi ki ban pass ia kane ka Examination. La don bun ki saheb Deputy Commissioner kiba kham dum bad khor jinglong ruh ynda ki la ia trei kam bad u Horju Roy ki jem hi jai bad kat kiba la ia trei kam bad u ki shiem ba kim lah ban pyniaid kam da kaba suk khlem da don ma u. Ka kam S. I. ka long ka kam kaba dei ban transfer ia ki manla ka 5 snem kum sha Sohra, Jowai bad Nongroh etc. hynrei ki Deputy Commissioner kim ju transfer ia u, u sah hi ha iing Kashari hangne ha Shii'ng haduh kaba kut. U don ka buit bad ka jingstad jong u kumno ban ialam ia ki Sr. E. A. C. khamtam lei lei ia ki Ang'o Indian E. A. C. wat la wan da ki Pleader kiba nang naduh Gauhati bad Sylhet ruh ki sngap hi ia u Babu Horju U long ruh u Tymmen Basan uba donbor ha ka Balang Mawkhar. Haba wan poi ki nongkren kiba kren da ka Phareng dei ma u hi uba ieng ban kylla Khasi (translate) ia ka jingkren jong ki baroh khlem bakla, U long ruh uba shongshit bha ia ka jingialehkal football ki khynnah samla. Ha kawei ka

jingialang (meeting) football ha ling u Bah Homewell Lyngdoh ha Umsohsun (7 Skum) la don ka jingiakren shaphang jong u bad u Rai Bahadur Dohory Ropmay u da ong kumne "u long u briew uba don ka ta'ent kaba pher"

Hadien ka la kem ka jingpang kaba ki doctor kim lah shuh ban leh ei ei bad u la khilad noh na kane ka pyrthei. Ka Sorkar ka da phah shi kynthun ki police ki ban wan on tep ia u ki da ieng baroh ariang ka surok bad siat suloi haduh ban da poi bad tep la ka mct jong u, ka jingleh ka Sorkar kaba ym pat ju leh iano iano ruh hangne ha Sor Shillong lait tang ha kaba iap u Syiem Rensingh.

Ka jingleit shoh Dohkha ha Ri Khasi por mynshuwa

Ha ki por mynshuwa haba ka Sorkar kam pat shym khang ia ka jingshoh dohkha, ki briew ha ri Khasi-Jaintia ki ju leit shoh dohkha n an la ka snem sha ki wah kiba kham jngai ha kaba ki rangbah, kynthei bad shynrang ki ju ia leit leh sngewbha. Kiba la tymmen lang bad ki khynnah ruh ki ju ia leit haba dei ba ki shoh dohkha na ki wah kiba kham hajan namar ha Sohra ki don shibun ki wah kiba ia jngai tang shi mile ar mile

Ki Sohra ki ju shoh dohkha da u khariew, u sohram-thein, ka shun bad u sohlew. Shane sha sor pat ki pyndonkam tang ka shun bad u jaiur

Ki samla, kynthei bad shynrang ki da ia rlam ia beit bha da ki jain kiba itynnad bad ruh la ki tynsong, ki kynthei ki da kup la ka knup kiba rit bad kleng la ka iarong thep kwai, thep jasong. Kat haba ki rangbah ki la sdang ban wieh la u jingshoh ha wah, kumta ki la

ia her bad ap narud wah ban ia tong bad tang shu mih
dohkha re dohthli kata ki la la t, nruh la ki tynsong bad
ynda ha ka la loh tong baroh ki ia risa shaw.

Ynda la poi pat ka por ban ia shongthait noh ba la
janriet ki la ia shong riang la ki jaka jaka bad ki la ia
sei la ki jasang ban ia bam. Don kiba song ja ha ka
dopwai, don kiba song ha ka slamet. Ym ju khamdon
ki ban thep ha ki khiew ne piang. Ka jyntah jasang ruh
kim ju rah da ki kynja dch ba shet kylla, ki rah hi la u
'kha thli tyrkhong uba la thad tyrkhong bna bad ynda la
khieh bad theh sa ka um u saw syniang kum u kseh.
Ki khieh sa u piat, u sohmynten bad ka mluh ka da
long shisha ka jingbam kaba da tang da shngiam bad
pyngad shi rukom. Ka ja hi ka bang kaba song da ka
slamet namar ka ja ka sma lamet artad ban ia kaba
song ha ka dopwai.

Teng teng ha Sohra ki ju leit shoh dohkha sha
Nongpriang ka jaka kaba riat haduh katta, ki tymmen ki
kro bad kiba dang khynnah te kim ah ban leit. Wat da
ma ngi kiba la kham shait ruh ngi shitom ban hiar ba ki
kjat ki syier bad smier haba buh ha ka khyndew sngew
kum ban syntuid bad tyllun. Ka lonr kaba phylla pat
ba ki briew kiba shong shapoh. Nongpriang ki wan iew
wan hat sha Sohra ki kit la u siej u siken uba jrong bha,
hynrei ka iaid biang biang bad haba ka shongthait pat ki
shu teng bad pynkynduh ia ka siej ha ka khyndew kata ka
dei ka jingshong thait jong ki. Ka lynti lei lei ba hiar na
suruk hamar khlieh riat ka long kaba khim bha, te da
kumno ba ki briew ki hiar haba ki la ia dih kiad ha Sohra
bad la ka iaid pawang shane shatai hynrei ym ju lohsh ew
lan don uba ur ne tyllun bad ban ia.

Ki nong Sor teng teng ki ju ia lum pisa bad wan
shoh dohkha sha Sohra namar ka long ka shnong kaba
pyngad da ka lyer kaba iwbiha kito ki por shoh
dohkha.

Ki jaka shoh dohkha shane sha Sor pat don tang
sha Khwan bad Umkhen bad sha Mawdiang-diung, ki
jaka kiba shit, dait sa u skain bun sa ki bsein um bad

ynda la dei ban kiew thiep haduh ba ym don jingsngewbha ei ei ruh ynda poi ha iing la shu thiah lap ba jur ka jingthait.

Ki jinglehkai sngewbha ki Khasi na ka bynta ka jing-leit shoh dohkha ka la duh la dam noh naduh ba ka Sor-kar ka la khang noh da ka ain bym bit ban shoh dohkha shuh.

Ka jingshet kiad ha ri khasi shuwa ban ai license

Ka jingshet kiad bad di' kiad ha ri Khasi ka la don hi naduh hyndai hyndai t'ngb : ka dei ka kiad kaba shet tang da u khaw bad ki jaid krai bad kiwei kiwei de ki jaid snep soh. kam don jingbuaid ei ei namar ba ym don thiat ha ka.

Hynrei naduh ba wan poi ki Phareng ka sa mih da ka kiad kaba da khleh bad u thiat. La kane ka rukom shet la hikai da ki saheb Missionery bad ong ruh ban di' khyn-diat khyndiat (hynrei la tip hi mo ba wei la di' te na ka khyndiat ka la poi sha ka bym long briew shuh.) Ki khot ia kane ka kiad ka "Kiad Pudka" bad ki phareng pat ki ong ka "Gin "

Ha ki por ba nga dang khynnah ka jingshet kiad ka long kaba shet katba mon, la jan man ka iing ki shet kiad. Nga ju leit bam jurud ha kita ki iing ba marjan. Ka dor kiad ruh ka long kaba tad. Ki shet jarud da u khaw uba saw uba bun da u kba bad u long u khaw uba bang tang-ba khain eh u pdot haba nguid. Ka dor ka kiad ka long tang 2 plsa shi klad ka ban ia ryngkat bad ka -/8/ annas mynta. La ka tad ruh hynrei ym da bun u ban di' kiad khamtam ki khynnah kim nud ban di' kiad, ki tieng ia kiba ha iing hasem bad la ki rangbah baroh.

Na katei ka jarud ki sa thep ha ki khiew shet kiad bad ia kaba sah ka jarud ha u khiew ki ong ka "jawa," U sniang uba bam da ka jawa u sngaid bha bad u khlein ruh de. la katei ka jawa ne jyadem ki nongknia ki pyn-donkam ha ka jingknia jong ki bad ki ong ka "sohpoh."

Suki suki ynda haba ki nongdih ki la nang bun ka Sorkar ka la pynmih da ka ba ai license bad siew khajna artad. Ka dor ka kiad ha kita ki por ka dang long tang As /4/ shi bilor bad kaba kham rem ka long As.-/8/- shi bilor. Ki nongdih mynta pat ym dei tang kiba la rangbah hynrei ki khynnah kiba dang rit pikraid kiba dang pule class kiba dang rit ruh ki la nang ban dih kiad haduh ba la i saitmet ban iohi ha ki por ba la dum ba ki khynnah ki ia 'aid shongshit bad ia id khapngiah surok khlem don jingkein briew iano iano ruh.

Ha ka por ba ki rangbah India hapoh ka jinglalam U Mahatma Gandhi ki la don ka jingthmu kaba skhem bad ki ong ba tang shu ioh Independence, ka kamram jong ki ka long ban ialeh ban pynduh noh ia ka kiad "total prohibition." Hynrei ynda la ioh independence bad shong ha ki shuki synshar ki shem bad ong ba ym lah ban pynduh ia ka kiad namar ka long kawel na ka jingmih (revenue) ka ban siew ia ki shakri Sorkar bad ia ka synshar khadar. Kumta u Mahatma Gandhi ula ong "it is a shame to run the administration by the tainted money" bad u ong ruh ba dei ban ia shong ha ki ling trep bad ia ki Raj Bhavan baroh yn pynlong noh ki Public Library bad Museum. Hynrei mano ban leh ia kata kaba ong u Gandhi ?

U Baliwell u nongtuh ba paw nam ha sor Shillong

Shi por la don uwei u briew uba kyrteng U Baliwell uba la paw nam hangne ha Sor Shillong ia ka jingstad tuh jong u, ki kot khubor Khasi baroh ki da al nam ne

sin kyrteng ia u "U Khlur Nongtuh." U la tuh na bun bun ki bangla ki sahep bad u la rah ruh bun ki tiar ki tar kat kiba u donkam. Hynrei ym don ba lah ban kem ia u lane tip mano ba tuh ia ki tiar jong ki, um ju leit tuh ruh na ki ling kiba duk khamtam ki Khasi, u ialeh ban leit tuh tang na ki Bangla Phareng. Imat u don ka kynja jadu aiu re (magic power) kaba ym don ba la lah ban iohi ia u haba u laid. U la ioh tuh kawei ka Typewriter bad da kata u ju shon ia ki notice ba un leit tuh, u tah ha ki kynroh Laitumkhrach Shi sien u ong ba un leit weng ia ka lama (Union Jack) na ling U Lat, hynrei u khlem leit katba ia tip namar ki pulit ki la ap pahara bha ha kata ka miet. Ynda u la rung hapoh ling u ring shuwa ia ka nep kup ka nem bad u sa ring sa ia ka nep u sahep, ynda ki la ia kyndit ki 'a ia kajia balei phi ring ia ka nep. Kumta ki iath'ah biang bad ynda la shai mynstep ynda ki la ia khie ki shem ba don ki tiar kiba u la rah tuh noh ma u, dei ka ta kaba la pynshisha ia ka jingstad jong u ban leit tuh.

2. Ka Sorkar ha kaba khadduh kam banse ban khot noh sa bad ka jingiarap ki Military ban wan la ap lang mynmiet ban kem ia u. Ha kata ka por ka surok na Dhan-kheti shaduh Laitumkhrach dap da ki pulit bad ki shipai kiba ia ap baroh arliang surok, hynrei kim lah hi ban kem ia u Balliwell.

3. Kaba khadduh kaba ki ioh ban kem ia u ka long tang namar ba u ioh pang noh. U shong ruh shalor sad ha iing ki Roman Catholic bad ka bam ka dih pat u shu leit tuh na ka jaka shet jong ki father. Ha kawei ka miet haba u dang mut ban hiar da kaba u pynhiar ia i sharak electric jong u, ha ka por shiteng synnia, kumno re kumno uwei na ki brother u iohi ia ita i sharak electric kumta ula leit kyrsiew ia ki father/brother bad kumta ula shah kem ha ki.

5. Ynda haba ki la ioh kem ia u ki Police ki la leit sei ia ki tiar ki tar baroh kiba ula buh shalor sad. Kumta kila leit lam ia u sha Police Station. Bad ki police ki da ai jingtip ia ki briew baroh ba kin leit peit ia u khnang ba

kin ithuh, ki da leit lam sha Gate Nan Ka Brin ba ki Driver baroh kin ithuh la u. Dei tang ka jingpang kaba ula shah kem.

5. Ha kata ka por baroh kawei ka Sor ka la khywin hi jlang bad kat shaba leit phin iohsngew tang ia ka kyr-teng U Baliwell ym tang hangne ha Sor hynrei baroh sawdong ka ri Knasi kila ia bna bad tip ia ka kyr-teng U Baliwell.

6. Khadduh khadwai u sahep Deputy Commissioner (K. Kantlie) ynda ula wan na phatok ula ai ki tjar ki tar kiba la buh ha ling Kashari (ba ka Fuller Industrial School) kala duh noh. U phah ruh ia u sha U Wahed Ali Contractor ban ai kam ai jam ia u.

U Nibirai jaid Dkhar

I Nibirai jaid Dkhar iba na Sohra i long iba nang ban kren ki ktien kyllain kyrjaw bad thamula bun rukom. Kine ki dei ki rukom kren jong i harum :—

1. I ri kawei ka ksew kynthai bad kata ka ksew ka kha khun ksew, Te la don uwei u khar ai dud (goala) haba u iohi ia kita ki khun ksew u ong ia i "sngewbha ban ia ai lem uwei." Kumta ila kem ktien bad ong ia u kumne "kumno mem sngew lehrain ban ia pan khun ksew na nga kaba nga bsa ruh da ka ja hynrei mame pat me bsa ia ka masi da u phlang. Nga ia ka eit ksew ngam lah ban die hynrei mame pat ia ka eitmasi me lah ban die te dei ban ai khun ksew ma nga ne dei ban ai khun masi mame ia nga?" Hadien pat i ong ia u "khie leit shim leit pan na ka trai kaba kha ba pun bad lada ka ai te shim uwei." Hynrei ynda u leit sha ka jaka dem jong ka bad ka iohi ia uta u kharkhali ka la byrngom kum ban daif ia u bad ula wan phet noh bad ong "ka byrngem phi kam shah ban leit sha jan," kumta ila ong pat "haba ka trai nongkha kam ai te ngan leh kumno ma nga?."

2 Don uwei u para lok jong i u wan buh ka wait ba in pynthung bad ong ia kiba ha iing kato nga la buh sa peit. Kumta ila shu sngap jar kat haduh ban da wan uta u para lok bad ong 'phi la dep?' i ong "dep ia ei? uta u briew u la ong "ka wait te." Ila ai jubab "oh ka wait, kato ka don hi ha ka jaka ba pbi la buh kam jah bad kumba phi ong sa peit kumta nga la peit." Ki bun ki ktien jong i tangba ym don jaka ban thoh.

U Radhon Singh langblah

Ine i Radhon Singh langblah iba na Mawphlang pat i long iba lap miet tang ka di r kiad, i leit trei kam ruh tang ban dap bai dih, bad ia ki khun ki kti la bsa hi da i tnga jong i Radhon. Te ha kawei ka por ltei i lok i Radhon iba kyrteng i Labir i pang bad ong ia i Radhon "katne nga pang ruh mem don jingpyrkhat ei ei satia kumno ban pyndap ja la la ki khun ki kti me lap miet tang la ka dih" kumta i men Radhon ila ai jubab kumne "pha Labir balei pha pynkhuslai ialade na ka bynta jong nga, namar ka jing-pang jong pha bad ka jingdih kiad jong nga kim don jing-lasoh ei ei ruh." Sa shisien pat i men Labir i ong "balei mem leit la ka kam ka jam ban pyndap bam ia la ki khun?" ha kata ruh i ai jubab "haei pha ju loh ba u 'lar ryngkuh u leh kup kup ban pynwad jingbam ia ki khun syiar?."

Ki Misteri maw ha Jowai bad u Saheb Missionery

Ha kawei ka sngi la don uwei u saheb Missionary ha Jowai haba u leit ban peit ia ka kynroh ba u phah shna ha ki u lap ia ki ba ki la shong dih duma bad u ong kumne "phi ia duwai Blei mo?". Mar kumta u la ong uwei na ki "lada ngim la duwai ia U Blei te lano pat ngin la duwai?". Kumta u leit peit ia kata ka kynroh bad wan pat bad ong ia ki "katto te tharai kan ym khyllon shuh mo?". Te ki ai jubab pat kumne "Tip kein saheb haba ngi ialade ar arsten shi sngi ngi la tei hynrei ym lah ban ong lano ngin khyllon". Uta u saheb khlem kren ei ei shuh u leit noh,

U RANGBAH RUHIM SINGH NONGKYNRIH

(La shim lyngkot na ka jingthoh u khun jong u, u Rangbah
AJRA SINGH KHONGPHAI)

Kam shu long kai ba u briew u la wan sha kane ka pyrthel, ka jingwan long briew ha ka pyrthel ka long ban kamai ia ka hok; em, wat shuwa ban kha ia u briew, ki don ki bor jong ka pyrthel mariang kiba pynlong ia kiei-kiei kiba u briew un long. Ki lum ki wah, ka lyer ka sngi, ka jingko't jingkhiah, ka jinglong babha ki kmie ki kpa, ka jingloh-i ia ka jingitynnad ka pyrthel, nalor ka long kur long jait babha, kine ki sain dur ban pynlong ia u khunlung shuwa ban kha la u.

Ka jingitynnad jong ka shnong Sohra, ka long kaei-kaei ka bym lah ban batai, lymda phi loh-i bad im hi da lade. Shaphang sharum phi loh-i ia ka jingitynnad jong ka ri thor ha ka por synrai, shaphang neng phi loh-i ia ki kshaid ba itynnad jong ka wah Kaba, Mawlal-Khlieh, kshaid lapkhnai, kshaid Kielatara bad kiwei-kiwei ki kshaid; shaphang mihngi, na kshaid Nohsngithiang phin loh-i ia ki lum ki them ba i-tynnad jong ka thain Pynursia, ha kaba phin loh sngew ia ki jingpah Jingrwai ki sim bun jait naduh u jaly-eit, pukrong, jyllop, korklia bad loh-i ruh ia ki syntiew ki skud jong ki thain ri War, jingiwblh ki 'tiew diengngai, 'tiew lasubon bad 'tiew pathaikhubor; shaphang seongi phi loh-i ia ki them, ki lyuh jong ka Sderkariah, Raid-kteng, kshaid-umblei, kshaid Dainthlen, kshaid noh Kalikai bad u lum Symper bad kiwei ki wah, ki lum ki them, kiba dap da ki khanatang suda. Kumta kine ki la sain dur ha i meikha Ribon Nongkynrih shuwa ba i pa Ruhim Singh Nongkynrih in wan sha kane ka pyrthel. Ka ri Sohra ha kito ki por, ka dei ka ri basuk basain, ba loh ba kot, ha kaba baroh ki briew kim don por ban leh ia ki kam runar ne kam bymman; ki kren kumba da thew ha la ka ktien Sohra bad sur bathiang. Dang kyn-ih ne riw u 'iar nyngkong ki la khie ban shet bad song ja, ki leit sha Tharia Majal, ki laid kynhun da ka jingla sngewbha, la ka rwai ka siaw, ki ong ba ym loh sngewthait, haba rwai lei-lei ki jong I Samer Mainglang ha kaba i ong "Haba pluh ka lawbah, loh-i u hajar jon: haba pluh ka mynslem

seh, mano ba lah ban lohi?" "Haba shongkulai ka leit, teh lakam ka mon" bad i Niwer Swer bad ynda wan phai pat sha iing, ki wan kit la khaw la dohkha bad kiwei kiwei ki mar kiba ki pyndonkam ha la ling bad ruh ki mahajon bad la ki mar khutia mutia ba bun jait ban die ha shnong. U duma Sohra u long uba donnam haduh mynta, kumjuh ruh ki soh, ki pal, ngap bad kait Sohra.

Dei ha kane ka shnong bad jaka ba la kha ia u Rangbah Ruhim Singh Nongkynrih, kumba 33 snem shuwa u Jumai bah, jong ka snem 1897 bad lynter ka jingim jong u, u la pyni la klei-kiei kiba la sain dur, wat shuwa ban kha ia u. Um ju lehnoh ban thoh ia la ka jait hadien la ka kyrteng, bad u ju ong ba u bym le' kumta, u long kum u bym don jait.

U Rangbah Ruhim Singh Nongkynrih u don ka main kaba ym lah ban batal. Ban batai ia ka main, ka ryngieng rynlot, ne ka syrngiew jong u, ka long kaba jwat katta-katta namar, ka syrngiew ka main, ki kynthup ia klei-kiei baroh kiba don bad pynlong ia u briew; ka bam ka dih, kum ha ki kam ba u la leh, ki ktien ba u kren, ka riam ka belt, ka rukom laid rukom leng, ki rukom pyrkhat pyrdaln bad ka jingtip jingtieng ia U Blei Trai Kynrad, U Nongbuh bynta Nongsam bynta. Ka main ka long kaba eh ban batai, namar ka long syriem kum u sohniamtra ba la ih sawbyrtem, uba pyllun, ba itynnad uba don ka jingbang ka jingthiang hapoh. Ym lah ban batai ia ka main u Rangbah Ruhim Singh Nongkynrih. La niar ban loh-i mynta kum ka dur bad ka ryngieng jong u, khweb khweb la ka jain kup ryndia, la ka boh khalla, la ka jainspong bad la u tmain, haba u laid u leng shano shano bad ha surok Bandar Bazar ha Sylhet, ha kaba ki dkhar baroh ki burom ia u. U nang bha ban kren ia ka ktien 'khar Shilot bad kat shaba u laid um ju sngewkyrduh. La imat um don peisa ha ka pla, hynrei um ju pynpaw bad leh hi kum uba dap lut ha pyrthel (without a penny in his pocket, he surveyed the world with a lordly air).

U Rangbah Ruhim Singh Nongkynrih um shym la loh ban pule ha ki High School ne College, hynrei u la pule tang ha ka class kaba lai ne saw, jong ka Normal School ha Sohra bad shipor u la leit shong skul ha Shilot.

Ynda nga la lait matric, ki la kwah ba ngan leit pule college ha Sylhet, hynrei namar ka jingsngewsarong. nga la pynlah ia la ki kmie ki kpa da kaba ong ba ka Shilot bad ka Majal kim da iapher. Kumta la phah la nga sha Calcutta ban pule ha Scottish Church College, ha kaba dang don ki jong i Bah Wiscot Marbaniang, bad hangne nga la ioh pang jur bad hap thiah ha Calcutta Medical College Hospital. Ki iathuh ba ki jong i pa bad Rangbah Sib Charan Roy jait Dkharki la wan sha Calcutta bad tang shu hiar na ka train ha Sealda ki la wan sha Hospital, hynrei ym shym la shah ia ki ban rung namar bym dei ka por khmih nongpang (visiting hour). Ki la iathuh ruh ba i pa i la ong ba dei ban loh i ia la u khun, hynrei kawei ka Nurse dohlieh ka la ong ba um dei u khun jong phi. Ki la ong ruh ba la don ka jingia kajla kaba jur hynrei la shu pynjem noh. Ngi dei ban kynmaw ki por mynwei, ki rangbah jong ngi, kim salia la ki ikhlt ki Ikhai (technicalities) tien sarong hynrei ki kren beiti ka jingshisha. Ynda nga la mih na Hospital nga la hap ban leit pule ha ka jaka ba ki la kwah bad thmu ia nga ban leit, kata ha M.C College, Sylhet. Kane ka la ai jingmut la nga ban pyrkhat ba ka jingbym ngeiti la la ki kmie ki kpa ka pynngat jynjar ia nga. Ki kmie ki kpa ki long shisha ki blei ha ka pyrthet.

Nga kynmaw ia ka por haba ngi dang pule College ha Sylhet ryngkat bad ki lok, kum ki jong i Bah Olip, Croma'yn, Jober, Trebor, Nobulisi, Wellborn, Endronath, Kwel, Nes, Kelvinell bad kiwei kiwei; ka la long ka por kaba sngew-tynnad bad ngi la sah ruh ha i hostel rit ha Mission Compound jong ka Wales Presbyterian Mission, ha kaba ngim lah ban pyniut Rs. 4/- shi bnai ha ka bam, ha ka salt jain salt nep bad kiwei kiwei ki jingdonkam. Ngam lah ruh ban klet ia ka jingleh bha ki Missionary, khamtam u Rev. J.W. Roberts uba shisien u 'a pyllait ia ka Tmar Zamindari jong i pa, ba la lifam bym siew khajna biang por. I pa i la ju poi ha Shilot, la kumno-kumno ruh ym duna ia ka ar sien shi bnai. I la ia leit bad ia dei jingmut la baroh bad ka don ka shithi kaba 5 June 1924. ha kaba ka Miss Jones kala wan sah ha ling jong ngi ha Nongjri, ha ka por ba ngam don ha shnong.

I pa i la long u briew uba jai-jai bad u bym ju khluit law-law. Nga kynmaw ha kawel ka miet, haba nga dang-rit ba la pluh ka iing bah jong ka 'law Sai ha ka por kumba 7-30 ne 8 baje jan miet; baroh shi shnong ki la ia mareh ban leit pynlip ia ka ding, hynrei haba ki wan khot ia i pa, ki la lyngngoh ban ioh-i ba i dangdih duma. Nga kynmaw ruh ha kata ka por, uwei u rangbah u la ong "kat kane ka jinç'uh ha shnong, phi pat phi dih duma." I pa i la jubab ba "nga pyrkhat kumno ban leh' bad bym dei ban shu leit ieng khmieh kai ia ka ding." Nangta i la ieng bran bran bad leit beit sha ka jaka ba pluh, i la loh i ba ki briew ki shu ia ieng bad ia pyrtā, i la phah ba kin wan rah um na ki shyngiar ban theh, katba lah, ban pynlip ia ka ding, katba ma i bad katto katne ki rangbah ki ia rung hapdeng ka ding ban sei ia ka synduk nar kaba ka 'law Sai ka bu' tyngka. Ynda la lip ka ding, ka 'law Sai ka la plie ia ka synduk nar bad la lap ba ki tyngka pliah rupa (Syiem Bilat) ym duna ia ka shiphew hajar kim shym lei-lei. I pa ym tang ba i la long uba jai-jai, hynrei iba lah ruh ban shah bad ia dei lok ia baroh, lait tang ia u nongbuaid. Im lah ban shah ia ki jingthombor, i la ieng skhem ha la ka tynrai bad i la ialeh bad jop ruh ban ym shah pom ne pynduh ia ka diengjri bah, kaba ha Nongbah hajan iing jong ngi ha Mawlyngdoh.

U la long u briew uba shynrang bad rangbah, u bym ju tieng ban ieng ha ka hok. Ha kaba i pyn-long ia ka Hat Tmar i la lah ban pyniadei ia ki dkhar kumjuh ruh ia ki thain Mawlam, Mawja, Mawk'law, Suktia bad ki khun ki hajar jong ka hima Sohra bad Khyrim.

Dei hajan jong kane ka hat Tmar ba la shoh maw-shun bad don ka trolly line bad ki trucks, ba nga ia leit poi pat ha ka 18th December, 1969 ryngkat bad u Mr. J. K. Bagchi, Deputy Commissioner bad Lt. Col. Lal Deshraj Singh, Commandant, 85 Bat. B. S. F., Sirdar No. 1 bad kiwei hadien kumba 40 snem bad kane ka jaka bad Zamindari baroh ki la hap hapoh East Pakistan kaba long mynta ka Bangladesh.

Ha ka jingkyrmaw burom ia une u Rangbah ha Sohra, ha ka 16th January 1974 ka kot khubor "Ka Mei Ri-Lum" dated 26th January, 1974 ka la thoh kumne —

"Ka jingialang kynmaw burom ia u Rangbah Ruhim Singh Nongkynrih ka la long ha Pdeng Shnong Sohra ha ka 16th January, 1974 ha ka jaka ba la kha ia u ha ka snem 1864 bad u la khlad noh na kane ka pyrthei ha Tmar Zamindari ha ka 16th January, 1937.

Ia ka jingialang la pyniaid da u Syiem Mesingh, Syiem Sohra bad ka la long ka jingiashem lang ki kur ki jait Nongkynrih na kylleng ki shnong bad kyntolt, ki khun kha khun long, bad bun bah ki para kur para kha—Ynda la plied ia ka dur jong u, la kren na ka liang ki khun kha da ki Rangbah Mellington Diengdoh, Ajra Singh Khongphai, Kendromuni Kharkongor, Norman Singh Syiemlieh; Hollington Diengdoh bad na ka liang ki kha ki man da ki Rangbah H. C. Wallang, Aquilla Siege, Kwell Mohon Roy, nalar bun kiba iadon kum ki Rangbah B R. Laso, A. Alley, Hodwickton Nongsteng, Pyneh Singh Tymthai, Sirdar Nongjri, Rodro Manik Syiem, Swamiji Gakulananda Ram Khrishna Mission bad kiwei, nalar ka jingrwai kaba sngewtynnad ba la rwai da u Skendrowell Syiemlieh.

Haba lum lyngkot na ki jingkren baroh, ki jingmyntoi ba la ioh na ka jingim u Rangbah Ruhim Singh Nongkynrih (bam kwai ha iing U Blei) ki long kine :—

1. Ban kynmaw, ban leh burom ia la ki kpa nongkha, melkha pakha, ia la ki kmie ki kiaw, thawiang iawbei bad ruh ia la ki longshuwa manshwa, ka dei ka kamram ba kongsan jong u khun Khasi Khara. Ha ka jingshisha ki tymmen ki juong, ba kito ki bym nang ban burom ia la ki kmie ki kpa, kiba longkum ki blei ba shimti bad longtrai ha ka pyrthei ne ia la ki meikha pakha, kim ju lah ban long briew ne shem bha ha pyrthei lane lawei. (To honour the dead ancestors is the duty of every Khasi, and he who wilfully neglects this duty, It is beleived will neither receive their help nor become prosperous in life here and after).

2. Ba u nong Sohra, u lah ban shong ha kano kano ka shnong ne ri bad ban im lang sah lang bad kito ki briew kiba u la shong, u la im bad u la lap. U lah ban pynphyrnai ia kata ka jaka (brighten the corner where he is).

3 Ba tang ka peisa kam ju lah ban pynlong kam ne jop ia ka pyrthei. Une u Rangbah u la seng ia ka Hat-Tmar kaba ki khot ki dkhar baroh Ruhim Babu's Bazar bad ia ka Tmar Zamindari hapoh ka district Sylhet kalem peisa hynrei tang da ka built bad ka akor babha. Ka pyn-i ruh ba ka akor ka long kaba ngim da pynlut peisa ban thied hynrei ka long ka atiar ba lah ban thied ia ka pyr-thei baroh.

4. Ka long kaba shisha ba la kha ia une u Rangbah ha ka shnong bad ri Sohra ba i-tynnad, hynrei uba ka shnong Nongjiri ruh ka dawa ba u dei u jong ka. Ngim dei ban ia kajia la kane, hynrei ka jingshisha ka long ba u dei u briew u bym lah ban kam kynti tang ka Sohra ne Nongjiri, hynrei u nongmait bad nongialam lyntia ki thain ba shathle jong ka ri Khasi bad Jaintia ha ka jingiadei ka im-lang ka sah-lang, ka built ka akor, ka khali ka pateng.

5 Ba une u Rangbah u la loh-i ba ka jingiadei jong ki thain kiba shaphang shathle ka bynta kaba don kam eh jong ka ri jong ngi, ka dei ka thain Sylhet, Sunamganj, Chhatak shaduh Dacca, Mymensing, Calcutta. U la loh-i ruh ba ka jingpynkit ia ki soh ki pai, 'latyrpad, kwai tym-pew bad kiwei-kiwei ki jingmih ki kham tad ba lah ban leit kit bad shalan da ki lieng lyngba ki wah ka ri Khasi bad Jaintia.

6. U la don ka rynieng ryniot kaba i-khain bad kaba e'i ban batai, kaba long kum ka jingiwbihi ba mih na u 'tlew Lasubon kaba pyn-i ia ka main jong u, ka rukom im, rukom pyrkhat pyrdain, bad ka jinglong kaba tip briew tip Blei jong u.

U Sylem Mesing Sylem Sohra u la pynwal ia ka jinglalang da kaba ong ba ka long ka jinglashem lang ba i-shongkun bad une u Rangbah ba la dei ban khiald noh na ngi, u dei u nong Sohra uba bat ia ka akor bad tien Sohra la u don hangno-hangno ruh".

U Nissor Singh Langwa uba Nyngkong eh ban trei ia ka kam lum bad khail Thapbalieh ha ri Khasi

I Pa jong nga (U Nissor Singh Langwa na Mawphlang) i dei i nongkhail thapbalieb nyngkong eh ha ri Khasi da kaba i ioh jinghikai na ki saheb kiba don hangne ha Sor ha ka por shuwa u jumai dei ha ka por u saheb Col. Bivar. I ju iathuh khana shaphang une u saheb. I ia kynduh bad i mei (Ka Thadon Doonal) hangne ha Laban tangba ki la dei ban leit shong noh sha Sohra namar ki saheb kiba la hkai ia i ki ong ba dei ka shnong (centre) ban lum thapbalieh Mynshuwa eh i trei kam misteri maw. I ong ba ila ia trei ia ka Kashari kaba don haduh mynta. I Pa im nang phareng bad ia ki kot ki sia i shu phah pule bad phah thoh ha kiba nang. I long ruh iba sngewtynnad ia ki kot khubor bad i subscribe kot khubor da kaba i leit phah pule ha kito kiba la nang.

I Pa i khail ruh ia ki bun jaid ki khniang, sop khniang etc, i ju ioh shithi na kylleng ka pyrthei, i khail syntiew dleng bad uba jur eh dei u syntiew knup mawiang (cypripedium) kat haduh ba ka Forest Deptt. ka la khang noh lada khlem siew ia ka royalty, kumta ila sangeh noh. I Pa i trei tang da kane ka kam i pynsan pynrangbah ia ngi baroh. Ngi ia don 11 ngut shi para bad don tang arngut ki shynrang. I Pa ynda i'a tymmen im lah shuh ban trei kam, nga ruh nga la trei ia kane ka kam bad nga la pynheh ia ka shaduh Europe bad America. Ki 'khar Assames ynda ki la iohi ia kane ki la leit ai mudui sha u Chief Minister bad ong ba un thoh sha ka Govt. of India ban stop (ban), ia kane ka jingphah thapbalieh lynda kumta ki thapbalieh baroh kin duh jaid noh. Hynrei nga la pyrshah ia kata ba da kumno tang da kaba kem ia kito ki thapbalieh ba her ha madan ban duh jaid noh. Nga la ong ha kita ki kot khubor ia ka Govt. of Assam "kiei kita ki expert kiba la ai jingmut ia ka Sorkar kumne?" Kim nang wat tang ban spel katto katne ki thapbalieh kiba ki ong "ki rare butterflies" nga sa pynbeit ia ki spe'ling jong ki. Ka Sorkar Assam kam

shym ai jubab ia kata. I Pa la im nang Phareng hynrei i tip lut ia ki kyrteng thapballeh (scientific names) kawei pa kawel, i tang shu peit i la ong kane ka dei kata.

I Pa i ielt ia nga katta katta haduh ba nga la rangbah bad leit sha Sohra ha kawel ka step I la wan rah la ka tangduma bad kyrsiew ia nga "khie noh me, hih dih une u duma." Kumta nga la khie kynsan da ka jingsngew lehrain artad ba i Pa i wan ai tang duma ia nga ban dih. In iohi ba nga trei ha ki kam suh football kata ila shim bad pynot ia u nar ban suh football. Haba i iohi pat ba nga shna dieng hockey, kata i la sei ka kurat bad randa ban pynshna dieng hockey namar ha kito ki por ka long kaba eh ban thied dieng hockey, ngi shu thaw hi bad ka ball pat da ka tyllongsiej. I Dr. Omo Jyrwa ruh ila wan ialeh kai lang bad ngi bad kiwei kiwei de. I Pa im ju shoh la nga shi sien ruh katba nga kynmaw. Baroh ha iing ki ong ba ngan sa long u kynnah dakaid/runar namar ba i aili eh i Pa. Hynrei kam long kumta. Ynda la khie ka thma bah kaba nyingkong nga la hap ban mih noh na skul bad sdang wad kam noh bad nga la leit thma ha ka 1914-18 sha Mesopotamia bad sah sha thma kumba shi snem shiteng tam. Ynda wan na thma nga sa ia wad kam bad hadien nga sa ioh kam ha Comptroller' Office mynta ki khot Acconntant General's office. I Pa ila khlad noh na kane ka pyrthei ha ka 27th January 1939 lehse im duna ka snem ba i la im haduh 90 snem ka ryta.

Ka kyrteng ki Rangbah Khasi kiba ia ia pass nyngkong eh ha ka pule skul/college bad kiew kam Sorkar bad lohnam na ka Sorkar.

Sl. No.	Kyrteng.	Ki jingpass bad loh nam'
1.	U Jiben Roy.	Uba nyngkong eh ban loh trei ia ka kam Magistrate na ka kam clerk.
2.	U Raimohon Diengdoh.	Uba nyngkong eh ban leit shong college sha Calcutta.
3.	U Dohory Ropmay.	Uba nyngkong eh ban pass ia ka B A. bad long E.A.C. & loh ka nam Rai Bahadur na ka Sorkar.
4.	U R.R. Thomas.	Uba pass nyngkong eh ia ka M.A. bad uba nyngkong eh ban pass ia ka P.R.S. na Assam.
5.	U Josingh Rynjah.	Uba pass nyngkong eh ia ka B.L. bad long E.A.C. baduh ka kam A D.M.
6.	U Meklington Sootinck.	Uba nyngkong ban pass ia ka B. Sc.
7.	U Sibcharan Roy jaid Dkhar.	Uba pass nyngkong eh ia ka Entrance Examination ka Shillong Govt. High School.
8.	U Grandvil Pugh.	Uba pass nyngkong eh ia ka B.D.
9.	U J.J.M. Nichols Roy.	Uba long u aongmibkhat ia ki Khasi sha ka Constituent Assembly bad uba nyngkong eh ban long M L.C.
10.	U Rai Singh Shabong.	Uba trei naduh ka kam Mohurur baduh ban da long Offg. Executive Engineer bad loh ia ka nam Rai Bahadur.
11.	U Gaurin Rai Giri.	Uba ar ban long Executive Engineer na ka kam Mohurur.
12.	U Dr. Homewell Lyngdoh.	Uba pass nyngkong ia ka L. M. S. bad loh ka rank Captain na ka Military bad loh ia ka nam M. B. E.
13.	U Raimuni jaid Dkhar.	Una pat da ka jingnam jingstad na ka kam pulit ula loh ban kiew sha ka kyrdan Inspector of Police.

Sl. No.	Kyrteang	Ki jiangpass bad ioh nam.
14. U Frister Kharkongor.		Uba pass nyngkong eh ia ka B. E. bad mynta u long Chief Engineer, Meghalaya.
15. U Wilson Reade Phanwar.		U Nongbikai skul uba rim tam bad ioh ia ka nam bad burom na ka Sorkar Assam ka "National Award Certificate of Merit".
16. U Iscot Marbaniaog		Une u trei kam clerk haduh ba un da kiew kyrdan Under Secretary.
17. U Cecil Anthony Roy (Lyngwa).		Uba pass nyngkong eh ia M. Com.
18. U Omoroy Jyrwa.		Uba nyngkong eh ban pass ia ka L. M. P. bad uba bud ia u dei U Benoni Chyne.
19. U David Roy Phanwar.		Une u trei naduh ka kam clerk bad kiew haduh ban da long E. A. C. bad ioh ia ka nam M. B. E.
20. U Marbah Lyngdoh Khar.	Lyngdoh Khar.	Uba pass nyngkong eh ia ka M. Sc shiing.
21. U Orlando Lyngdoh.		Uba pass M. B. (Cal.) M. A. (Anatomy) (Calif) U. S. A. bad long D. H. S. Meghalaya.
22. U H.M. Raptap.		Uba pass nyngkong eh ia ka M. Th. bad long Principal ia ka Theological College, Sohra.
23. U George P. Son Royal Gadew.		Uba pass M. Sc., M. D. (Hono) Gold Medalist.
24. U S.G. Nalle.		Uba ioh nyngkong eh ia ka Wood Badge jong ka Boy Scouts Association (India) bad ia ka Diploma A. T. S. C (London) ha ka snem 1922.
25. U Peace Maker Jyrwa		Uba nyngkong ban ioh ia ka khu-snam "J. P. M." u trei ha ka I. B. Ministry of Home Affairs.

Sl. No.	Kyrteng	Ki jingpass bad ioh nam.
26.	U Kine Singh Syiem	U long u Siem uba nyngkong eh uba la iehnoh ia ka khet long Syiem bad kylla Khristan artad ha ka anem 1882
27.	U Eladbor Laloo.	Uba pass ia ka B.Sc., (Hon) ha ka Applied Geology, 1st class na ka Dhanbad University.
28.	U R.L. Cunville.	U Khasi uba nyngkong eh ban pass ia ka M. B. B. S. na ka Calcutta Medical College (1936) bad nyngkong eh ban kiew haduh ka kyrdan Director of Pasture Institute.
29.	U Hamlet V. Bareh.	U Khasi uba nyngkong eh ban ioh ia ka khusnam Doctor (D. Phil)
30.	U David Christopher Manners.	U Khasi uba nyngkong eh ban long Ambassador.
31.	U Prof. G.G. Swell,	U Khasi uba nyngkong ban long Deputy Speaker ha ka Lok Sabha bad uba ar ban long Ambassador.
32.	U R.V. Lyngdoh.	Uba nyngkong eh ban pass ia ka I.A.S. lang bad ia ka I.F.S.
33.	U Hurbert Suchiang	Uba nyngkong eh ban pass ia ka I.A. & A.S.
34.	U A.S. Khongphai.	Uba nyngkong eh ban ioh ia ka nam advocate.
35.	U R.T. Rymbai.	U D.C. ba nyngkong eh na ki Khasi.

Ka list ki kynthai Khasi kiba nyngkongeh kiba ia ia pass na ki College & kiba ia ioh nam ioh burom na ka Sorkar.

1. Ka Anamon jaid Tham Kaba pass nyngkong eh ia ka Entrance Examination nangta leit shong College sha Calcutta bad pass ia ka F.A.
2. Ka Enola Chyne, Kaba pass nyngkong eh ia ka B.A.
3. Ka Kelolide Kharasati. Kaba pass nyngkong eh ia ka B.Sc.

Sl. No.	Kyrteng	Ka jingpass bad ioh nam.
4.	Ka Mavis Dunn Lyngdoh.	Kaba pass nyngkong eh ia ka B.L. bad kala leng M.L.A. bad trei kam Minister.
5.	Ka Boniley Khongmen	Kaba long M. L. A. kaba ar bad kala long ka Deputy Speaker ka Assam Legislative Assembly. ha-dien pat ka long Member jong ka Assam P.S.C. bad hadien pat ka leit long Member jong ka Union PSC, bad khadduh eh ka leit long Chairman jong ka Nagaland P.S.C.
6.	Ka Erie jait Passah.	Kaba pass nyngkong eh ia ka L.M.P. na ka Dibrugarh Berry White Medical School.
7.	Ka Clarabel Reade Syiem.	Ka Khasi kaba nyngkong eh ban pass ia ka M.B.B.S. ha ka snem 1937 na Medical College Calcutta.
8.	Ka Bluebel Reade Syiem.	Ka Khasi kaba nyngkong eh ban pass ia ka M.Sc., P.H.D. University Calif, Barkely ha ka suem 1948 bad kaba nyngkong ha ka Research Scholar in cancer.
9.	Ka Berlyna Diengdoh.	Ka kynthei Khasi kaba nyngkong eh ban leit trei kam office ha Secretariat. Ka long ruh ka kynthei Khasi kaba nang ban shong bicycle Ha ka thma bah kaba ar kala iarap bha ja ka Gorkar bad kala ioh ia ka "Kaisar-I-Hind Medal, 2nd class."
10.	Ka Sweetymon Rynjah.	Kaba pass nyngkong eh ia ka A.C.S. bad long Megistrate, mynta pat ka treikum ka Asstt. Registrar jong ka NEHU.
11.	Ka Jaunita War.	Kaba pass M. A. 1st class 1st (Linguistic.)
12.	Ka Emeline Chyne.	} Kine baroh arngut kila ioh ia ka National Award na ka bynta ka jingtrei kam ba bha tam. (No. 12 kum ka Sister Civil Hospital, Shil-long bad (No. 13) kum ka Health Visitor Cherra Rural Family Welfare Planning and MCW Centre Cherrapunjee.
13.	Ka Ivory Kordor Wallang.	

Sl. No.	Kyrteng	Ki jingpass bad ioh nam.
14.	Ka Sitimon Sawian (Kong Si)	Ka Khasi kaba nyangkong eh ban ioh ia ka medal "Padma Shri Award."
15.	Ka Helimon Diengdoh.	Ka Khasi kaba nyangkong ban hikai school ha Dacca bad pass ia ka krien Bangla.

KI SYIEM KHASI

- | | | |
|--------------------------------------------|---|---------------------------------------------------------------------------------------------------------------------------------------------------|
| 1. U Kine Singh Syiem
(Nongkblaw 1903). | } | Kise baroh arngut la ong ba ki la
ioh ia ka nam "Raja" bad leitshim
ia ki waitlam na ka kti U King
Edward the VII ha ka Durbar
Delhi. |
| 2. U Dakhor Singh Syiem
Khyrim, (1914). | | |
| 3. U Kmuin Manik Syiem
Mylliem (1918). | | Une u ioh ia ka nam M.B.E. ha
ka thma bah kaba nyangkong. |
| 4. U Olim Singh Syiem
Khyrim (1944) | | Une pat u ioh ia ka nam O.B.E. |
| 5. U Bala jied Singh Syiem
Khyrim. | | La pynkhamti kum U Syiem ha
ka 26th August 1978. U dei u
Doctor ba la pass M.B.B.S. |

MAGHALAYA STATE

Ha ka 21st January, 1972 ka Prime Minister Indira Gandhi kala wan suit wan shor ia ka Full State Meghalaya ha Polo Ground, Shillong.

Ki Minister ba nyangkong eh jong ka Meghalaya State.

- | | |
|--------------------------------|----------------|
| 1. Capt. Williamson A. Sangma, | Chief Minister |
| 2. Stanley D.D. Nichols Roy, | } Ministers |
| 3. Brington Buhai Lyngdoh. | |
| 4. Edwin Bareh. | |
| 5. Sanford K. Marak, | |
| 6. Darwin Diengdoh Pugh, | |
| 7. Sheisingh Grohon Marak. | |
| 8. P. Ripple Kyndiah. | |
| 9. Radhon Singh Lyngdoh. | |

U 1st Speaker jong ka Meghalaya
Legislative Assembly, Une ruh u la
ioh ia ka nam Doctor (D. Phil.) bad
u long ruh u nongkren (Orator) uba
nang bha ha ri Khasi & Jaintia.

CHECKED

State Central Libra
Shillong.

